

საქართველოს სსრ მეცნიერებათა აკადემია

ფილოსოფიის ინსტიტუტი

რენე დეკარტი

მეტაფიზიკური განასრებანი

ფრანგულიდან თარგმნა
პროფ. ს. ღანველიამ

საქართველოს სსრ მეცნიერებათა აკადემიის გამომცემლობა

თბილისი—1955

წინასიტყვაობა

საქართველოს სსრ მეცნიერებათა აკადემიის ფილოსოფიის ინსტიტუტის ერთ-ერთ ამოცანას მოწინავე ფილოსოფიური აზრის კლასიკოსთა შრომების პოპულარიზაცია შეადგენს. ამ მიზნით ფილოსოფიის ინსტიტუტმა უკვე რამდენიმე წელიწადია წამოიწყო ფილოსოფიის კლასიკოსების თხზულებათა ქართულად თარგმნა და გამოქვეყნება. ყურადღება გამახვილებულია ძირითადად ანტიკური ხანის მატერიალისტებზე, დასაეღეთის ახალი დროის ფილოსოფოსებზე, რუსული ფილოსოფიის კლასიკოსებზე და ქართული საზოგადოებრივი და ფილოსოფიური აზრის მოწინავე წარმომადგენლებზე.

ანტიკური ფილოსოფიიდან უკვე გადაითარგმნა და დაიბეჭდა ლუკრეციუსის (დაახლოებით 99--55 წწ.) ფილოსოფიური პოემის—„საგანთა ბუნების შესახებ“—პირველი წიგნი (ფილოსოფიის ინსტიტუტის შრომები, ტ. II, 1950); ეპიკურეს (341—271 წწ.) თხზულებათა სრული ნაწყვეტები (ფილოსოფიის ინსტიტუტის შრომები, ტ. V, 1954); ჰერაკლიტეს (VI—V სს.) თხზულების ფრაგმენტები (ფილოსოფიის ინსტიტუტის შრომები, ტ. VI, 1955). რუსული ფილოსოფიის კლასიკოსებისაგან ფილოსოფიის ინსტიტუტმა (სახელგამთან ერთად) გამოსცა ნ. გ. ჩერნიშევსკის რჩეული ფილოსოფიური თხზულებანი (1945). ქართული ფილოსოფიიდან—სოლომონ დოდაშვილის ლოგიკა (სახელგამი, 1949) იბეჭდება ლ. ფოიერბახის „ქრისტიანობის არსება“, დამუშავებულია გამოსაცემად ჰეგელის „ფილოსოფიურ მეცნიერებათა ენციკლოპედია, ნაწ. I, ლოგიკა“. ამჟამად ფილოსოფიის ინსტიტუტი გამოსაცემად ამზადებს ქართველი 60-იანელების

რჩეულ ფილოსოფიურ თხზულებებს (ილ. ჭავჭავაძე, ნ. ნიკოლაძე, გ. წერეთელი).

დეკარტი (1596—1650) ახალი ფილოსოფიის ერთ-ერთი მნიშვნელოვანი წარმომადგენელი და ფუძემდებელია. მისი ფილოსოფია დუალისტურ ხასიათს ატარებს; იგი შეიცავს წინააღმდეგობებს, რომლებიც დამახასიათებელი იყო აღმავალი ბურჟუაზიის ეპოქისა და კლასისათვის. მიუხედავად ამისა, დიდია დეკარტის მატერიალიზმისა და რაციონალიზმის დადებითი როლი სქოლასტიკის კრიტიკისა და ახალი დროის მატერიალიზმის განვითარების საქმეში.

„მეტაფიზიკური განაზრებანის“ ქართული თარგმანი დეკარტის ფილოსოფიურ თხზულებათა ქართულად გამოცემის პირველ შემთხვევას წარმოადგენს; მისი სახით ფილოსოფიის ინსტიტუტი ქართველ ჰეიბელს აწვდის დეკარტის ერთ-ერთ ძირითად თხზულებას.

თარგმანი შესრულებულია ფილოსოფიის ინსტიტუტის უფროსი მეცნიერი თანამშრომლის — პროფ. ს. დანელიას მიერ, დეკარტის რჩეულ თხზულებათა შემდეგი გამოცემის მიხედვით: *Oeuvres choisies de Descartes. Nouvelle édition revue d'après les meilleurs textes.* Paris, Garnier frères.

ფილოსოფიის ინსტიტუტი

პირველი ფილოსოფიის უმსახებ განაზრებანი,
სადაც ნათლად მტკიცდება ღმერთის არსებობა და
რეალური განსხვავება ადამიანის სულსა და ტანს
ზოგის

განაზრება პირველი

იმ საბანთა უმსახებ, რომელნიც უძიძლება
ეპისტოლის კვეთ იქნენ დაქმნებულნი

დღეს კი არ მაქვს უნიშნული, რომ ჩემი არსებობის პირველი წლებიდანვე მრავალი ყალბი შეხედულება¹ მე კეშმარიტ შეხედულებად ჩამითვლია და რომ ის, რაც მე შემდეგ ასე ცუდად განმტკიცებულ პრინციპებზე დამიმყარებია, არ შეიძლებოდა ძალიან საეჭვო და არასანდო² არ ყოფილიყო. მას აქეთ მე გადაწყვეტილი მქონდა, რომ საკირო იყო, რათა ერთხელ ჩემი ცხოვრების განმავლობაში სერიოზულად მეცადა დამეღწია თავი ყველა იმ შეხედულებისაგან, რომელიც უწინ ნდობით მიმიღია, და ყველაფერი ხელახლა, საფუძვლებიდან დამეწყო, თუ კი მსურდა ამეშენებია მეცნიერებაში რაიმე მტკიცე და მყარი. მაგრამ, ვინაიდან ასეთი ცდა ძალზე ძნელ საქმედ მეჩვენებოდა, მე დავუტადე იმ ასაკის მიღწევას, რომელიც საკმაოდ მომწიფებული იქნებოდა იმისათვის, რათა არ მქონებოდა იმედი, რომ მოვესწრებოდი სხვა ასაკს, როდესაც მე უკეთესად შევძლებდი ამ ცდის შესრულებას. ამან მე იძღენი ნალოდინა, რომ აწ დანაშაულს ჩავიდენდი, თუ დროის იმ მანძილს, რომელიც მრჩება მოქმედებისათვის, ისევ ლოდინს მოვანდომებდი. მაშ, დღეს, როდესაც მე, ამ მიზნისათვის ძალიან შესაფერისად, გავითავისუფლე გონება ყოველგვარი ზრუნვისაგან, როდესაც მშვიდობიან განმარტობაში მოვიპოვე საიმედო მყუდროება,

¹ Opinion.

² Incertain.

მე სერიოზულად და თავისუფლად შევეცდები გავანადგურო ყველა ჩემი ძველი შეხედულება საზოგადოდ. ამის მისაღწევად არ იქნება საჭირო ვაჩვენო, რომ ყველა ეს შეხედულება ყალბია, რასაც შეიძლება მე ვერასოდეს ვერ მოვრჩებოდი. მაგრამ, რაკი გონება მარწმუნებს უკვე, რომ იმ საგნების დაჯერებას, რომლებიც არ არიან სავსებით სანდო და უეჭველი, მე ვალდებული ვარ ვუფროთხილდებოდე არა ნაკლებ, ვიდრე ისეთების დაჯერებას, რომლებიც მე აშკარად ყალბად მეჩვენება. ეს გარემოება საკმარისი საფუძველია იმისათვის, რათა მე უარყო ყველა საგანი, თუ შევძლებ თითოეულში ექვისათვის რაიმე საბუთი აღმოვაჩინო. ამიტომაც არ იქნება აგრეთვე საჭირო, რომ თითოეული საგანი გავსინჯო ცალ-ცალკე, რასაც უსაზღვრო შრომა დასჭირდებოდა; არამედ მე უწინარესად იერაიშს მივიტან იმ პრინციპებზე, რომლებზედაც დამყარებული იყვნენ ყველა ჩემი ძველი შეხედულებანი, ვინაიდან საფუძვლის დანგრევას აუცილებლად მოჰყვება თან შენობის დანარჩენი ნაწილის დანგრევაც.

ყოველივე, რაც აქამდე ყველაზე უფრო ჭეშმარიტად და სანდოდ მიმაჩნდა, მე გრძნობისაგან ან გრძნობათა საშუალებით შემიცვნი. მაგრამ მე ზოგჯერ გამომიცდია, რომ ეს გრძნობები მატყუარები იყვნენ; და უფუნურობა არ იქნება, თუ არასოდეს არ მოვეკიდებით სრული ნდობით იმას, რასაც ჩვენ ერთხელ მოვუტყუებივართ.

მაგრამ, თუმცა გრძნობები, შესაძლებელია, ზოგჯერ გვატყუებენ ჩვენ ძალიან სუსტად საგრძნობსა და ძალიან დაშორებულ საგნებში, მიუხედავად ამისა, არის მრავალი სხვა საგანი, რომლებიც ჩვენ გრძნობის საშუალებით გვაქვს შეცნობილი და რომლის მიმართ საბუთიანი ეჭვი მაინც არ შეიძლება. მაგალითად, არ შეიძლება დაეჭვება იმაში, რომ მე ვარ აი აქ, ვზივარ ცეცხლთან, მაცვია საშინაო ტანისამოსი, ხელში მიჭირავს აი ეს ქალაღი. ან როგორ შევძლებდი მე იმის უარყოფას, რომ ეს ხელები და ეს ტანი მე მეკუთვნიან, თუ არ დავემსგავსებოდი ალბათ იმ გადარეულებს, რომლების ტვინი იმდენად შერყეულია და იმდენად დაბნე-

ლებულია ნაღველის ბნელი ქარებით, რომ ისინი განუწყვეტ-
ლივ გაიძახიან—ხელმწიფენი ვართო (თუმცა ნამდვილად
ძალიან ღარიბები არიან), ოქროსა და პორფირის ტანისა-
მოსი გვაცვიაო (როდესაც ნამდვილად სრულიად ტიტვლები
არიან), ანდა წარმოდგენილი აქვთ, თითქოს ისინი კოკები
იყვნენ ან მინის ტანი ჰქონდეთ? მაგრამ ესენი ხომ შეშლი-
ლები არიან, და მეც არა ნაკლებ საკვირველი რამ ვიქნებო-
დი, თუ მათ მაგალითს ჩემთვის წესად ვაქცევდი.

ამავე დროს მე აქ ისიც უნდა გავითვალისწინო, რომ კაცი
ვარ და, მაშასადამე, მაქვს ძილის ჩვეულება და ჩემს სიზმრებში
ისეთსავე საგნებს წარმოვიდგენ ხოლმე (ზოგჯერ კი უფრო ნაკ-
ლებს სანდო საგნებსაც), როგორც წარმოუდგებათ ამ გადარე-
ულებს სიფხიზლის დროს. რამდენჯერ მქონია შემთხვევა მე-
ნახა ღამით, სიზმარში, თითქოს მე ამ ადგილზე ვიმყოფებო-
დი, ჩაცმული ვიყავი და ცეცხლთან ვიჯექი, თუმცა სინამდვი-
ლეში ტანისამოსგახდილი ვიწეკი ჩემს ლოგინში! მართალია,
ამეამად მეჩვენება, რომ ამ ქალაქს ვუტკერი არა მძინარე
კაცის თვალებით; რომ ეს თავი, რომელსაც მე ვაქნევ, სრუ-
ლიადაც არ თვლემს; რომ მე ამ ხელს ვმართავ განზრახულად
და შეგნებული ისჯელობის საფუძველზე (de propos délibéré),
და რომ მე ვგრძნობ მას. ის, რაც ძილში ხდება, სრულია-
დაც არ ჩანს ისე ნათლად და არც ისე გარკვეულად, რო-
გორც ყველაფერი ეს. მაგრამ, ვუფიქრდები რა საქმეს ბეჯი-
თად, მაგონდება, რომ ხშირად, ძილის დროს, მე მოტყუე-
ბული ვყოფილვარ მსგავსი ზოჩვენებებით, და, ვაკვირდები რა
ამ აზრს, მე ვხედავ, რომ არ არსებობს არავითარი სანდო ნი-
შანი, რომლის საშუალებით შესაძლებელი იყოს სიფხიზლის
ზუსტი გარჩევა სიზმრისაგან,—ვხედავ ისე აშკარად, რომ
პირდაპირ გაოცებული ვრჩები. და ეს ჩემი გაოცება ისეთია,
რომ მას თითქმის შეუძლია დამარწმუნოს, რომ მე ახლაც
მძინავს.

მაშ, ვიგულისხმობთ ახლა, რომ ჩვენ გვძინავს და ყველა
ეს კერძო მოქმედება, როგორცაა ის, რომ თვალებს ვა-
ხელთ, რომ თავს ვაქნევთ, რომ ხელებს ვმართავთ და სხვა

ამისთანები. მხოლოდ ყალბი მოჩვენებაა; და წარმოვიდგინოთ, რომ არც ჩვენი ხელები, არც მთელი ჩვენი ტანი შესაძლებელია არ არიან ისეთები, როგორცსაც ჩვენ მათ ვხედავთ. მაგრამ, ის ხომ მაინც უნდა ვალიაროთ, რომ საგნები, რომლებიც ჩვენ სიზმარში წარმოგვიდგნენ, ისეთებია, როგორიც სურათები და ნახატები, რომლებიც არ შეიძლება შეიქმნან, თუ არა რომელიმე ნამდვილ და ჭეშმარიტ საგანთან ზიმსგავსებით. ასე რომ, ეს ზოგადი საგნები¹ მაინც, როგორცაა თვალელები, თავი, ხელები და მთელი ტანი, არიან არა წარმოსახული, არამედ ნამდვილი და არსებული საგნები. ვინაიდან მხატვრები იმ დროსაც კი, როდესაც ისინი უდიდესი ოსტატობით ცდილობენ სირენები და სატირები წარმოადგინონ უცნაური (bizarres) და უჩვეულო ფიგურებით, მაინც მოკლებული არიან შესაძლებლობას — მისცენ მათ სრულიად ახალი მოყვანილობა და ხასიათი და კმაყოფილდებიან იმით, რომ აკეთებენ სხვადასხვა ცხოველთა ნაწილების ერთგვარ ნარევსა და შეერთებას. ხოლო, თუ ამ მხატვრების წარმოსახვის უნარი საკმაოდ არაჩვეულებრივია იმისათვის, რათა გამოიგონოს იმდენად ახალი რამ, რის მსგავსი არასოდეს უნახავს ვისმე. და ამრიგად მათი ნაწარმოები წარმოადგენს სრულიად მოგონილსა და აბსოლუტურად ყალბ² საგანს, ამ შემთხვევაში ის ფერები მაინც, რომლებსაც ისინი აძლევენ ამ საგნებს, აუცილებლად ჭეშმარიტი³ უნდა იყვნენ.

ამავე მოსაზრების ძალით, კიდევაც რომ არანამდვილი (imaginaires) იყვნენ ეს ზოგადი საგნები, სახელდობრ, ტანი, თვალელები, თავი, ხელები და სხვა ასეთები, მაინც აუცილებლად საჭიროა ვალიაროთ, რომ არიან რაღაც სხვა, უფრო მარტივი და უფრო უნივერსალური საგნები, რომლებიც ჭეშმარიტი⁴ და

¹ Choses générales.

² Fausse.

³ Véritables, ე. ი. ნამდვილი: დეკარტი ხმარობს ტერმინებს: „véritable“, „vrai“ არა მარტო „ჭეშმარიტის“, არამედ „ნამდვილის“ ან „რეალურის“ მნიშვნელობით (მთარგმნ. შენ.).

⁴ Vraies.

არსებული არიან და რომლების ერთმანეთთან შეერთების საშუალებით შექმნილია ჩვენს აზრში მყოფი ყველა წარმოდგენა, როგორც ქეშმარიტი და რეალური, ისე მოგონილი და ფანტასტიკური საგნებისა—აი სწორედ ისე, როგორც შედგენილია ისინი ქეშმარიტი ფერებისაგან.

საგანთა ამ გვარისაა საზოგადოდ ნივთიერი ბუნება¹ და მისი ვრცეულობა², აგრეთვე განფენილ საგანთა მოყვანილობა, მათი ოდენობა³ ან სიდიდე. და მათი რიცხვი, ისე როგორც ადგილი, სადაც ისინი იმყოფებიან, დრო, რომელიც ზომავს მათ გრძობას⁴, და სხვა მსგავსი რამ. აი ამიტომ ჩვენ, შეიძლება, არ გავაკეთებთ ცუდ დასკვნას აქედან, ითუ ვიტყვი, რომ ფიზიკა, ასტრონომია, მედიცინა და ყველა სხვა მეცნიერება, რომელნიც დამოკიდებული არიან რთულ საგანთა განხილვისაგან, ძალიან საეჭვო და არასანდო არიან; მაგრამ არითმეტიკა, გეომეტრია და ამავე ბუნების სხვა მეცნიერებანი, რომელნიც მხოლოდ ძალიან მარტივ და ძალიან ზოგად საგანთა შესახებ მსჯელობენ და ამავე დროს დიდად არ იტყენენ თავს საკითხით — არსებობენ ეს საგნები ბუნებაში, თუ არ არსებობენ, შეიცავენ რაღაც სანდოსა⁵ და უეჭვოს⁶: ვინაიდან, გინდ ფხიზლად ვიყო, გინდ მეძინოს, ორისა და სამის შეერთება ყოველთვის იქნება რიცხვი ხუთი და კვადრატს არასოდეს არ ექნება ოთხზე მეტი მხარე. მართლაც, შეუძლებლად ჩანს, რომ ასეთი ნათელი⁷ და ასეთი ცხადი (apparente) ქეშმარიტებების შესახებ შეიძლებოდეს ეჭვი, რომ ისინი ყალბი და არასანდოა⁸

მაგრამ დიდი ხანია, რაც ნე ჩემს გონებაში⁸ მაქვს ერთი რაღაც შეხედულება, რომ არსებობს ღმერთი, რომელ-

¹ La nature corporelle.

² ე. ი. განფენილობა: étendue.

³ Quantité.

⁴ Durée.

⁵ Certain.

⁶ Indubitable.

⁷ Claire.

⁸ l'esprit.

საც ყველაფერი შეუძლია და რომლის მიერ ვარ მე გაკეთებული და შექმნილი ისეთად, როგორც ვარ. მაშ, რა ვიცი, რომ ღმერთს არ გაეკეთებოს ისე, რომ არ არსებობდეს არავითარი მიწა, არავითარი ცა, არავითარი ვრცეული სხეული¹, არავითარი მოყვანილობა, არავითარი ადგილი და, მიუხედავად ამისა, მე მაინც მქონდეს ყველა ამ საგანთა განცდა² და სწორედ იმნაირად არსებულად მეჩვენებოდნენ ისინი, რანაირებსაც მე მათ ვხედავ³. კიდევ მეტი: ვინაიდან მე ზოგჯერ ვამჩნევ, რომ სხვები ცდებიან ისეთ საგნებში, რომლებიც მათივე ფიქრით მათ ძალიან კარგად იციან,—რა ვიცი, რომ ღმერთს ისე არ გაეკეთებოს, რომ მე ვცდებოდე ყოველთვის, როდესაც ორს ვამატებ სამს, ან ვთელი კვადრატის მხარეებს, ან ვმსჯელობ ამაზე კიდევ უფრო ადვილ რამეზე, თუ საზოგადოდ შესაძლებელია წარმოვიდგინოთ რაიმე, რაც ამაზე უფრო ადვილი იქნება?—შესაძლებელია, რომ ღმერთს არ ჰქონოდა სურვილი, რომ მე ასე ვყოფილიყავ მოტყუებული, ვინაიდან მის შესახებ ამბობენ, რომ იგი უაღრესად კეთილია. მაგრამ, თუ ღმერთის სიკეთის საწინააღმდეგო იქნებოდა, იმნაირად გავეკეთებინე მე, რომ ყოველთვის ვტყუვდებოდე, ისიც, როგორც ჩანს, მისი საწინააღმდეგო იქნებოდა აგრეთვე, რომ მე მისივე ნებით ვტყუვდებოდე ზოგჯერ; მიუხედავად ამისა, მე არ შემიძლია ვეჭვობდე, რომ ღმერთი ამის ნებას იძლევა⁴. შეიძლება აქ ისეთი პირებიც აღმოჩნდნენ, რომლებიც უმალ ამჯობინებდნენ ასეთი ძლიერი ღმერთის არსებობის უარყოფას, ვიდრე იმის დაჯერებას, რომ ყველა დანარჩენი საგანი არაა სარწმუნო. მაგრამ აძეამად ნუ გავუწევთ ასეთ პირებს წინააღმდეგობას და დავუშვათ მათ სასარგებლოდ, რომ ყველაფერი, რაც აქ ღმერ-

¹ ან განფენილი სხეული: Corps étendu.

² Sentiment.

³ აქ დეკარტის მიერ მოცემულია ბერკლის თეორიის სქემა (მთარგმნ. შენ.).

⁴ ე. ი. იძლევა იმის ნებას, რომ მე ზოგჯერ ვტყუვდები (მთარგმნ. შენ.).

თის შესახებ ითქვა, ზღაპარი იყოს. მიუხედავად ამისა, რანაირი წარმოდგენაც არ ჰქონდეთ იმის შესახებ, თუ როგორ მივიღე მე ეს მდგომარეობა და ეს არსება, რომლებიც მაქვს, სულერთია, თვლიან ისინი ამის მიზეზად წერას ან ბედს, თუ შემთხვევას, თუ ერთმანეთის მომდევარ საგანთა უწყვეტ კავშირს ან სხვა რასმე, რაკი შეცდომაში ჩავარდნა და მოტყუებულად ყოფნა არის უსრულობა, ამიტომ, რაც უფრო უძლური იქნება ის შემოქმედი, ვისაც ისინი ჩემს გაჩენას მიაწერენ, მით უფრო დასაჯერებელი იქნება, რომ მე იმდენად უსრულო ვარ, რომ ყოველთვის ვტყუვდები. ამ საბუთების წინააღმდეგ მე არაფერი მაქვს, ცხადია, საპასუხოდ და ბოლოს იძულებული ვარ ვალიარო, რომ ყველა იმაში, რაც მე ოდესმე ქეშმარიტად მიმაჩნდა, არაფერია ისეთი, რაშიც მე არ შემეძლოს ასე თუ ისე ექვის შეტანა: ესეც არა ზერელობის ან ქარაფშუტობის გამო, არამედ ძალიან მძივე და დინჯად აწონ-დაწონილი საბუთების მიხედვით. ასე რომ, მომავალში მე არანაკლები სიფრთხილით უნდა ვერიდებოდე ამის დაჯერებას¹, ვიდრე იმისას, რაც აშკარად ყალბი იქნება, თუ კი მე მსურს აღმოვაჩინო მეცნიერებაში რაიმე სანდო² და სარწმუნო³.

მაგრამ არ კმარა ამ შენიშვნების გაკეთება. საქიროა კიდევ მივიღო ზომები, რათა მე მახსოვდეს ისინი, ვინაიდან ძველი და ჩვეულებრივი შეხედულებანი ხშირად მომდიან კიდევ აზრში. ხანგრძლივმა ჩვეულებამ მისცა მათ, ჩემი ნების წინააღმდეგ, ჩემს გონებაში ყოფნისა და ჩემს რწმენაში თითქოს სრული ბატონობის უფლება; და მე არასოდეს არ გადავეჩვევი ამ შეხედულებებისადმი ნდობით მოპყრობას, სანამ მე მათ ისე დავაფასებ, როგორიც არიან ისინი ნამდვილად, სახელდობრ, როგორც (თანახმად ზემონათქვამისა) ასე თუ ისე საექვოებს, მაგრამ, მიუხედავად ამისა, მაინც იმდენად

¹ ე. ი. იმის დაჯერებას, რაც ოდესმე ქეშმარიტებად მიმაჩნდა (მთარგმნ. შენ.).

² Certain.

³ Assuré.

საალბათობებს¹, რომ გაცილებით უფრო გონიერია მათი მიღება, ვიდრე მათი უარყოფა. აი ამიტომ მე ვფიქრობ, რომ ცუდად არ მოვიქცევი, თუ მე განზრახ საწინააღმდეგო მიმართულებისაკენ გადავიხრები და, მოვატყუებ რა ჩემ თავს, რამდენიმე ხნით განგებ წარმოვიდგენ, რომ ყველა ეს შეხედულება სავსებით ყალბი და ფანტასტიკურია, და ასეთი წარმოდგენა მექნება მანამდე, სანამ ჩემი ძველი და ჩემი ახალი ყალბი შეხედულებები² ისეთს წონასწორობაში არ იქნებიან მოყვანილი, რომ მათ აღარ ექნებათ ძალა გადახარონ ჩემი შეხედულება³ უმალ ერთ მხარეზე, ვიდრე მეორეზე, და ჩემი მსჯელობაც⁴ არ იქნება აწ დამონებული ცუდი ჩვევებით და არ მოჯდება იმ სწორ გზას, რომელსაც შეუძლია იგი ქეშმარიტების შემეცნებამდე მიიყვანოს. მე დარწმუნებული ვარ, რომ ჯერჯერობით ამ გზაზე საშიში არ არის არც ხიფათი, არც შეცდომა, და შეუძლებელია, რომ მე ზომაზედ მეტი რამ დავუთმო დღეს ჩემს ექვიანობას, ვინაიდან საკითხი დგას ახლა არა მოქმედების, არამედ ფიქრისა და შემეცნების შესახებ⁵.

მაშ, მე ვიგულისხმებ, რომ არა ღმერთმა, რომელიც არის უაღრესად კეთილი არსება და ქეშმარიტების უზენაესი წყარო, არამედ რომელიღაც ძლიერმა და არა ნაკლებ მოხერხებულმა და მატყუარა ავმა სულმა გამოიყენა მთელი თავისი ოსტატობა ჩემს მოსატყუებლად. მე ვიფიქრებ, რომ ცა, ჰაერი, მიწა, ფერები, ფიგურები (მოყვანილობანი), ბგერები და ყველა სხვა გარეგნული საგნები მხოლოდ ილუზიები და ოცნებებია, რომლებიც მან გამოიყენა ჩემი გულუბრყვილობისათვის ხაფანგის დასაგებად; ჩემი თავის შესახებ ვიფიქრებ, რომ მე არ მაქვს არც ხელები, არც თვალები,

¹ Probables.

² Préjugés.

³ Avis.

⁴ Jugement.

⁵ ე. ი. თუ მოქმედებისათვის სახიფათო იქნებოდა, თუნდ ღროვბითაც, ყველაფერში დაეჭვება, შემეცნებისათვის ასეთი დაეჭვება არ არის სახიფათო (მთარგმნ. შენ.).

არც ხორცი, არც სისხლი, რომ არ მაქვს არავითარი გრძნობა, მაგრამ მხოლოდ შეცდომით მჯერა, რომ მაქვს ყველაფერი ეს; მე დაეინებით ჩავექიდები ამ აზრს და, თუ ამ საშუალებით ვერ მივალწევ რაიმე ჭეშმარიტების შემეცნებას, ჩემი მსჯელობის შეჩერება მაინც ჩემს შესაძლებლობაში რჩება. ამიტომ მე ბეჯითად ვეცდები არ მოვექილო რწმენით არც ერთ მცდარ შეხედულებას და ისე კარგად მოვამზადებ ჩემს გონებას ამ დიდი მატყუარის ყველა ხერხის წინააღმდეგ, რომ, რაც უნდა ძლიერი და მოხერხებულიც იყოს ეს მატყუარა, იგი ვერასოდეს ვერ შესძლებს რაიმე დამაჯერებინოს.

მაგრამ ამ განზრახვის შესრულება მძიმე და ძნელია და ერთგვარი სიზარმაცე შეუმჩნევლად მიზიდავს ისევ ჩემი ჩვეულებრივი ცხოვრების კალაპოტისაკენ. ვითარცა მონა, რომელიც ძილის დროს გახარებული იყო სიზმარში მოჩვენებული თავისუფლებით და რომელსაც (ატყობს რა იგი, რომ ეს თავისუფლება მხოლოდ სიზმარშია) ეშინია გაღვიძების და სურს დიდხანს იყოს ამ ტკბილი მოჩვენებით მოტყუებული, ისე მეც, ჩემდა შეუმჩნევლად, კვლავ ვეძლევი ჩემს ძველ შეხედულებებს და ვერიდები ამ თვლემისაგან¹ გაღვიძებას იმის შიშით, რომ შრომით სავსე ფხიზლობა, რომელიც უნდა მოჰყვეს ამ თვლემის მოსვენებულობას, ნაცვლად იმისა, რომ მან რაიმე შუქი და სინათლე შემძინოს ჭეშმარიტების შემეცნების საქმეში, ვაი თუ საკმარისი არ იქნეს იმ სიძნელეთა ყოველი სიბნელის გასანათებლად, რომელნიც ეს-ესაა აღძრული იქნენ.

¹ თვლემას (assoupissement) დეკარტი აქ ეძახის იმ მდგომარეობას, როდესაც ჩვენ ვიმყოფებით ჩვეულებრივ შეხედულებათა ტყვეობაში, ე. ი. ვიმყოფებით გულუბრყვილო შემეცნების სფეროში. განთავისუფლება ამ მდგომარეობისაგან ან გაღვიძება არის ფილოსოფიის ამტკანაო (მთარგმნ. შენ.).

განაჯრება მეორე

აღაშიანური გონების ბუნებისათვის და იმის შესახებ,
რომ მისი შეცნობა უფრო ადვილია, ვიდრე სხეულისა

ფიქრმა, რომელსაც გუშინ ჰქონდა ადგილი, აღმივსო მე გონება იმდენი ეჭვით, რომ აწ ჩემს ძალთ არ არის მათი დაფიქვება. ამასობაში მე ვერ ვხედავ, როგორ შემიძლია მათი გადაწყვეტა, და, თითქოს უცბად ჩავარდნილი ძალიან ღრმა წყალში, იმ ზომამდე ვარ გაოცებული, რომ არ შემიძლია არც ფეხი მოვიმაგრო ფსკერზე, არც ცურვის საშუალებით გავჩერდე წყლის ზედაპირზე. მე მაინც ღონეს ვიძიებ და კვლავ გავყვები იმ გზას, რომელსაც დავადექი გუშინ, როდესაც, თითქოს სრულიად ყალბს, განვეშორე ყველაფერს, რაშიც შემეძლო ოდნავ მაინც დაეკვება. მე განვაგრძობ ამ გზით სიარულს, სანამ არ შევხვდები ცხადს¹ რასმე, ან, თუ ეს შეუძლებელი იქნება, სანამ ცხადად არ შევიცნობ, რომ ცხადი რამ ქვეყანაზე არაფერია. დედამიწის ბურთის გამოსატყორცნად თავისი ადგილიდან და სხვა ადგილზე გადასატანად არქიმედი არაფერს მოითხოვდა, გარდა ერთი წერტილისა, რომელიც მტკიცე და უძრავი უნდა ყოფილიყო; ამის მსგავსად მეც მექნება უფლება დიდს იმედებზე, თუ იმდენად ბედნიერი გავხდები, რომ ვიპოვო მხოლოდ ერთი რამე ისეთი, რაც ცხადი და უეჭველი იქნება.

მე დაშვებული მაქვს, მაშასადამე, რომ ყველაფერი, რასაც კი ვხედავ, ყალბია. მე ვაჯერებ ჩემს თავს, რომ არასოდეს არ არსებულა არაფერი, რასაც წარმომიდგენს მე სიცრუით სავსე მებსიერება; მე ვფიქრობ, რომ არ მაქვს არავი-

¹ Certain.

თარი გრძნობა; მე მჯერა, რომ სხეული¹, აღნაგობა², სივრცე³, მოძრაობა⁴ და ადგილი⁵ არიან ჩემი გონების ფიქციები მხოლოდ. მაშ, რა არის ის, რაც შეიძლება მიჩნეული იქნეს, როგორც ქეშმარიტი? ეგების მხოლოდ ის, რომ ცხადი რამ ქვეყანაზე არათერია?

მაგრამ რა ვიცი მე, რომ გარეშე იმ საგნებისა, რაც მე არასანდოდ⁶ ვცანი, არ არის სხვა რამე, რომლის შესახებ შეუძლებელია ოდნავაც კი დაეჭვება? ნუთუ არ არსებობს რაიმე ღმერთი ან სხვა რომელიმე: ძალა, რომელიც აჩენს ჩემს გონებაში ასეთს აზრებს? ეს არ არის აუცილებელი, რადგანაც შესაძლებელია, რომ მე მაქვს უნარი თვითონ შევქმნა ისინი. მაშ, უკიდურეს შემთხვევაში ნუთუ მე თვითონ აღარ ვარ რალაც საგანი? მაგრამ მე ხომ უარვყავი უკვე, რომ მქონებოდეს რაიმე გრძნობა ან რაიმე სხეული: მიუხედავად ამისა, მე მაინც ვყოყმანობ, ვინაიდან რა გამომდინარეობს აქედან? განა მე ისე ვარ დამოკიდებული სხეულისა და გრძნობებისაგან, რომ არ შემეძლოს უამათოდ ყოფნა? მაგრამ მე ხომ დავარწმუნე ჩემი თავი, რომ სრულიად არათერია მთელს ქვეყანაზე, რომ არ არსებობს არავითარი ცა, არავითარი დედამიწა, არავითარი სულები და არავითარი სხეულები: მაშ, არ დავრწმუნდი მე განა იმაშიც, რომ მე არ ვარსებობ? სრულიადაც არა! მე ვარსებობდი უეჭველად, თუ კი მე დავრწმუნდი ან თუ მე მქონდა აზრი რაიმეს შესახებ. მაგრამ არის ხომ ვილაც მეტიცმეტად ძლიერი და მეტიცმეტად მოხერხებული მატყუარა, რომელიც იყენებს მთელ თავის მოხერხებას, რათა ყოველთვის მომატყუოს? მაინც შეუძლებელია ეჭვი იმის შესახებ, რომ მე ვარსებობ, რაკი ის მე მატყუებს: მატყუოს მე მან რამდენიც მოესურვება,

¹ Corps.

² Figure.

³ Étendue.

⁴ Mouvement.

⁵ Lieu.

⁶ Incertaine.

ვერასოდეს მაინც ვერ მოახერხებს იგი, რომ მე არარაობა ვიყო, თუ კი მე მაქვს იმის აზრი, რომ რაღაც ვარ. ასე რომ, კარგად დაფიქრების და ყველაფრის ბეჯითი გასინჯვის შემდეგ შეიძლება დავასკვნა და ურყევად ჩავთვალო, რომ ეს დებულება „მე ვარ, მე ვარსებობ“ აუცილებლად ჭეშმარიტია ყოველთვის, როდესაც მე მას წარმოვთქვამ ან გავიაზრებ ჩემს გონებაში.

მაგრამ მე ჯერ საკმაოდ ნათლად არ ვიცი, როგორი ვარ მე, რომელიც დარწმუნებული ვარ იმაში, რომ ვარსებობ. ასე რომ, მე უნდა ძალიან ფრთხილად ვიყო, რათა სხვა რომელიმე საგანი მოუფიქრებლად მედ არ ჩავთვალო¹ და ამრიგად არ ჩავიდინო შეცდომა იმ ცოდნაში, რომელსაც მე უფრო სანდო და უფრო ცხად ცოდნად ვაღიარებ, ვიდრე ყოველ სხვა ცოდნას, რომელიც მქონდა უწინ. აი ამიტომ მე ახლა კვლავ გავსინჯავ იმას, თუ რად მიმაჩნდა მე ჩემი თავი, ვიდრე ამ უკანასკნელ აზრს დავადგებოდი: და იმ მიზნით, რათა დარჩეს მხოლოდ და მხოლოდ ის, რაც სრულიად ცხადი და უეჭველია, ჩემი უწინდელი შეხედულებიდან ჩემს თავზე მე ამოვაგდებ ყველაფერს, რაც იმ საბუთების გამო, რომლებიც მე ამას წინ მოვიყვანე, ოდნავადაც კი შესაძლებელია საკამათოდ იქცეს. მაშ, რად მიმაჩნდა მე უწინ ჩემი თავი? ძნელი არ არის იმის ცოდნა, რომ მე ვფიქრობდი, რომ ვარ კაცი. მაგრამ რა არის კაცი? შემიძლია განა იმის თქმა, რომ კაცი არის გონიერი ცხოველი? ცხადია, არა, ვინაიდან მე მომიხდებოდა ამის შემდეგ იმის გამორკვევა, თუ რა არის ცხოველი და რა არის გონიერი, და ამრიგად ერთი საკითხის მაგიერ ჩემ წინ შეუუმჩნევლად წარმოადგებოდა უამრავი რიცხვი სხვა უფრო ძნელი და უფრო დახლართული კითხვებისა. მე კი არ მინდა ცუდად გამოვიყენო ის ცოტაოდენი დრო და მოცლილობა, რომელიც დამრჩენია, და მოვანდომო ისინი ამგვარ სიძნელეთა გარკვევას. უკეთესია შევჩერდე იმ აზრების განხილვაზე, რომლებიც თავისთავად ჩნდებოდნენ ჩემს

¹ დედანშია „ne prendre pas imprudemment quelque autre chose pour moi“.

გონებაში ამაზე წინ და რომლებიც მხოლოდ ჩემი საკუთარი ბუნებით იყვნენ შთაგონებული, როდესაც მე ბეჯითად ვაკვირდებოდი ჩემს არსებას. უწინარეს ყოვლისა მე ვფიქრობდი, რომ მე ვარ ისეთი რამ, რასაც აქვს პირისახე, ხელები, მთელი ის მანქანა, რომელიც ისეა შედგენილი ძვლებისა და ხორცისაგან, როგორც ეს მოჩანს ცხედარში და რომელსაც მე ვუწოდებდი სხეულის სახელს. მე ვამჩნევდი, გარდა ამისა, რომ მე ვიკვებებოდი, დავდიოდი, ვგრძნობდი და ვაზროვნებდი, და ყველა ამ მოქმედებას მე მივაკუთვნებდი სულს. მაგრამ მე სრულიად არ შეეჩერებულვარ იმაზე, რომ მეფიქრა იმის შესახებ, თუ რა არის ეს სული; ან უკეთ რომ ითქვას, თუ მე ვჩერდებოდი ამ საკითხზე, მე წარმოვიდგენდი, რომ სული არის რაღაც უკიდურესად თხელი და ნაზი საგანი, როგორც ქარი, ცეცხლი ან მეტისმეტად გათხელებული ჰაერი, და ეს სული შესულია და გავრცელებულია უფრო ტლანქ ჩემს ნაწილებს შორის. რაც შეეხება სხეულს (ტანს), მე არავითარი ეჭვი არ მქონდა მისი ბუნების შესახებ, არამედ ვფიქრობდი, რომ მაქვს მის შესახებ ძალიან გარკვეული¹ ცოდნა, და რომ მე მომენდომებია მისი ახსნა იმ წარმოდგენათა² მიხედვით, რომელნიც მის შესახებ მქონდა იმ დროს, მე მას ამგვარად ავწერდი: სხეული მე მესმის როგორც საგანი, რომელიც შეიძლება იქნეს განსაზღვრული რაიმე ფიგურით, რომელიც შეიძლება მოთავსებული იყოს რომელსამე ადგილში და ისე ავსებდეს სივრცის ნაწილს³, რომ ყოველი სხვა სხეული იქიდან გამოდევნილი იყოს; რომელიც შეიძლება შეგრძნობილი იქნეს ან შეხების, ან ხედვის, ან სმენის, ან გემოვნების, ან ყნოსვის საშუალებით; რომელიც შეიძლება მოძრაობაში იქნეს მოყვანილი მრავალნაირად,—მართალია, არა საკუთარი თავის მეოხებით, არამედ რომელიმე უცხო საგნის მეოხებით, რომელიც შეეხება მას და რომლისაგან ის მიიღებს ბიძგს⁴. რაც შეეხება თავისით მოძრა-

¹ Distinctement.

² Notions.

³ Espace.

⁴ შთაბეჭდილება: impression.

ობისა და აგრეთვე გრძნობისა და აზროვნების უნარს, მე სრულიად არ მჯეროდა, რომ ის შეიძლება სხეულის ბუნებას ეკუთვნოდეს. პირიქით, მე უმალ მიკვირდა, როდესაც ვხედავდი, რომ ამის მსგავსი უნარი ჰქონდა ზოგიერთ სხეულს.

მაგრამ ვინ ვარ მე, რაკი დაშვებული მაქვს, რომ არის რაღაც მეტისმეტად ძლიერი და, თუ შესაძლებელია ამის თქმა გაებედო, ავი და ხერხიანი არსება, რომელიც ხმარობს მთელ თავის ძალას და მთელ თავის მოხერხებას ჩემს მოსატყუებლად? განა მე შეიძლია იმის დაჯერება, რომ მე მაქვს ოდნავადაც კი ის, რაც, როგორც ეს ახლახან ითქვა, ეკუთვნის სხეულის ბუნებას? მე ამაზე ვიწყებ ფიქრს ყურადღებით, მე ვატრიალებ სხეულის ყველა თვისებას ჩემს გონებაში და ვერ ვხვდები მათ შორის ვერც ერთს, რომლის შესახებ მე შემეძლოს იმის თქმა, რომ ის მაქვს მე. არ არის საჭირო ამ თვისებების ჩამოთვლა. მაშ, გადავიდეთ სულის ატრიბუტებზე და დავხედოთ, არის თუ არა ამ ატრიბუტებს შორის ისეთი, რომელიც მქონდეს მე. უპირველესია საზრდოობა და სიარული; მაგრამ, თუ მართალია ის, რომ მე სრულიად არ მაქვს სხეული, ნაშინ ისიც მართალია, რომ მე არ შემეძლია სიარული და არც საზრდოობა. სხვა არის გრძნობა; მაგრამ უსხეულოდ გრძნობაც შეუძლებელია. გარდა ამისა, მე ძილის დროს ზოგჯერ მომჩვენებია, რომ ვგრძნობდი ბევრ საგანს გაღვიძების შემდეგ კი აღმომიჩენია, რომ ეს საგნები მე არ მიგრძნვია ნამდვილად. სხვა არის აზროვნება, და მე აქ ვამჩნევ, რომ აზროვნება არის ატრიბუტი, რომელიც მე მეკუთვნის: მხოლოდ აზროვნება არ შეიძლება იქნეს ჩემგან მოცილებული. მე ვარ, მე ვარსებობ¹ — ეს ცხადია; მაგრამ რამდენი ხნის განმავლობაში? იმ ხნის განმავლობაში, სანამ ვაზროვნებ. ვინაიდან შესაძლებელია მომხდარიყო, რომ მე სრულიად შევწყვეტიდი არსებობას მაშინვე, თუ სრულიად შევწყვეტიდი აზროვნებას. მე არ ვიღებ ამჟამად არაფერს, რაც არ იყოს აუცილებლად ქეშმარიტი. მაშასადამე, ზუსტად

¹ Je suis, j'existe.

რომ ითქვას, მე ვარ მხოლოდ მოაზროვნე საგანი¹, ე. ი. გონება², გაგება³ ან განსჯა⁴: ესენი ისეთი ტერმინებია, რომელთა მნიშვნელობა უწინ ჩემთვის უცნობი იყო. მაშ, მე ვარ ნამდვილი და ჭეშმარიტად არსებული საგანი; მაგრამ როგორი საგანი? მე ეს ვთქვი: საგანი, რომელიც აზროვნებს. კიდევ რა? მე ავამოძრავებ ჩემს წარმოსახვას, რათა დავინახო, ამის გარდა კიდევ სხვა რამე ხომ არა ვარ მე. მე სრულიად არ ვარ ასობის ის გროვა, რომელსაც კაცის სხეულს ეძახიან; მე სრულიად არ ვარ ის გათხელებული ჰაერი, რომელიც შესული და გაფანტულია სხეულის ყველა ასოში, მე სრულიად არ ვარ ქარი, სიო, ორთქლი, არც სხვა რამე, რაც მე შემიძლია გამოვიგონო და წარმოვიდგინო, ვინაიდან მე დაშვებული მაქვს, რომ ყველაფერი ეს არ არსებობს, და ამ დაშვების შეუცვლელად მე არ მექარგება იმის რწმენა, რომ მე ვარ რალაც საგანი.

მაგრამ შეიძლება მართალი იყოს ის, რომ სწორედ ეს საგნები, რომლებიც მე არარსებულად ჩავთვალე იმის გამო, რომ ისინი უცნობი არიან ჩემთვის, სრულიად არ არიან განსხვავებული ჩემგან, ე. ი. იმისგან, ვისაც მე ვიცნობ. ამის შესახებ მე არაფერი ვიცი. მე არ ვკამათობ ახლა ამ საკითხზე, მე შემიძლია მსჯელობა გამოვთქვა მხოლოდ იმის შესახებ, რაც ცნობილია ჩემთვის: მე ვიცი, რომ ვარსებობ, და მე ვიკვლევ, როგორი ვარ მე, რომელიც, როგორც ვიცი, ვარსებობ. მაგრამ სავსებით ცხადია, რომ ჩემი არსების⁵ შესახები ცოდნა, ასე ზუსტად აღებული, არ არის სრულიად დამოკიდებული ისეთი საგნებისაგან, რომლების არსებობა⁶ ჯერ არ არის ჩემთვის ცნობილი; მაშასადამე, ეს ცოდნა არ არის დამოკიდებული არც ერთი სხვა ისეთი საგნისაგან, რომე-

¹ Une chose qui pense.

² Esprit.

³ Entendement.

⁴ Raison.

⁵ Mon être.

⁶ Dont l'existence.

ლიც მე შემიძლია წარმოსახვის¹ საშუალებით გამოვიგონო. და თვით ეს ტერმინები „გამოგონება“² და „წარმოსახვა“ მათრთხილებენ მე ჩემი შეცდომისაგან; ვინაიდან მე მართლაც გამოგონებას ჩავიდენდი, თუ წარმოვისახავდი, რომ რომელიმე საგანი არის³, რადგანაც წარმოსახვა სხვა არაფერია, თუ არა ნივთიერი საგნის ფიგურის ან სახის ცქერა⁴. მე კი ვიცი უკვე ცხადად, რომ მე ვარ, და რომ ამასთან ერთად შესაძლებელია ყველა ეს სახე და საზოგადოდ ყველაფერი ის, რაც სხეულის ბუნებას მიეკუთვნება, მხოლოდ სიზმრები და ქიმერები იყვნენ. ამის გამო ნათლად ვხედავ, რომ მე, როდესაც ვამბობდი: „ავამოძრავებ ჩემს წარმოსახვას, რათა უფრო გარკვეულად შევიგნო, როგორი ვარ მე“, ისეთივე მცირე საფუძვლიანობით ვმსჯელობდი, როგორიც მექნებოდა, რომ მეთქვა: „ახლა მე მღვიძავს და ვამჩნევ რალაც ნამღვილსა და ქეშმარიტ საგანს; მაგრამ, ვინაიდან მე მას ვერ ვამჩნევ ჯერ საკმაო გარკვეულობით, მე განგებ დავიძინებ იმისათვის, რათა ჩემმა სიზმრებმა წარმომიდგინონ იგივე საგანი მეტის ქეშმარიტებითა და სიცხადით“. მაშასადამე, მე ნათლად ვიცი, რომ არაფერი იმათ შორის, რასაც მე შემიძლია მივწვდე წარმოსახვის საშუალებით, არ ეკუთვნის იმ ცოდნას, რომელიც მე მაქვს თვით ჩემს შესახებ, და რომ საჭიროა ჩემი გონება გადავაჩვიო შემეცნების ასეთს წესს⁵. რათა მან შესძლოს თვითონ შეიცნოს თავისი ბუნება ძალიან გარკვეულად.

მაშ, რა ვარ მე? საგანი, რომელიც აზროვნებს. რა არის საგანი, რომელიც აზროვნებს? ეს არის ისეთი საგანი. რომელიც ექვობს, რომელიც გაიგებს⁶, რომელიც მიხვ-

¹ Imagination.

² Feindre.

³ Si je m'imaginai être quelque chose.

⁴ Imaginer n'est rien autre chose que contempler la figure ou l'image d'une chose corporelle.

⁵ ე. ი. წარმოსახვის საშუალებით შემეცნებას (მთარგმნ. შენ.).

⁶ Entend.

დება¹, რომელიც ჰოპყოფს², რომელიც უარჰყოფს, რომელსაც სურს, რომელსაც არ სურს, რომელიც აგრეთვე წარმოისახავს³, და რომელიც გრძნობს, ცხადია, რომ ეს ცოტა არ არის, თუ ყველაფერი ეს ჩემს ბუნებას ეკუთვნის. მაგრამ რატომ არ უნდა ეკუთვნოდეს? განა მე არა ვარ ის, ვინც აი ახლა ექვობს თითქმის ყველაფერში, ვისაც მიუხედავად ამისა აქვს ზოგიერთი საგნის გაგებისა და ნივთლომის უნარი, ვინც არწმუნებს და ადასტურებს, რომ მხოლოდ ესა და ეს არის ჰემმარიტიო, ვინც უარჰყოფს ყველა დანარჩენს, ვისაც უნდა და სურს მეტი იცოდეს, ვისაც არ სურს მოტყუებული იქნეს, ვინც წარმოიდგენს ბევრ საგანს (ზოგჯერ თავის თავისათვის სამწუხაროდ) და გრძნობს კიდევ ამდენსავე თითქოს სხეულის ორგანოთა მეშვეობით? განა არის ყველა ამაში ისეთი რამე, რაც იმნაირადვე ჰემმარიტი არ იყოს, როგორც ჰემმარიტია ის, რომ მე ვარ და ვარსებობ, კიდევაც რომ მეძინოს მუდამ და კიდევაც მთელს ოჯახის მოხერხებას ხმარობდეს ჩემს მოსატყუებლად ის, ვინც მე არსებობა მომცა? გარდა ამისა, არის განა ამ ატრიბუტებში ერთი რომელიმე ისეთი, რომელიც შეიძლება განსხვავებული ყოფილიყო ჩემი აზროვნებისაგან ან რომლის შესახებ შესაძლებელი ყოფილიყო თქმა, რომ ის განცალკევებულია ჩემგან? რომ სწორედ მე ვარ ის, ვინც ვექვობ და ვისაც მაქვს გაგება და სურვილი, ამის განსამარტავად საჭირო არ არის აქ რაიმეს დამატება, აგრეთვე უეჭველად მე მაქვს წარმოსახვის უნარი; თუმცა შეიძლება მოხდეს (როგორც მე ზევით მქონდა დაშვებული), რომ საგნები, რომლებსაც მე წარმოვისახავ, არ იყვნენ ჰემმარიტი, მაგრამ ეს წარმოსახვის უნარი ამით არ სწყვეტს ჩემში ნაძღვილად ყოფნას და რჩება ჩემი აზროვნების ნაწილად. დაბოლოს, მე ვარ სწორედ ის, ვინც გრძნობს, ე. ი. ამჩნევს⁴, ზოგიერთ

¹ Conçoit.

² Affirme (bejalit, ადასტურებს).

³ წარმოიდგენს.

⁴ Aperçoit.

საგანს თითქოს გრძნობის ორგანოების საშუალებით, რადგან მე ნამდვილად ვხედავ სინათლეს, მესმის ხმაურობა, ვგრძნობ სიცხეს. მაგრამ მე მეტყვიან, რომ ყველა ეს მოჩვენება ყალბია და რომ მე მძინავს. ასედაც იყოს: მაინც ყოველ შემთხვევაში ის ხომ სანდოა, რომ მე მეჩვენება, თითქოს მე სინათლეს ვხედავ, ხმაურობა მესმის, სიცხეს ვგრძნობ. ეს არ შეიძლება იყოს შეცდომა, და სწორედ ეს არის ის, რასაც ჩემში ეწოდება გრძნობა; ეს კი, ზუსტად, სხვა არაფერია, თუ არა აზროვნება. აქედან ცოტა უფრო მეტი სინათლითა და გარკვეულობით, ვიდრე უწინ, მე ვიწყებ იმის შემეცნებას, თუ როგორი ვარ მე.

მაგრამ მაინც მე მეჩვენება კიდევ და არ შემიძლია არ მჯეროდეს, რომ ნივთიერი საგნები, რომელთა სახეები აზროვნების მიერ იქმნებიან, რომელნიც გრძნობებს ექვემდებარებიან¹ და რომელთაც თვითონ გრძნობები სინჯავენ, ბევრად უფრო გარკვეულად არიან შეცნობილი, ვიდრე ეს რალაც ნაწილი ჩემი, რომელიც წარმოსახვას არ ექვემდებარება; თუმცა შეიძლება მართლაც საკვირველი იყო იმის თქმა, რომ მე ის საგნები, რომელთა არსებობა საეჭვოდ მეჩვენება, რომელნიც ჩემთვის უცნობი არიან და რომელნიც მე სრულიად არ მეკუთვნიან, ვიცი და მესმის² უფრო გარკვეულად, ვიდრე ისინი, რომელთა ქეშმარიტებაში მე დარწმუნებული ვარ, რომელნიც ჩემთვის ცნობილი არიან და რომელნიც ეკუთვნიან ჩემს საკუთარ ბუნებას,—ერთი სიტყვით, ვიცი უფრო გარკვეულად, ვიდრე ჩემი საკუთარი თავი. მაგრამ მე კარგად ვხედავ, თუ რა არის ეს: ჩემი გონება მოხეტიალეა, რომელსაც მოსწონს უგზო-უკვლოდ ხეტიალი და რომელიც არ არის კიდევ შეჩვეული, რომ ის ჩაქერილი ჰყავდეთ ქეშმარიტების სწორ საზღვრებში. ამიტომ მოვუშვებ მას ერთხელ კიდევ აღვირი, მივცეთ ყოველმხრივი თავისუფლება და ნუ დაეუშლით უცქიროს იმ საგნებს, რომლე-

¹ ე. ი. გრძნობათა საშუალებით შეიცნობიან (მთარგმნ. შენ.).

² Comprene.

ბიკ მას გარეთ ეჩვენებიან, რათა ამის შემდეგ ნელა და დროულად მოეწიოთ ალვირი და დაეაკისროთ ჩემს გონებას განხილვა თავისი არსებისა და იმ თვისებათა, რომელთაც ის მასში პოულობს. ამის შემდეგ ჩემი გონების მოქცევა კანონიერ ფარგლებში და მისი ხელმძღვანელობა იქნება უფრო ადვილი.

განვიხილოთ ახლა ის საგნები, რომლებსაც ჩვეულებრივ ყველაზე უფრო ადვილად შესაცნობ საგნებად თვლიან და რომლების შესახებ აგრეთვე დარწმუნებული არიან, რომ ისინი ყველაზე უფრო გარკვეულადაა შეცნობილი. ეს საგნებია სხეულები, რომლებსაც ჩვენ ვეხებით და რომლებსაც ვხედავთ. მაგრამ განვიხილოთ ჩვენ ხამდვილად არა სხეულები საზოგადოდ, ვინაიდან ეს ზოგადი წარმოდგენები¹ ჩვეულებრივ ცოტათი უფრო ბუნდოვანია, არამედ განვიხილოთ ერთი რომელიმე სხეული კერძოდ. ავიღოთ, მაგალითად, სანთლის აი ეს ნაჭერი: ის სულ ახლახან იყო ამოღებული სკის ბუკიდან, მას ჯერ არ დაუკარგავს თავლის სიტკბო, რომელიც მას ჰქონდა, მას ოდნავ შერჩენილი აქვს კიდევ იმ ყვავილების სუნი, რომელთაგანაც იყო ის შეგროვებული; მისი ფერი, მისი აღნაგობა, მისი სიდიდე ცხადად მოჩანან; ის მაგარია, ის ცივია, ის პლასტიურია², და თუ თქვენ დაარტყამთ მას ზევიდან, ის გამოსცემს ბგერას. დაბოლოს, სანთლის ამ ნაჭერში მოიპოვება ყველა ის თვისება, რომლებსაც შეუძლიათ გარკვეულად შეგვაცნონ სხეული. მაგრამ აი ჩემი ლაპარაკის დროს ეს სანთელი მიუახლოვეს ცეცხლს: გაჰქრა გემო, რომელიც დარჩენილი იყო მასში, გაიფანტა სუნი, შეიცვალა მისი ფერი, დაიკარგა მისი აღნაგობა, იმატა მისმა სიდიდემ, ის სითხედ იქცა, ის გაცხელდა, ძლივს თუ შეიძლება მას ხელი მივაკაროთ, და, თუ მას ზევიდან დაარტყეს, ის უკვე არავითარ ბგერას არ გამოსცემს. ამ ცვლილების შემდეგ დარჩა თუ არა იგივე სანთელი? უნდა ვაღიაროთ,

¹ Notions générales.

² Maniable.

რომ ის დარჩა: არავის არ აქვს ამის ექვი, არავეინ არ მსჯელობს ამის შესახებ სხვანაირად. რა არის, მაშასადამე, იგი, რაც ასეთი გარკვეულობით¹ შეიცნობოდა სანთლის ამ ნაქერში? ცხადია, იგი არ შეიძლება იყოს ისეთი რამე, რაც შეგრძნობათა მეშვეობით შევნიშნე, ვინაიდან ყველაფერი. რაც შეინიშნებოდა გემოვნებით, ყნოსვით, ხედვით უა სმენით, შეცვლილია, სანთელი კი დარჩა იგივე. შეიძლება, იგი იყოს ის, რასაც მე ახლა ვფიქრობ, სახელდობრ, რომ ეს სანთელი არ იყო არც თაფლის ის გემო, არც ყვავილთა ის საამური სუნი, არც ის სითეთრე, არც ის აღნაგობა, არც ის ბგერა, არამედ ის იყო მხოლოდ სხეული, რომელიც ამაზე წინ მეჩვენებოდა მე ამ ფორმებით და რომელიც ამჟამად იგრძნობა სხვა ფორმებით მაგრამ, ზუსტად რომ ითქვას, რა არის ის, რასაც მე წარმოვიდგენ, როდესაც ამ სანთელს ამნაირად შევიცნობ? დავაკვირდეთ ამას ყურადღებით, გამოვრიცხოთ ყველაფერი, რაც სანთელს არ ეკუთვნის, და დავხედოთ, რა რჩება. ცხადია, რომ რჩება, მხოლოდ რაღაც ვრცეული საგანი, რომელიც შეიძლება მოვქნათ და ავამოძრაოთ. მაგრამ რას ნიშნავს „შეიძლება მოვქნათ“, „შეიძლება ავამოძრაოთ“? ეს ხომ არ არის ის, რომ მე წარმოვიდგენ, რომ ამ სანთელს, რომელიც მრგვალია, შეუძლია ოთხკუთხიანად იქცეს და ოთხკუთხიანიდან სამკუთხიან ფიგურად გადაიქცეს? ცხადია, რომ არა, ვინაიდან მე ისე მაქვს ეს სანთლის ნაქერი გაგებული, რომ მას ამგვარ ცვლილებათა უსაზღვრო რიცხვი შეუძლია გამოსცადოს, და მე ჩემი წარმოსახვის უნარით ვერ შევძლებდი ამ უსაზღვრო ცვლილებათა ამოწურვას და, მაშასადამე, ის ცნება², რომელიც მაქვს მე სანთლის შესახებ, არ იქმნება წარმოსახვის (წარმოდგენის) საშუალებით. რა არის ახლა ეს ვრცეულობა³, ესეც უცნობი ხომ არ არის? იგი ხომ დიდდება, როდესაც სანთელი დნება, უფრო დიდდება, როდესაც სანთელი დღუს, და კიდევ

¹ Distinction.

² Conception.

³ Extension, განფენილობა.

უფრო დიდდება, როდესაც სიცხე მატულობს. და მე ვერ გავიგებდი ნათლად და კემშარიტად, რა არის სანთელი, თუ არ ვიფიქრებდი, რომ თვით ამ ნაპერს, რომელსაც ჩვენ განვიხილავთ, აქვს უნარი თავის ვრცეულობის (განფენილობის) იმდენი ცვლილება მიიღოს, რამდენიც მე მის შესახებ არასოდეს წარმომიდგენია. მაშასადამე, უნდა დავეთანხმო იმას, რომ წარმოსახვის (წარმოდგენის¹) საშუალებით მე ვერც კი მივწვდებოდი, რა არის სანთლის ეს ნაპერი, და მხოლოდ ჩემი გაგების უნარი² წვდება ამას. მე ვლაპარაკობ კერძოდ სანთლის ამ ნაპერის შესახებ, ვინაიდან ზემონათქვამი კიდევ უფრო ცხადია საზოგადოდ სანთლის მიმართ. მაგრამ როგორია სანთლის ეს ნაპერი, რომელიც საწვდომია მხოლოდ გაგებისა და გონების³ საშუალებით? ცხადია, რომ ეს იგივეა, რაც ის სანთელი, რომელსაც მე ვხედავ, რომელსაც ვეხები, რომელსაც წარმოვიდგენ, და, ბოლოს, ეს ის სანთელია, რომლის შესახებ მე ყოველთვის ვფიქრობდი, რომ ის იყო დასაწყისში⁴. მაგრამ აქ უნდა ძალიან დიდი ყურადღებით აღინიშნოს, რომ ჩემი წვდომა⁵ არ არის არც ხედვა, არც შეხება, არც წარმოსახვა, და არც არასოდეს ყოფილა იგი ისეთი რამ, თუმცა მე იგი უწინ ასეთად მეჩვენებოდა, არამედ ის არის მხოლოდ გონებით ხილვა⁶, რომელიც შეიძლება იყოს უსრულო და ბუნდოვანი, როგორიც იყო ის წინათ, ან, პირიქით, ნათელი და გარკვეული⁷, როგორიც არის ის ამჟამად,—იმისდა მიხედვით, მეტად თუ ნაკლებად არის მიპყ-

¹ Imagination.

² Entendement.

³ Esprit.

⁴ C'étoit au commencement—ის იყო დასაწყისში, იმთავითვე. აზრი ის არის, რომ გაგებისა და გონების საშუალებით საწვდომი სანთელი არის დასაწყისი, სათავე ან პრინციპი გრძობათა საშუალებით შეცნობილი სანთლისა (მთარგმნ. შენ.).

⁵ Perception.

⁶ Inspection de l'esprit.

⁷ Claire et distincte.

რობილი ჩემი ყურადღება იმისაკენ, რაც ამ სანთელში არის და რიგანაც ის შედგენილია.

ამასობაში მე ძალიან გაკვირებული ვარ, როდესაც ვუტყერი, რამდენად სუსტია ჩემი გონება და რამდენად ძლიერია მასში მიდრეკილება, რომელსაც შეუმჩნევლად შეჰყავს ის შეცდომაში, ვინაიდან, მიუხედავად იმისა, რომ მე ყველა ამას განვიხილავ ჩუმად, სიტყვები მაინც მიწლიან, და მე თითქმის მოტყუებული ვრჩები ჩვეულებრივი ენის ტერმინებით: როდესაც ჩვენ წინაშე არის სანთელი, ჩვენ ვამბობთ ხოლმე, რომ ვხედავთ იმავე სანთელს, ნაცვლად იმის თქმისა, რომ ჩვენ იმის გამო, რომ სანთელს იგივე ფერი და იგივე ფიგურა აქვს, ვსჯით¹, რომ ის იგივეა: ამიტომ მე თითქმის მზად ვარ ასეთი დასკვნა გამოვიყვანო, რომ სანთელს შეიცნობენ თვალების ხედვით და არა მხოლოდ და მხოლოდ გონების სილვით. მე რომ გამეხედა ფანჯარაში და შემთხვევით დამენახა ქუჩაში მიმავალი ადამიანები, რომელთა დანახვის დროს მე ყოველთვის ვამბობ, რომ ვხედავ ადამიანებს, სწორედ ამის მსგავსად ვამბობ მე, რომ ვხედავ სანთელს: ამასობაში კი რას ვხედავ მე ფანჯრიდან, თუ არა ქუდებსა და მოსასხამებს, რომლებითაც ხომ შესაძლებელი იყო შეემოსათ ხელოვნურად ამოძრავებული მანქანები? მაგრამ მე ვსჯი, რომ ესენი ადამიანებია, და ამრიგად მე ჩემს გონებაში მოთავსებული მსჯელობის უნარის² საშუალებით (და არა სხვა რაიმეთი) ვწვდები იმას, რის შესახებ ვფიქრობდი, რომ მე ვხედავ მას ჩემი თვალებით.

კაცს, რომელიც ცდილობს თავისი ცოდნა ჩვეულებრივ დონეზე აამაღლოს, უნდა რცხვენოდეს საბაბი თავისი დაეკვებისათვის თქმის იმ ფორმებიდან მიიღოს, რომლებიც ბრბოს მიერაა გამოგონებული. მე მირჩევნია გავცდე ამას და განვიხილო, როდის ვწვდებოდი მე მეტი სიცხადითა³ და სისრულით, თუ რა არის სანთელი: მაშინ ვწვდებოდი, რო-

¹ Judge.

² La puissance de juger.

³ Évidence.

დესაც ის მე პირველად შევნიშნე და როდესაც ვფიქრობდი, რომ მე მას შევიცნობ გარეგანი გრძნობებით ან, ყოველ შემთხვევაში, ეგრეთ წოდებული საზოგადო გრძნობით¹, ე. ი. წარმოსახვის უნარით,—თუ ვწვდები ამას ახლა, იმის შეზღვევ, რაც უფრო ბეჯითად გავსინჯე, რა არის ეს სანთელი და რა გზით შეიძლება იყოს ის შეცნობილი? ცხადია, რომ სასაცილო იქნებოდა ამის შესახებ ეჭვი. მართლაც, რა იყო პირველ წარმოდგენაში² ისეთი, რაც გარკვეული ყოფილიყო? რა იყო იქ ისეთი, რაც უკანასკნელი პირუტყვის გრძნობებსაც კი არ შეეძლო იმნაირადვე შეემჩნია? მაგრამ, როდესაც მე ვარჩევ სანთელს მისი გარეგნული ფორმებისაგან და თითქოს ვაცლი მას მის სამოსელს და ვაკვირდები მას სრულიად გაშიშვლებულს, ცხადია, რომ ამნაირად სანთლის წვდომა მე არ შემიძლია ადამიანის გონების³ გარეშე, თუმცა შესაძლებელია კიდევ იყოს დარჩენილი რაიმე შეცდომა ჩემს წსჯელობაში.

მაგრამ, დაბოლოს, რას ვიტყვი მე ამ გონების შესახებ. ე. ი. თვითონ ჩემს შესახებ? მე ხომ ჯერჯერობით არ მაქვს დაშვებული, რომ რამე სხვა, გარდა გონებისა, არსებობს ჩემში. მაშ რა? ნუთუ მე, რომელიც, როგორც ჩანს, ასეთი სიწმინდით⁴ და გარკვეულობით⁵ შევიცნობ სანთლის ამ ნაჭერს, არ ვიცნობ ჩემს საკუთარ თავს მეტი გარკვეულობითა და სიწმინდით, არამცთუ უფრო ქეშმარიტად და უფრო ცხადად? მართლაც, თუ იმის გამო, რომ მე ვხედავ სანთელს, მე ვსჯი, რომ ეს სანთელი არის ან არსებობს, უიქველია, რომ იქიდან, რომ მე სანთელს ვხედავ, გაცილებით მეტი სიცხადით გამომდინარეობს, რომ თვითონ მე ვარ ან ვარსებობ. შესაძლებელია, რომ ის, რასაც მე ვხედავ, ნამდვილად არ იყოს სანთელი; ისიც შესაძლებელია, რომ თვა-

¹ Le sens commun.

² Perception.

³ Esprit.

⁴ Netteté.

⁵ Distinction, გარჩეულობით.

ლებიც კი სრულიად აღარ მქონდეს საგნების დასანახავად; მაგრამ შეუძლებელია, რომ მე, რომელიც ვფიქრობ, არაფერი არ ვიყო მაშინ, როდესაც მე ვხედავ, ან, რაც იგივეა¹, როდესაც მე ვფიქრობ, რომ ვხედავ. ამისდა მსგავსად, თუ იმის გამო, რომ ვეხები სანთელს, მე ვსჯი, რომ სანთელი არსებობს; აქედან გამოიყვანება ისევ ის დასკვნა, სახელდობრ, რომ მე ვარ; და, თუ მე იმის გამო, რომ ჩემი წარმოსახვა ან სხვა რომელიმე მიზეზი მაჯერებს ამაში, ვსჯი, რომ სანთელი არსებობს, აქედანაც მე ისევ იმ დასკვნას² გამოვიყვან ყოველთვის. რაც მე აქ აღენიშნე სანთლის შესახებ, ის შეიძლება ითქვას ყოველ სხვა საგანზე, რომელიც გარეგნულია ჩემთვის და რომელიც ჩემ გარეშე იმყოფება. გარდა ამისა, თუ სანთლის ცნება³ ან წარმოდგენა⁴ მე მომეჩვენა მეტი სიწმინდითა და მეტი გარკვეულობით მას შემდეგ, რაც ის არა მხოლოდ მხედველობამ და შეხებამ, არამედ კიდევ მრავალმა სხვა მიზეზმა აქცია უფრო ცხადად⁵, უნდა ვაღიარო, რომ გაცილებით უფრო მეტი სიცხადით⁶, გარკვეულობით და სიწმინდით შევიცნობ მე ახლა ჩემს საკუთარ თავს, ვინაიდან ყველა ის საბუთი, რომლებიც ემსახურებიან სანთლის ან სხვა რომელიმე სხეულის ბუნების შეცნობას და მიწვდომას⁷, ბევრად უკეთესად ამტკიცებენ ჩემი გონებას ბუნებას. და თვით გონებაში სხვა რამე, რასაც შეუძლია ხელი შეუწყოს მისი ბუნების გაშუქებას, იმდენი მოიპოვება, რომ ის მოსაზრებანი, რომელნიც სხეულისაგან არიან დამოკიდებული (ასეთებია კი ზემოთ მოყვანილი მოსაზრებანი), თითქმის არც კი არიან იმის ღირსი, რომ იაინი ანგარიშში იქნენ მიღებული.

¹ ე. ი. ერთი და იგივეა „ვხედავ“ და „ვფიქრობ, რომ ვხედავ“ (მთარგმნ. შენ.).

² ე. ი. რომ მე ვარსებობ (მთარგმნ. შენ.).

³ Notion.

⁴ Perception.

⁵ Manifeste.

⁶ Evidence.

⁷ Connoitre et concevoir.

მაგრამ აი, ბოლოს, მე უკვე მიმიღწევია შეუმჩნევლად იქამდის, სადაც მინდოდა მისვლა: მართლაც, ვინაიდან ჩემთვის ახლა ცხადია, რომ თვით სხეულები ნამდვილად შეცნობილი არიან არა გრძნობებით ან წარმოსახვით¹, არამედ მხოლოდ გაგების უნარით, და ეს სხეულებიც შეიცნობიან არა იმით, რომ ისინი დაინახეს ან მათ შეეხენ, არამედ მხოლოდ იმით, რომ ისინი აზროვნებით იქნენ გაგებული და მიწვდომილი². ამიტომ მე ნათლად ვხედავ, რომ არაფერია ისეთი, რაც უფრო ადვილად იყოს ჩემ მიერ შესაცნობი, ვიდრე ჩემი გონება. / მაგრამ ძნელია უცბად დააღწიო თავი დიდი ხნის განმავლობაში შეჩვეულ შეხედულებას. ამიტომ კარგია, თუ მე ცოტაოდენს შევჩერდები ამ ადგილზე, რათა ფიქრის გახანგრძლივებით უფრო ღრმად ჩავიბეჭდო ჩემს მეხსიერებაში ეს ახალი ცოდნა.

¹ წარმოდგენით.

² Entendus et compris.

განაჯრება მხსამე

ღმერთის შესახებ, რომ იგი არსებობს

ახლა მე დაეხურავ თვალებს, დავიცობ ყურებს, შევაკავებ ყველა ჩემს გრძნობას, ჩემი აზრიდანაც კი ამოვშლი ნიეთიერ საგანთა ყველა სახეს, ანდა, ვინაიდან ამის გაკეთება ძალიან ძნელია, მე ამ სახეებს ჩავთვლი, როგორც ყალბსა და ამაოს. ამრიგად, მექნება რა საქმე მხოლოდ ჩემს თავთან და გამოვიკვლევ რა ჩემს შინაგან რაობას, მე ვეცდები ვაქციო ჩემი თავი თანდათან ჩემთვის უფრო ცნობილ და უფრო ახლობელ არსებად. მე ვარ ისეთი საგანი, რომელიც აზროვნებს, ე. ი. რომელიც ექვობს, რომელიც ჰოჰყოფს¹ (affirme), რომელიც უარჰყოფს, რომელმაც იცის ცოტა რამ, რომელმაც არ იცის ბევრი რამ, რომელსაც უყვარს, რომელსაც სძულს, რომელსაც სურს, რომელსაც არ სურს, რომელიც აგრეთვე წარმოისახავს, რომელიც გრძნობს; ვინაიდან, როგორც ზემოთ აღვნიშნე, თუმცა საგნები, რომლებსაც მე ვგრძნობ და რომლებსაც წარმოვისახავ, შესაძლებელია სრულიადაც აღარ არსებობდნენ ჩემ გარეშე და თავისთავად, მიუხედავად ამისა, მე დარწმუნებული ვარ, რომ აზროვნების ეს ფორმები, რომლებსაც მე სახელად გრძნობებსა და წარმოსახვებს ვუწოდებ, უმკველად იმყოფებიან და მოიპოვებიან ჩემში, რამდენადაც ისინი აზროვნების ფორმებია. და ამ ცოტა რამეში, რაც ახლა ვთქვი, მე, როგორც ვფიქრობ, გამოვთქვი ყველაფერი, რაც ქეშმარტად ვიცი, ან ყოველ შემთხვევაში, რის შესახებ აქამდე შემინიშნავს, რომ იგი ვიცი. ახლა, რათა ვცადო ჩემი ცოდნის წინწაწევა, გაფართოება, მე გავაკე-

¹ „ჰყოფა“ არის მთარგმნელის მიერ შექმნილი ნეოლოგიზმი. იგი უდრის ლათინურს—affirmare, გერმანულს—bejahen და რუსულს—утверждать (მთარგმნ. შენ.).

თებ მიმოხილვას და ბეჯითად დაეკვირდები, ხომ არ შევძლებ აღმოვაჩინო ჩემში კიდევ ისეთი რამ, რაც მე ჯერ იქ არ შემინიშნავს. მე დარწმუნებული ვარ, რომ ვარ მოაზროვნე საგანი. მაგრამ განა არ ვიცი მე აგრეთვე ისიც, თუ რა არის საჭირო, რათა მე რაიმეში დავრწმუნდე? ამ პირველს ცოდნაში, ცხადია, არაფერია ისეთი, რაც მე მის ქეშმარიტებაში მარწმუნებს, თუ არა ნათელი და გარკვეული შენიშვნა¹ იმისა, რასაც ვამბობ; და ეს შენიშვნა ნამდვილად არ იქნებოდა საკმარისი იმისათვის, რათა მე დავერწმუნებინებო, რომ ჩემი ნათქვამი ქეშმარიტია, თუ ოდესმე შესაძლებელი იქნებოდა ისეთი შემთხვევა, რომ ის, რასაც მე ასევე ნათლად და გარკვეულად შევიცნობ², ყოფილიყო ყალბი. აქედან გამოსული, მე ვფიქრობ, რომ უკვე შემიძლია დავადგინო ზოგად წესად შემდეგი დებულება: ყოველი საგანი, რომელსაც ჩვენ შევიცნობთ ძალიან ნათლად და ძალიან გარკვეულად, ქეშმარიტია³.

მაგრამ მე ამაზე წინ ხომ ძალიან სანდოდ და ძალიან ცხადად⁴ მქონდა ჩათვლილი მრავალი საგანი, რომლებიც მე შემდეგ, მიუხედავად ამისა, ძალიან საეჭვოდ და ძალიან არასანდოდ ვცანი. მაშ, რომელი იყო ეს საგნები? ესენი იყვნენ: მიწა, ცა, ვარსკვლავები და ყველაფერი, რაც მე ჩემს გრძნობათა მეშვეობით მქონდა შემჩნეული. რალა მქონდა მე მათში ნათლად და გარკვეულად შეცნობილი? ცხადია, რომ არაფერი გარდა იმისა, რომ ამ საგნების იდეები ან აზრები წარმოდგენილი იყვნენ ჩემს გონებაში. ამჟამადაც მე არ უარვყოფ, რომ ეს იდეები იმყოფებიან ჩემში. მაგრამ იყო კიდევ სხვა რალაც, რის შესახებ მე ვამბობდი და, ჩემი ჩვეულების ძალით დარწმუნებული, კიდევაც ვფიქრობდი, რომ მე მას ძალიან ნათლად ვამჩნევ-

¹ Perception.

² Concevois.

³ დედანში ასეა: Toutes les choses que nous concevons fort clairement et fort distinctement sont toutes vraies.

⁴ Manifestes.

ეს სხვა რაღაც იყო სახელდობრ ის, რომ ჩემ გარეშე არსებობენ საგნები, რომლებსგანაც წარმოიშობიან ეს იდეები და რომლებსაც ესენი (იდეები) სრულიად ემსგავსებიან; და სწორედ აი ამაში ვტყუვდებოდი მე; ანდა, თუ მე, შესაძლებელია, ჭეშმარიტად ვმსჯელობდი, ამ მსჯელობის ჭეშმარიტების მიზეზი არ იყო არავითარი ცოდნა, რომელიც მე თითქოს მქონებოდა.

მაგრამ, როდესაც მე განვიხილავდი ხოლმე ძალიან მარტივსა და ძალიან ადვილს რასმე არითმეტიკისა და გეომეტრიის დარგში, — მაგალითად, იმას, რომ ორისა და სამის შეერთება იძლევა რიცხვს ხუთს და სხვა ამის მსგავს საგნებს, — განა არ შევიცნობდი მე ამათ ყოველ შემთხვევაში საკმაოდ ნათლად იმისათვის, რათა მეთქვა, რომ ისინი ჭეშმარიტი იყვნენ? თუ მე შემდეგ განვაცხადე, რომ შეიძლება ექვი ასეთ რამეში, მოხდა ეს მხოლოდ იმიტომ, რომ მე მომივიდა აზრად, რომ შესაძლებელია რაიმე ღვთაებას მოენიჭებინა ჩემთვის ისეთი ბუნება, რომ მე ვტყუვდებოდე ისეთ საგნებშიც კი, რომლებიც მე უცხადესად მეჩვენებია. მაგრამ ყოველთვის, როდესაც ჩემს აზრს წარმოუდგება ხოლმე იმაზე წინ შედგენილი შეხედულება რაღაც ღვთაების უღარესი ძლიერების შესახებ, მე იძულებული ვარ ვაღიარო, რომ მისთვის ადვილია, თუ კი სურს, ისე გააკეთოს, რომ მე ვტყუვდებოდე თვით ისეთ საგნებშიც კი, რომლების შესახებ დარწმუნებული ვარ, რომ მე მათ ძალიან ნათლად შევიცნობ; და პირუკუ, ყოველთვის, როდესაც მე მივიტყევი ხოლმე იმ საგნებისაკენ, რომლების შესახებ ვფიქრობ, რომ მე მათ ძალიან ნათლად შევიცნობ, იმდენად დარწმუნებული ვარ ამ საგნების მიერ, რომ მე ვაძლევ ნებას გამიტაცოს შემდეგმა სიტყვებმა: მატყუოს, ვისაც შეუძლია, თუ კი იგი ვერასოდეს ვერ შესძლებს გააკეთოს ისე, თითქოს მე არა ვიყო რა იმ დროს, როდესაც ვფიქრობ, რომ რაღაცა ვარ, ანდა რომ ოდესმე ჭეშმარიტად იქცეს ის, თითქოს მე არასოდეს არ ვყოფილვარ, იმ დროს, როდესაც ჭეშმარიტებაა ის, რომ მე ამჟამად ვარ, ან კიდევ, რომ ორისა და სამის შეერთება

ქმნიდეს მეტს ან ნაკლებს ხუთზე, ან ამის მსგავს რანგს-
რასაც, როგორც მე ნათლად ვხედავ, არ შეუძლია იყოს სხვა-
ნაირად, ვიდრე მე მათ შევიცნობ.

და ვინაიდან მე არ მაქვს არაერთი საბუთი მწამდეს,
რომ არის რაღაც ღმერთი, რომელიც ნატყუარაა, და ვინა-
იდან მე ჯერ არ განმიხილავს თვით ის საბუთებიც კი, რომ-
ლებიც ამტკიცებენ, რომ ღმერთი არსებობს, ფრიალ ნსუ-
ბუქია და, აგრე რომ ითქვას, მეტაფიზიკურია ის საფუძველი
ექვისათვის, რომელიც ამ შეხედულებისაგან არის დამოკიდე-
ბული. მაგრამ, რათა შესაძლებელი შეიქნეს სრულიად გავა-
ბათილო ეს საფუძველი, მე უნდა პირველი საბაბის გამოჩე-
ნისთანავე გავსინჯო, არსებობს თუ არა ღმერთი. და თუ
აღმოვაჩინე, რომ რაღაც ღმერთი არსებობს, მე უნდა ისიც
გავსინჯო, შესაძლებელია თუ არა, რომ იგი ნატყუარა იყოს;
ვინაიდან მე ვერ ვხედავ, რომ ამ ორი ქეშმარიტების ცოდ-
ნის გარეშე ოდესმე შემძლოს დარწმუნებული ვიყო რომე-
ლიმე საგანში. და რათა მე მომეცეს საბაბი გავსინჯო ეს
აზროვნების იმ თანრიგის¹ წესის დაურღვევლად, რომელიც
მე ჩემს თავს წინასწარ დავუსახე და რომელიც იმაში შედ-
გება, რათა იმ ცნებებიდან, რომლებსაც პირველად აღმო-
ვაჩენ ჩემს გონებაში, მე საფეხურებრივ, თანდათან² გადაე-
დიოდე იმ ცნებებისაკენ, რომლებსაც იქ შემდეგ შევძლებ
აღმოვაჩინო—საჭიროა აქვე, რომ ყველა ჩემი აზრი გავანა-
წილო ჯგუფებად და განვიხილო, საკუთრივ რომელ ჯგუფ-
შია ქეშმარიტება თუ შეცდომა.

ჩემს აზრთა შორის ზოგიერთები თითქოს საგანთა ხა-
ტებია (სახეებია)³, და მხოლოდ ამათ შეეფერება სწორედ
იდეის სახელწოდება: მაგალითად, როდესაც მე წარმოვიდ-
გენ⁴ ან კაცს, ან ქიშკრას, ან ცას, ან ანგელოზს, ან თვით
ღმერთს. სხვებს ამათ გარეშე აქვთ რაღაც სხვა ფორმა: მა-

¹ L'ordre.

² Par degrés.

³ Images.

⁴ Je me représente.

ჯალითად, როდესაც მე ან მსურს, ან მეშინია, ან ჰოვეყოფ, ან უარყოფ, მაშინ მე კარგად ვწვდები რომელიმე საგანს, როგორც ჩემი გონების მოქმედების ქვემდებარეს¹; მაგრამ ამ მოქმედებით მე იმ იდეას, რომელიც მე მაქვს ამ საგნიდან, ვამატებ კიდევ რაღაც სხვას; და აი აზრთა ამ ჯგუფიდან ზოგს ეწოდება სახელად ნებელობა² ან ვნება³, სხვებს კი მსჯელობა⁴.

ახლა, რაც შეეხება იდეებს, ისინი, ზუსტად რომ ითქვას, არ შეიძლება მცდარი იყვნენ, თუ ჩვენ მათ ავიღებთ თავისთავად და არ დავაყენებთ მიმართებაში რომელიმე სხვა საგანთან. ვინაიდან, როდესაც მე წარმოვიდგენ⁵ თხას ან ქიშკრას, არა ნაკლებ ჭეშმარიტია ის, რომ მე წარმოვიდგენ ერთს, ვიდრე ის, რომ მე წარმოვიდგენ მეორეს. არც ის არის საშიშარი, რომ ჩვენ წავაწყდებით შეცდომას ვნებასა ან ნებელობაში: ვინაიდან, თუმცაღა მე შემიძლია მსურდეს ცუდი საგნები ან თვით ისეთებიც კი, რომლებიც არასოდეს არ არსებულან, მაგრამ ამის გაშო არაფერი აკლდება მაინც იმ ჭეშმარიტებას, რომ მე ისინი მსურს. ამრიგად რჩება მხოლოდ მსჯელობები, რომლებსაც უნდა ბეჯითად გავუფრთხილდე, რათა მე მათში არ მოვტყუვდე. მაგრამ მთავარი და ყველაზე უფრო ჩვეულებრივი შეცდომა, რომელიც კი შეიძლება იქ შემხვდეს, იმაში შედგება, რომ მე ვმსჯელობ, რომ ჩემში არსებული იდეები ემსგავსებიან ან შეეფერებიან⁶ ჩემ გარეშე არსებულ საგნებს; ვინაიდან ცხადია, რომ იდეები არ მომცემდა შეცდომისათვის საბაბს, თუ მე იდეებს შევხედავდი მხოლოდ როგორც ჩემი აზრის სახეცვლილებას;⁷ ან ფორმას⁸ და არ მოვისურვებდი მათ დაყენებას რომელიმე გარეგან საგანთან მიმართებაში.

¹ Sujet.

² Volontés.

³ Affections.

⁴ Jugements.

⁵ J'imagine.

⁶ Sont semblables ou conformes.

⁷ Modes.

⁸ Façons.

მე ისე მეჩვენება, რომ ამ იდეათა შორის ზოგიერთი დაბადებულია ჩემთან ერთად, სხვები უცხოა და გარედან მომდის, კიდევ სხვები ჩემ მიერ არის შექმნილი და გამოგონებული. მართლაც, ის, რომ მე მაქვს ნიქი მივხედე¹ იმას, თუ რას ეწოდება საზოგადოდ ან საგანი, ან ქეშმარიტება, ან აზრი, — აი ეს, ჩემი შეხედულებით, მე მიღებული მაქვს ჩემი საკუთარი ბუნებიდან და არა სხვა წყაროდან; მაგრამ, თუ მე ახლა მესმის რაიმე ხმაურობა, თუ ვხედავ მზეს, თუ ვგრძნობ სიცხეს, ამჟამად მე ისე ვფიქრობდი, რომ ეს გრძნობები წარმოიშობიან ჩემ გარეშე არსებული რაღაც საგნებისაგან; და, დაბოლოს, მე მეჩვენება, რომ სირენები, ჰიპოგრიფები და ყველა მათი მსგავსი ქიმერა ჩემი გონების ფიქციები და გამოგონებანი არიან. მაგრამ ეგების მე იმაშიც შემძლია დავაჯერო ჩემი თავი, რომ ყველა ეს იდეა იმ იდეათა კატეგორიას ეკუთვნის, რომლებსაც მე ვეძახი უცხოს და რომლებიც გარედან მოდიან, ან რომ ისინი ყველანი ჩემთან ერთად არიან გაჩენილი, ანდა ყველანი ჩემ მიერ არიან გაკეთებული: ვინაიდან მე ჯერ ნათლად აღარ გამირკვევია მათი ნამდვილი წარმოშობა. და რაც მე ამ ადგილას მაქვს უმთავრესად გასაკეთებელი, ესაა ის, რომ შევეხო იმ იდეებს, რომლებიც მე მეჩვენება რაღაც გარეშე საგნებისაგან მომდინარედ, და განვიხილო, რა საბუთის გამო უნდა მჯეროდეს, რომ ისინი ემსგავსებიან ამ საგნებს.

ამ საბუთთა შორის პირველია ის, რომ, ჩემი შეხედულებით, თვითონ ბუნებამ მასწავლა მე ეს; ხოლო მეორეა ის, რომ მე ჩემს საკუთარ თავში განვიცდი², როცა ეს იდეები არაა ჩემი ნებისყოფისაგან დამოკიდებული, ვინაიდან ისინი ხშირად წარმომიდგებიან ჩემი ნების წინააღმდეგ—აი როგორც ამჟამად, მიუხედავად იმისა, მინდა მე ეს, თუ არ მინდა, მე ვგრძნობ სიცხეს და ამის გამო მე ვრწმუნდები, რომ სიცხის ეს გრძნობა, ან უკეთ, ეს იდეა, გამოწვეულია

¹ Concevoir.

² J'expérimente en moi-même.

ჩემში ჩემგან განსხვავებული საგნის მიერ, სახელდობრ, იმ ცეცხლის მიერ, რომლის ახლოსაც ვარ დამჯდარი. და არაფერი არ მიმაჩნია მე იმ მსჯელობაზე უფრო გონიერად, რომ უმალ ეს უცხო საგანი, და არა სხვა რომელიმე, გზაენის და აღბეჭდავს ჩემში თავის სურათს¹.

ახლა საკიროა განვიხილო, საკმაოდ მაგარი და დამაჯერებელი არიან თუ არა. ეს მოსაზრებანი. როდესაც მე ვთქვი, რომ მე მეჩვენება, რომ ეს მასწავლა ბუნებამ, მე ამ „ბუნება“ სიტყვის ქვეშ მესმის ერთგვარი მიდრეკილება, რომელიც მაინჟლებს მჯეროდეს ეს², და არა ბუნებრივი სინათლე³, რომელიც მომცემდა იმ ცოდნას, რომ ეს ქეშმარიტია. გამოთქმის ეს ორი ფორმა ძალიან განსხვავდება ერთმანეთისაგან, ვინაიდან მე ვერ ვაქცევდი საექვოდ იმას, რასაც ბუნებრივი სინათლე მიჩვენებს როგორც ქეშმარიტს: სწორედ მან დამანახა მე, რომ იმ გარემოებიდან, რომ მე ვეჭვობდი, მე შემეძლო გამეკეთებია დასკვნა⁴, რომ მე ვარსებობდი. ამრიგად, ქეშმარიტის გასარჩევად მცდარისაგან მე არ გამაჩნია სხვა ნიჟიერება ან ძალა, რომელსაც შეეძლო ესწავლებია ჩემთვის, რომ ის, რასაც ბუნებრივი სინათლე მიჩვენებს როგორც ქეშმარიტს, არ არის ასეთი, და რომლის მიმართ მე შემეძლო ისეთივე ნდობა მქონებოდა, როგორც ბუნებრივი სინათლის მიმართ. მაგრამ, რაც შეეხება იმ მიდრეკილებებს, რომლებიც ჩემი შეხედულებით აგრეთვე ბუნებრივია ჩემთვის, მე შემიმჩნევია, რომ ხშირად, როდესაც საკითხი მიადგებოდა არჩევანს სათნობათა და ბიჟიერებათა შორის, ამ მიდრეკილებებს სიავისაკენ არა ნაკლებ მივუზიდივარ, ვიდრე სიკეთისაკენ. აი ამიტომ მე მით უმეტეს არ მაქვს საფუძველი გავყვე მათ ქეშმარიტებისა და შეცდომის საკითხში. რაც შეეხება მეორე მოსაზრებას, სახელდობრ, იმას, რომ ეს

¹ Ressemblance.

² ე. ი. მჯეროდეს, რომ ჩენი გრძნობის იდეათა მიხეზებია მათი მსგავსი გარეშე საგნები (მთარგმნ. შენ.).

³ Lumière naturelle.

⁴ Conclure.

იდეები გარედან უნდა მოდიოდნენ, რადგან ისინი არ არიან ჩემი ნებისყოფისაგან დამოკიდებულნი, მე ეს მოსაზრებაც არ მიმაჩნია დამაჯერებლად. ვინაიდან იმისდა გვარად, რომ ყველა ეს მიდრეკილება, რომლების შესახებ მე ახლა ვლაპარაკობდი, იმყოფება ჩემში, თუმცა ჩემს ნებას ყოველთვის არ ეთანხმება, სწორედ ანნაირადვე შესაძლებელია, რომ ჩემში იყოს რაღაც ნიჭიერება ან ძალა, რომელსაც შეუძლია წარმოშვას ეს იდეები რაიმე გარეგანი საგნის დაუხმარებლად; თუმცა ეს ნიჭი ან ძალა შესაძლებელია ჩემთვის ჯერ უცნობი იყოს; აი როგორც აქამდე მე ყოველთვის მეჩვენებოდა, რომ ძილის დროს ეს იდეები ჩნდებიან ჩემში იმ საგანთა დაუხმარებლად, რომელთაც ისინი წარმომიდგენენ. დაბოლოს, კიდევაც რომ დავეთანხმო იმ აზრს, რომ ეს იდეები გამოწვეული არიან საგნებით, აქედან არ გამომდინარეობს აუცილებლად, რომ ისინი მათ უნდა ემსგავსებოდნენ. პირიქით, მე მრავალ მაგალითზე შემინიშნავს, რომ დიდი განსხვავება ყოფილა საგანსა და იდეას შორის. მაგალითად, მე ვპოულობ ჩემში მზის ორს სრულიად განსხვავებულ იდეას. ერთი იდეის წყაროა გრძობა, და იგი უნდა მოთავსებულ იქნეს იმ იდეათა შორის, რომელთა შესახებ ზევით ვთქვი, რომ ისინი გარედან მოდიან: ამ იდეის მიხედვით, მზე მეჩვენება მე უკიდურესად მცირე საგნად, მეორე იდეა ამოღებულია ასტრონომიის საბუთებიდან, ე. ი. ცნობილი ცნებებიდან, რომლებიც დაბადებულია ჩემთან ერთად, ანდა შექმნილია თვითონ ჩემ მიერ რაღაცნაირად: ამ იდეის მიხედვით მზე მე მეჩვენება მრავალჯერ უფრო დიდად, ვიდრე მთელი დედამიწა. ცხადია, რომ იდეა, რომლებიც მე შემიდგენია მზის შესახებ, არ შეიძლება ორივენი ემსგავსებოდნენ ერთსა და იმავე მზეს; ხოლო გონება მარწმუნებს მე, რომ ის იდეა, რომელიც უშუალოდ მოდის მზის გარეგნულობისაგან¹, უფრო ნაკლებად ემსგავსება მზეს. ყველაფერი ეს მაძლევს მე საკმაოდ იმის ცოდნას, რომ აქამდე მე არა სანდო და წინასწარ მოსაზრებული მსჯელობის საშუა-

¹ Appearance.

ლებით, არამედ მხოლოდ ბრმა და თავხედი მიდრეკილების გამო მჯეროდა, რომ ჩემ გარეშე იმყოფებიან ჩემი არსებობისაგან განსხვავებული საგნები, რომლებიც ჩემი გრძნობის ორგანოების თუ სხვა რაიმე საშუალებათა დახმარებით გზავნიან ჩემსკენ თავის იდეებს ან სახეებს¹ და ალბეკდავენ ჩემში თავის მსგავსებს².

მაგრამ იხსნება კიდევ სხვა გზა იმის გამოსაკვლევად, არის თუ არა იმ საგანთა შორის, რომლების იდეებიც მაქვს მე ჩემში, ისეთი საგნები, რომლებიც არსებობენ ჩემ გარეშე — იხსნება სახელდობრ შემდეგი გზა: თუ ეს იდეები განიხილება მხოლოდ იმ მხრივ, რომ ისინი აზროვნების ესა თუ ის ფორმებია³, მაშინ მე არ ვცნობ მათ შორის არავითარ განსხვავებას ან უთანასწორობას და მეჩვენება, რომ ყველანი ჩნდებიან ჩემგან ერთი და იმავე წესით; მაგრამ თუ ეს იდეები განიხილება როგორც სახეები, რომელთაგან ერთი წარმოადგენს ერთ საგანს, მეორე წარმოადგენს მეორეს, მაშინ, ცხადია, რომ ისინი ძალიან განსხვავდებიან ერთმანეთისაგან. (მართლაცდა, ის იდეები, რომლებიც წარმომიდგენენ მე სუბსტანციებს, უეკველად რალაც უფრო მეტი არიან და თავის თავში, ასე ვთქვათ, მეტს ობიექტურ რეალობას შეიცავენ, ე. ი. წარმოდგინების საშუალებით მონაწილეობენ ყოფიერების ან სისრულის მეტს ხარიპხში, ვიდრე ის იდეები, რომლებიც მე მხოლოდ მოდუსებს ან აქციდენციებს წარმომიდგენენ. კიდევ მეტი, იმ იდეას, რომლის საშუალებით მე ვწვდები უზენაესს, მარადიულს, უსაზღვროს, ურყევს, ყოვლის ნცოდნეს, ყოვლის შემძლეს და ჩემ გარეშე იყოფ ყველა საგნის უნივერსალურ შემოქმედ ღმერთს, თავის თავში უეკველად მეტი ობიექტური რეალობა აქვს, ვიდრე იმ იდეებს, რომლების საშუალებით მე წარმომიდგება დაბოლოებული⁴ სუბსტანციები.

ახლა ცხადია ბუნებრივი სინათლის გამო, რომ გამომწვ—

¹ Images.

² Ressemblances.

³ Façons.

⁴ Finies.

ვევ და ნთლიან მიზეზში¹ უნდა იყოს იმდენი სინამდვილე მაინც, რამდენიც არის მის შედეგში: რადგან საიდან მოიტანდა შედეგი თავის სინამდვილეს, თუ არა თავისი მიზეზისაგან? ან ეს მიზეზი როგორ შესძლებდა გადაეცა შედეგისათვის სინამდვილე, თუ მას² იგი არ ჰქონდა თავის თავში? და აქედან გამომდინარეობს არა მხოლოდ ის, რომ არარაობა ვერაფერს ვერ შექმნიდა, არამედ აგრეთვე ისიც, რომ არც ერთი რაობა, რომელიც უფრო სრულია, ე. ი. შეიცავს თავის თავში მეტ რეალობას, არ შეიძლება იყოს ნაკლებ სრულის შედეგი და მისგან დამოკიდებული და ეს კემშარიტება ნათელი და ცხადია³ არა მხოლოდ იმ შედეგების მიმართ, რომლებსაც აქვთ ფილოსოფოსთა მიერ აქტუალურის ან ფორმალურის სახელით წოდებული⁴ სინამდვილე, არამედ აგრეთვე იმ იდეების მიმართ, სადაც განიხილება მხოლოდ ის სინამდვილე, რომელსაც ფილოსოფოსები ობიექტურს უწოდებენ: მაგალითად, ქვას, რომელიც ჯერ კიდევ არ არსებობდა, არ შეუძლია დაიწყოს ახლა არსებობა, თუ იგი არ არის წარმოშობილი ამა თუ იმ საგნით, რომელსაც აქვს გაფორმებულად (formellement) ან ემინენტურად: (éminemment) ყველაფერი ის, რაც შედის ქვის შედგენილობაში, ე. ი. რაც თავის თავში შეიცავს იმავე საგნებს ან სხვებს, დიდად უკეთესებს იმაზე, რაც ქვაში მოიპოვება. სიტბოც არ შეიძლება გაჩნდეს საგანში, რომელიც მას მოკლებული იყო, გარეშე მეორე საგნისა, რომელიც უნდა იქნეს იმ რიგის⁵, იმ ხარისხის⁶ ან იმ გვარის⁷ მაინც, რომელსაც ისეთივე სისრულე ექნება, როგორიც სიტბოს. და ასეა სხვა შემთხვევებშიც. მაგრამ კიდევ, გარდა ამისა, სიტბოს ან ქვის იდეა არ იქნებოდა ჩემში,

¹ La cause efficiente et totale.

² ე. ი. მიზეზს (მთარგმნ. შენ.).

³ Évident.

⁴ Que les philosophes appellent actuelle et formelle.

⁵ Ordre.

⁶ Degré.

⁷ Genze.

რომ იგი არ ყოფილიყო იქ ჩადებული რაიმე მიზეზის მიერ, რომელიც ყოველ შემთხვევაში იმდენ სინამდვილეს მაინც შეიცავდა თავის თავში, რამდენსაც მე ვამჩნევ სიტობოში ან ქებაში: ვინაიდან კიდევაც რომ ამ მიზეზმა თავისი აქტუალური (actuelle) ან გაფორმებული (formelle) სინამდვილიდან არაფერი არ გადასცეს ჩემს იდეას, ამის გამო ვინმემ არ უნდა იფიქროს, რომ ეს მიზეზი ნაკლებ ნამდვილი უნდა იყოს, არამედ უნდა ვიცოდეთ შემდეგი: (რამდენადაც ყოველი იდეა არის გონების ნაყოფი, მისი ბუნება ისეთია, რომ იგი მოითხოვს თავისით (de soi) რაიმე სხვა ფორმალურ რეალობას, გარდა იმ რეალობისა, რომელსაც იგი იღებს და სესხულობს აზრისაგან ან გონებისაგან, რომლის მხოლოდ ერთ-ერთი სახეცვლილება (mode) არის იგი, ე. ი. არის აზროვნების რაღაც სახე ან ფორმა¹. მაშასადამე, რათა იდეა შეიცავდეს ამა თუ იმ ობიექტურ რეალობას უფრო მეტად, ვიდრე სხვას, მას უქველად უნდა ჰქონდეს იგი რაიმე მიზეზისაგან, რომელშიაც იმდენი ფორმალური რეალობა მაინც მოიპოვება, რამდენ ობიექტურ რეალობასაც შეიცავს ეს იდეა. ვინაიდან, თუ ჩვენ დავუშვებთ, რომ ამა თუ იმ იდეაში იმყოფება რაღაცა; რაც არ მოიპოვება მის მიზეზში, გამოვა, რომ ამ იდეას იგი მიუღია ჯარაობისაგან. მაგრამ, რაც უნდა უსრულო იყოს ეს ფორმა არსებობისა, რომლითაც საგანი არის ობიექტურად ან თავისი იდეის საშუალებით გონებაში წარმოდგენილად. ცხადია, რომ მაინც არ შეიძლება ითქვას, თითქოს არსებობის ეს ფორმა და სახე (façon et manière) არარა იყოს, და არც ის, მაშასადამე, თითქოს ეს იდეა ჩნდება არარაობისაგან. და მეც არ უნდა ვიფიქრო, რომ, რაკი რეალობა, რომელსაც მე ვამჩნევ ჩემს იდეებში, არის მხოლოდ ობიექტური, ამიტომ არ არის აუცილებელი, რომ იგივე რეალობა გაფორმებულად ან აქტუალურად იყოს ამ იდეების მიზეზებში, არამედ საკმარისია, რომ იგი იყოს მათში აგრეთვე ობიექტურად: ვინაიდან, ისე როგორც ობიექტურად არსებობის ეს ფორმა ეკუთვნ

¹ Une manière ou façon de penser.

წის იდეებს მათი საკუთარი ბუნებისაგან, სწორედ ამგვარადვე ფორმალურად არსებობის ფორმა ან წესი ეკუთვნის ამ იდეების მიზეზებსაც (ყოველ შემთხვევაში უპირველესებს და უმაჯრესებს) მათი საკუთარი ბუნებისაგან. (და თუმცა შესაძლებელია მოხდეს, რომ ერთი იდეა აჩენს მეორე იდეას, მაგრამ ეს მაინც არ შეიძლება იყოს უსასრულოდ, არამედ უნდა ბოლოს მიღწეულ იქნეს პირველ იდეამდე, რომლის მიზეზი იქნება ვითარცა პატრონი¹ ან ორიგინალი², სადაც მთელი ის რეალობა ან სისრულე, რომელიც იდეებში გვხვდება მხოლოდ ობიექტურად ან წარმოდგენით, მოთავსებულია გაფორმებულად და ნამდვილად. ამრიგად, ბუნებრივი სინათლე მაწვდის მე იმის ევიდენტურ ცოდნას, რომ იდეები ჩემში სურათებს ჩამოგავენ: ამ სურათებს სინამდვილეში ადვილად შეუძლია ჩამორჩებოდნენ იმ საგანთა სისრულეს, რომლებსაგან ისინი იყვნენ გადაღებულნი, მაგრამ არასოდეს არ შეიძლება, რომ ეს სურათები შეიცავდნენ რამე უფრო დიდს ან უფრო სრულს (ვიდრე საგნებია).³

და რაც უფრო ხანგრძლივად და ბეჯითად ვსინჯავ მე ყველა ამას, მით უფრო ნათლად და გარკვეულად ვიცი, რომ ეს ქეშმარიტია. მაგრამ ბოლოს რა დასკვნას გამოვიყვან მე ყველა ამისაგან? აი როგორს: თუ ობიექტური სინამდვილე ან სისრულე რომელიმე ჩემი იდეისა ისეთია, რომ მე მეცოდინება ნათლად, რომ ეს სინამდვილე ან სისრულე არ არის ჩემში არც გაფორმებულად, არც ემინენტურად, და რომ, მაშასადამე, მე თვითონ არ შემიძლია ვიყო მისი³ მიზეზი, აქედან აუცილებლად, ის გამომდინარეობს, რომ მე არ ვარ მარტოცა ამ ქვეყანაში, არამედ არის კიდევ რაღაც მეორე საგანი, რომელიც არსებობს და რომელიც არის ამ იდეის მიზეზი. პირიქით, თუ ჩემში არ არის სრულიად ასეთი იდეა, მე არ შექნება არავითარი საბუთი, რომელსაც შეეძლო დავეჯერებინე და ჩემთვის ცხადად ექცია ჩემ გარდა რაღაც სხვა საგნის არსებობა: მე

¹ Patron.

² Original.

³ ობიექტური სისრულის (მთარგმნ. შენ.).

ხომ ყველა ასეთი ბეჯითად გამოვიძიე და ამ უამამდე სხვ ვერ მიპოვნია.

ყველა იდეას შორის, რომლებიც ჩემშია, გარდა იმ იდეისა რომელიც ჩემს თავს აძლევს ისევე ჩემი თავის წარმოდგენას და რომლის შესახებ არ შეიძლება რაიმე სიძნელე იყოს, არის კიდევ იდეა, რომელიც მე წარმომადგენს ღმერთს; სხვები წარმომიდგენენ სხეულის მქონე და უსულო საგნებს; კიდევ სხვები—ანგელოზებს; კიდევ სხვები—ცხოველებს; და ბოლოს არიან ისეთ იდეები, რომლებიც მე წარმომიდგენენ ჩემს შსავას ადამიანებს რაც შეეხება იმ იდეებს, რომლებიც წარმოადგენენ სხვა ადამიანებს, ან ცხოველებს, ან ანგელოზებს, მე ადვილად ვწვდები, რომ ეს იდეები შესაძლებელია შექმნილი იყვნენ იდეების შერევით ან შეთავსებით, რომლებიც მაქვს მე სხეულის მქონე საგნებზე და ღმერთზე—იმ შემთხვევაშიც კი, რომ ჩემ გარეშე არ არსებულყო ქვეყანაზე კრავითარი სხვა ადამიანი, არც ცხოველი, არც ანგელოზი. ხოლო რაც შეეხება სხეულის მქონე საგანთა იდეებს, მე არაფერს ვამჩნევ მათში ისეთ დიადს და გამოჩენილს, რაც, ჩემი შეხედულებით, არ შეიძლება ბოდა თვითონ ჩემგან ყოფილიყო წარმოქმნილი. კვინაიდან, თუ მათ მე ახლო დავაკვირდები და გავსინჯავ იმავე წესით რომლითაც გუშინ ვსინჯავდი სანთლის იდეას, მე დავინახავ, რომ იქ ძალიან ცოტა რამ მოიპოვება ისეთი, რასაც მე ნაძვლად და გარკვეულად ვწვდებოდე: ასეთებია, სახელდობრ სიდიდე, ან უკეთ, განფენილობა სიგრძის, განის და სიღრმის მიმართულებით, მოყვანილობა, რომელიც ამ განფენილობა დაბოლოების შედეგია, მდგომარეობა, რომელიც სხვად სხვანაირად მოყვანილ სხეულებს უჭირავთ ერთმანეთის მიმართ, და მოძრაობა ან ამ მდგომარეობის გამოცვლა. ამათ შეიძლება დამატოს სუბსტანცია, გრძეობა¹ და რიცხვ რაც შეეხება სხვას (მაგალითად, სინათლეს, ფერებს, ბგერებს, სუნს, გემოს, სითბოს, სიცივეს და სხვა თვისებებ რომლებიც შეხებით შეიცნობიან), ყველაფერი ეს ჩემს აზრო

¹ La durée.

ნებაში წარმოდგება ისე ბნელად და ბუნდოვნად, რომ მე ისიც კი არ ვიცი, ჭეშმარიტია ესენი თუ ყალბი, ე. ი. არ ვიცი, ის იდეები, რომლებიც მე შემიდგენია ამ თვისებათა შესახებ. ნამდვილად რალაც რეალურ საგანთა იდეებია, თუ ეს იდეები წარმომიდგენენ მე ქიმერულ კმნილებებს, რომლებიც არ შეიძლება არსებობდნენ. ვინაიდან, თუმცა მე ამაზე წინ შევნიშნე, რომ მხოლოდ მსჯელობაში შეიძლება იყოს ნამდვილი და გაფორმებული¹ სიყალბე, მაგრამ მაინც წესამდლებელია, რომ იდეებში იმყოფებოდეს ერთგვარი მატერიალური სიყალბე², სახელდობრ, იმ შემთხვევაში, როდესაც ისინი იმას, რაც არ არის, იმნაირად წარმოადგენენ, თითქოს იგი რალაც იყოს. მაგალითად, იმ იდეებს, რომლებიც მაქვს მე სიცივისა და სითბოს შესახებ, იმდენად მცირე სინათლე და გარკვეულობა ახასიათებს, რომ მათ არ შეუძლიათ მასწავლონ, სიცივე არის მხოლოდ სითბოს დანაკლისი³, თუ სითბო არის მხოლოდ სიცივის დანაკლისი; ე. ი. სიცივე და სითბო რეალური თვისებებია, თუ ისინი ასეთები არ არიან. რამდენადაც იდეები სურათების მაგვარია, არ შეიძლება მათ შორის იყოს ისეთი, რომელიც ჩვენ არ გვეჩვენებოდეს რალაც საგნის წარმოდგენად. თუ ჭეშმარიტია იმის თქმა, რომ სიცივე სხვა არაფერია, თუ არა სითბოს დანაკლისი, მაშინ არ იქნება უმართებულო, რომ იმ იდეას, რომელიც მე სიცივეს წარმომიდგენს როგორც რალაც რეალურსა და პოზიტიურს, ეწოდოს ყალბი, და ასე სხვებსაც. მაგრამ, სიმართლე რომ ითქვას, არ არის აუცილებელი, რომ მე მათთვის ჩემ გარეშე სხვა გამჩენი ვეძიო: ვინაიდან, თუ ისინი ყალბია, ე. ი. თუ ისინი წარმოადგენენ არარსებულ საგნებს, ბუნებრივი სინათლე მაწვდის მე იმის ცოდნას, რომ ისინი არარაობისაგან მოდიან, ე. ი. ისინი მხოლოდ იმის გამო არიან ჩემში, რომ ჩემს ბუნებას რალაც აკლია და იგი არ არის სავსებით სრული; თუ კი ეს იდეები ჭეშმარიტია, მე მაინც არ მესმის, რატომ

¹ Formelle.

² Fausseté materielle.

³ Privation.

არ შეიძლება, რომ მე ვყოფილიყავი მათი გამჩენი, რაკი ისინი მაჩვენებენ მე იმდენად შვირე რეალობას, რომ მე არ შემიძლია წარმოდგენილი საგანი გავარჩიო არარაობისაგან.

რაც შეეხება ნათელსა და გარკვეულ იდეებს, რომლებიც მაქვს მე სხეულის მქონე საგნებისაგან, მათ შორის ზოგიერთს, როგორც მე მეჩვენება, შეედლო გაჩენა იმ იდეისაგან, რომელიც მე მაქვს თვითონ ჩემს შესახებ; ასეთებია, მაგალითად, ის იდეები, რომლებიც მაქვს მე სუბსტანციის, გრძეობის, რიცხვის და სხვა მათ მსგავსთა შესახებ. ვინაიდან, როდესაც მე ვფიქრობ, რომ ქვა არის სუბსტანცია, ან უკეთესად, საგანი, რომელსაც თავისით შეუძლია იარსებოს, და რომ მე თვითონ აგრეთვე ვარ სუბსტანცია, მაშინ, თუმცა მე ჭარბად მესმის, რომ მე ვარ მოაზროვნე და არა განუფენილი საგანი, ხოლო ქვა, წინააღმდეგ ამისა, არის განუფენილი და არა მოაზროვნე საგანი, და, მაშასადამე, ამ ორ ცნებას¹ შორის არის მნიშვნელოვანი განსხვავება,—ისინი მაინც, როგორც ჩანს, ეთანხმებიან ერთმანეთს იმ მუხლში, რომ ორივენი წარმოდგენენ სუბსტანციებს. ამნაირადვე, როდესაც მე ვფიქრობ, რომ მე ვარ ამჟამად, რომ მე მახსოვს, რომ ამის გარდა სხვა დროსაც ვყოფილვარ, რომ მე მაქვს მრავალი სხვადასხვანაირი აზრი, რომლების რიცხვიც მე ვიცი,—მაშინ მე ჩემში ვიძენ გრძეობის და რიცხვის იდეებს, რომლებიც შემდეგ ჩემი სურვილისამებრ მე შემიძლია გადავიტანო ყველა სხვა საგანზედაც. რაც შეეხება სხვა თვისებებს, რომლებისაგანაც შედგენილია სხეულის მქონე საგანთა იდეები, სახელდობრ, განუფენილობას, მოყვანილობას² და მოძრაობას, მართალია, ესენი ფორმალურად³ არაა ჩემში, ვინაიდან მე ხომ ვარ მხოლოდ მოაზროვნე საგანი, მაგრამ, რამდენადაც ისინი სუბსტანციის ესა თუ ის სახეცვლილებებია⁴ და სხვა არაფერი და რამდენადაც მე თვითონ ვარ სუბსტანცია, მათ, როგორც ჩანს, შეუძლიათ ჩემში ემინენტურად (éminemment) იყვნენ.

¹ Conceptions.

² La figure.

³ Formellement.

⁴ Certaines modes de la substance.

ამრიგად, რჩება მხოლოდ ერთი იდეა, სახელდობრ ღმერთის იდეა, რომელიც განხილული უნდა იქნეს, რათა გავიგოთ, ხომ არ არის ამ იდეაში ისეთი რამ, რასაც არ შეუძლია თვით ჩემგან მომდინარეობდეს. ღმერთის სახელწოდების ქვეშ მე მესმის უსაზღვრო (infinie), მარადიული, უძრავი, ~~დამოუკიდებელი, ყოვლისმცოდნე¹, ყოვლისშემძლე~~ სუბსტანცია, რომლის მიერ გაჩენილი და შექმნილი ვარ მე თვითონ და ყველა სხვა არსებული საგანი (თუ ქეშმარიტია, რომ მათ შორის არიან ისეთები, რომლებიც არსებობენ). მაგრამ ეს უპირატესობანი იმდენად დიდი და იმდენად ამაღლებულია (éminents), რომ, რაც უფრო მეტი ყურადღებით ვაკვირდები მათ, მით უფრო ნაკლებად დასაჯერებლად მიმაჩნია, რომ იდეა, რომელიც მაქვს მე ღმერთის შესახებ, შესაძლებელია წარმოშობილიყო — მხოლოდ ჩემგან, და, მაშასადამე, საკიროა აუცილებლად ყველა ამისაგან დაეასკვნათ ის, რაც ზევით ვთქვი, — რომ ღმერთი არსებობს. ვინაიდან, თუმცა სუბსტანციის იდეა არის ჩემში უკვე იმის გამო, რომ მე ვარ სუბსტანცია, მე მაინც არ მექნებოდა უსაზღვრო სუბსტანციის იდეა (რამდენადაც მე ვარ განსაზღვრული არსება), თუ ეს იდეა არ იქნებოდა ჩემში ჩადებული რომელიმე მართლაც უსაზღვრო სუბსტანციის მიერ.

და მე არ უნდა ვფიქრობდე, თითქოს უსაზღვროს მე ვწვდებოდე არა ქეშმარიტი იდეის საშუალებით, არამედ იმის უარყოფით მხოლოდ, რაც განსაზღვრულია, — აი ისე, როგორც მე ვწვდები უძრაობას და სიბნელეს მოძრაობისა და სინათლის უარყოფით. ვინაიდან მე, პირიქით, აშკარად ვხედავ, რომ უსაზღვრო სუბსტანციაში მეტია რეალობა, ვიდრე განსაზღვრულ სუბსტანციაში, და, მაშასადამე, მე რალაცნაირად მაქვს უწინარესად უსაზღვროს ცნება, ვიდრე განსაზღვრულისა, ე. ი. ღმერთის ცნება, ვიდრე ჩემი თავისა. მართლაცდა, როგორ შემეძლო მე მცოდნოდა, რომ მე ვეპყობ და

¹ Toute connoissance — საესებით ცოდნა, სრული ცოდნა, აბსოლუტური ცოდნა.

რომ მე მსურს, ე. ი. რომ მე მაკლია რაღაცა და არ ვარ მთლად სრული, თუ მე ჩემში არ მექნებოდა არავითარი იდეა ჩემს არსზე უფრო სრული არსის შესახებ, რომელთანაც შედარების საშუალებით მე შევიტყობდი ჩემი ბუნების ნაკლოვანებებს?

არ შეიძლება ითქვას, რომ შესაძლებელია ეს იდეა ღმერთისა მატერიალურად ყალბი იყოს და რომ მე, მაშასადამე, შემეძლო მისი მიღება არარაობისაგან, ე. ი. რომ ეს იდეა იმის გამო არის ჩემში, რომ მე რაღაც მაკლია,—აი ისე, როგორც წელან ითქვა სითბოს და სიცივის და მათ მსგავს სხვა საგანთა შესახებ. პირიქით, ვინაიდან ეს იდეა ფრიად ნათელი და ფრიად გარკვეულია და შეიცავს თავის თავში მეტ ობიექტურ რეალობას, ვიდრე სხვა რომელიმე ამიტომ არ არსებობს სხვა იდეა, რომელიც უფრო ქეშმარიტი იყოს და რომელიც მასზე ნაკლებ ექვემდებარება იწვევდეს თავის მცდარობასა და სიყალბეში.

ეს იდეა უაღრესად სრული და უსაზღვრო არსისა, ვაძვებ მე, სავსებით ქეშმარიტია, ვინაიდან, თუმცა მე ეგების შემეძლოს ვიფიქრო, რომ ასეთი არსი არ არსებობს სრულიად, მაგრამ შეუძლებელია ვიფიქრო, რომ მისი იდეა არ წარმოადგენს არაფერს რეალურს, აი როგორც ეს წელან ითქვა სიცივის იდეის შესახებ. ეს იდეა არის აგრეთვე ფრიად ნათელი და ფრიად გარკვეული, რადგან ყველაფერი რეალური და ქეშმარიტი, რასაც კი ჩემი გონება წვდება ნათლად და გარკვეულად და რაც თავის თავში შეიცავს რაიმე სისრულეს, მოცემულია და იმყოფება სულ მთლად ამ იდეაში. და ეს ქეშმარიტება არ ირღვევა იმის გამო, რომ მე ჩემს შემეცნებაში ვერ ვიტევ¹ უსაზღვროს, ხოლო ღმერთში უსაზღვროდ მრავალი რამ არის ისეთი, რის გაგება მე არ ძალმიძს და რასაც არც შენიძლია აზრით შევეხო როგორმე უსაზღვროს ბუნებიდან გამომდინარეობს, რომ მე, რომელიც განსაზღვრული ვარ, არ შემიძლია იგი შემეცნებით მოვიც-

¹ Comprenne.

ვა¹, და საკმარისია, რომ ნე კარგად მესმოდეს ეს და ვცნობდე იმას, რომ ყოველი საგანი, რომელსაც ვწვდები ნათლად და რომელსაც, რამდენადაც ვიცი, აქვს რაიმე სისრულე და, შესაძლებელია, მრავალი კიდევ სხვა ისეთი სისრულე, რომელსაც ვერ ვწვდები, იმყოფება ღმერთში ან ფორმალურად, ან ემინენტურად, — საკმარისია ყველა ამას ვცნობდე, რათა იდეა, რომელიც მე მაქვს ღმერთის შესახებ, იყოს ჩემს გონებაში არსებულ ყველა სხვა იდეაზე უფრო ჭეშმარიტი, ნათელი და გარკვეული.

მაგრამ შესაძლებელია აგრეთვე, რომ მე ვიყო რალაც იმაზე მეტი, ვიდრე ზე ვფიქრობ ჩემს თავზე, და ყოველი სისრულე, რომელსაც მე ღმერთის ბუნებას მივაწერ, იყოს ჩენში როგორმე პოტენციალურად მოცემული, მიუხედავად იმისა, რომ ეს სისრულენი ჯერ კიდევ არ წარმოქმნილან და არ გამოქვლიან თავის მოქმედებათა საშუალებით. მართლაცდა. მე უკვე მაქვს ხომ გამოცდილი, რომ ჩემი ცოდნა იზრდება და სრულდება ნელ-ნელა, და მე არ ვამჩნევ არაფერს ისეთს, რასაც შეუძლია იგი დააბრკოლოს და არ მისცეს საშუალება გაიზარდოს ამნაირად თანდათან უსასრულობამდე. არც იმას ვამჩნევ, რატომ არ შემეძლება მე, თუ ჩემი ცოდნა ისე გაიზრდება და განსრულდება, მისი საშუალებით შევიძინო ღვთაებრივი ბუნების ყოველი სხვა სისრულე. დაბოლოს, მე არ ვიცი, რატომ ის ძალა, რომელიც მაქვს ამ სისრულეთა შესაძენად (თუ კი სწორია, რომ ასეთი ძალა ანებად მოიპოვება ჩემში), არ იქნებოდა საკმარისი იმისათვის, რომ წარმოშვას შათ შესახებ იდეები. მიუხედავად ყველა ამისა, როდესაც ვაკვირდები საკითხს უფრო ახლოს, ჩემთვის ცხადი ხდება, რომ ეს არ შეიძლება იყოს და აი რატომ: ჯერ ერთი, მართალიც რომ იყოს ის, რომ ჩემი ცოდნა ყოველდღე უფრო და უფრო მეტს სისრულეს იძენს და რომ ჩემს ბუნებაში პოტენციალურად მოცემული იყოს ბევრი რამ ისეთი, რაც მასში აქტუალურად ჯერ კიდევ არ არსებობს, მაინც ყველა ეს უპირა-

¹ Comprendre.

ტესობა არც ეკუთვნის და არც უახლოვდება არავითარი ვხით იმ იდეას, რომელიც მაქვს მე ლეთაების შესახებ და რომელშიაც არაფერი არ არის მხოლოდ პოტენციალურად, არამედ ყველაფერი არის აქტუალურად და ნამდვილად¹. და განა თვითონ ის გარემოება, რომ ჩემი ცოდნა იზრდება ნელ-ნელა და დიდდება თანდათან, საფეხურებრივ, ჩემი შემეცნების უსრულობის უტყუარი და ფრიად სანდო საბუთი არ არის? კიდევ მეტი: ჩემი შემეცნებაც რომ უფრო და უფრო დიდდებოდეს, მაინც მე არ მრჩება შეუმჩნეველი, რომ იგი ვერ იქცევა აქტუალურად უსაზღვროდ, ვინაიდან იგი ვერასოდეს ვერ მიაღწევს ისეთი სიმალლის სისრულეს, რომ მას დაეკარგოს შესაძლებლობა კიდევ უფრო გაიზარდოს მაგრამ ღმერთი მე მესმის, როგორც აქტუალურად უსაზღვრო ისეთ მაღალ საფეხურამდე, რომ შეუძლებელია რამე მიემატოს იმ უზენაეს სისრულეს, რომელიც მას აქვს. და, დაბოლოს, მე ძალიან კარგად მესმის, რომ ამა თუ იმ იდეის ობიექტური არსი² შეიძლება იყოს წარმოშობილი არა ისეთი არსით, რომელიც არსებობს მხოლოდ შესაძლებლობაში, რაც, ზუსტად რომ ითქვას, არაფერია,—არამედ მხოლოდ გაფორმებული ან აქტუალური არსით.

ცხადია, ყველა იმაში, რაც ახლა ითქვა, მე არ ვხედავ არაფერს, რისი შეცნობაც ძალიან ადვილი არ იყოს ბუნებრივი სინათლის საშუალებით, თუკი მოვისურვებთ ამის შესახებ ბეჯითად ვიფიქროთ. მაგრამ, როდესაც მე რამეს გავუშვებ ყურადღებიდან, ჩემს გონებას, დაბნელებულს და თითქოს დაბრმავებულს გრძნობისეულ საგანთა სახეებით, არ ახსენდება ადვილად იმის საბუთი, თუ რატომ უნდა იდეს, რომელიც მაქვს მე ჩემზე უფრო სრულ არსებაზე, აუცილებლად იყოს ჩემში ჩადებული ისეთი არსის მიერ, რომელიც არის ჩემზე უფრო სრული. აი ამიტომ მე მინდა გავცდე ნათქვამს და განვიხილო, განა [მე თვითონ, რომელსაც მაქვს ასეთი იდეა ღმერთისა, შემეძლო არსებობა იმ შემთხვევაში, რომ

¹ Actuellement et en effet.

² L' être objectif.

ღმერთი სრულიად არ არსებულებოდა. საკითხავია, ვისგან მექნებოდა მე ჩემი არსებობა მიღებული. იქნებ თვითონ ჩემი თავისაგან, ან ჩემი მშობლებისაგან, ან კიდევ ღმერთზე ნაკლებად სრული რაიმე სხვა მიზეზებისაგან, ვინაიდან შეუძლებელია რომ წარმოვიდგინოთ ღმერთზე უფრო სრული და თვით მისი თანასწორი საგანი? მაგრამ, მე რომ ვყოფილიყავ ყველაფრისაგან დამოუკიდებელი და თვითონ ვყოფილიყავ ჩემი არსების შემქმნელი, მაშინ მე არათერაში არ დავექვდებოდი, არ მექნებოდა არავითარი სურვილი და, ბოლოს, არ ვიქნებოდი მოკლებული არავითარ სისრულეს, ვინაიდან მე ჩემს თავს თვითონ მივცემდი ყოველ სისრულეს, რომლის იდეაც კი გამაჩნია, და ამრიგად მე ვიქნებოდი ღმერთი: და მე არ უნდა ვიფიქრო, თითქოს ის, რაც მე მაკლია, უფრო ძნელად მოსაპოვებელი იყოს, ვიდრე ის, რაც მე უკვე მაქვს: პირიქით, ცხადზე უცხადესია, ბევრად უფრო ძნელი იყო, რომ მე, ე. ი. მოაზროვნე საგანი ან სუბსტანცია, არარაობისაგან ვყოფილიყავ წარმომდგარი, ვიდრე მრავალ საგანთა შესახებ იმ ცოდნის შეძენა, რომელიც მე მაკლია და რომელიც ამ სუბსტანციის აქციდენციებია და სხვა არათერი. და უეჭველია, მე რომ მიმენიჭებია ჩემთვის ის ნეტი, რის შესახებაც ახლა ითქვა, ე. ი. მე რომ თვითონ ვყოფილიყავი ჩემი თავის შემქმნელი, მე ჩემს თავს ყოველ შემთხვევაში არ დავაკლებდი იმას, რაც უფრო ადვილად შეიძინება, როგორცაა უამრავი ცოდნა, რომელსაც ჩემი ბუნება მოკლებულია. მე არ დავაკლებდი ჩემს თავს არათერს სხვასაც, რაც, ჩემი შეხედულებით, მოიპოვება ღმერთის იდეაში, ვინაიდან არათერია იქ ისეთი, რაც, ჩემი აზრით, უფრო ძნელად იყოს შესაძენი ან გასაკეთებელი; და რომ რამე იყოს უფრო ძნელი, უეჭველია, ის მე ასეთადაც მომეჩვენებოდა (იმ პირობით, რომ მე ჩემგან მქონებოდა მიღებული ყველაფერი სხვა, რაც მე მაქვს), ვინაიდან მე დავინახავდი ამაში ჩემი ძლიერების განსაზღვრულობას. და თუმცა მე შემიძლია ვიფიქრო, რომ შესაძლებელია მე მარად ვიყავი, როგორც ამჟამადაც ვარ, მაგრამ ამით მე ვერ ავი-

ცილებდი ამ მსჯელობის ძალას, და მრჩება ის ცოდნა, რომ აუცილებელია ღმერთი იყოს ჩემი არსებობის შემქმნელი. ჩემი ცხოვრების მთელი დრო შეიძლება გაყოფილ იქნეს უსაზღვროდ მრავალ ნაწილებად, რომელთაგან არც ერთი არ არის არავითარი წესით სხვებისაგან დამოკიდებული, და ამრიგად იმისაგან, რომ ამაზე წინ მე ვარსებობდი, არ გამომდინარეობს, რომ ახლაც უნდა ვარსებობდე, თუ კი ამ წუთს არ არის რაიმე მიზეზი, რომელიც მე წარმოშობს და მქმნის, ათე ვთქვათ, ხელახლა, ე. ი. მე მიცავს¹. მართლაც, იმათთვის, ვინც დროის ბუნებას დააკვირდება, ეს სრულიად ნათელი და სრულიად ცხადია, რომ სუბსტანციას, რათა იგი დაცულ იქნეს ყველა წუთში, რომლების განმავლობაშიც არსებობს, სჭირია იგივე ძალა და იგივე მოქმედება, რომლებიც საჭირო იქნებოდა მის ხელახლა წარმოსაშობად და შესაქმნელად იმ შემთხვევაში, რომ იგი არ არსებულყო. ასე რომ, როგორც ამას ბუნებრივი სინათლე ჩვენ ნათლად გვიჩვენებს, დაცვა² და შექმნა³ განსხვავებებიან ურთიერთშორის მხოლოდ ჩვენი აზროვნების წესის მიმართ და არა სინამდვილეში. მაშასადამე, საკმარისია აქ მხოლოდ დავკითხო ჩემს თავს და მოვითათბირო მასთან, რათა დავინახო, მაქვს თუ არა რაიმე ძალა ან უნარი, რომლის საშუალებითაც შემეძლოს ექნა ისე, რომ მე, რომელიც ახლა ვარსებობ, ერთი წუთის შემდეგაც ვარსებობდე კიდევ. ვინაიდან, რაკი მე არაფერი ვარ სხვა, თუ არა საგანი, რომელიც აზროვნებს (ან, ყოველ შემთხვევაში, რაკი აქამდე სწორედ ჩემი თავის მხოლოდ ამ ნაწილზე არის ლაპარაკი), იმ შემთხვევაში, რომ ასეთი ძალა ყოუილიყო ჩემში, მე უეჭველად მექნებოდა მის შესახებ რაიმე წარმოდგენა მაინც. მაგრამ მე არ ვამჩნევ ჩემში არავითარ ასეთ ძალას და აქედან მე ვიცი ცხადად⁴, რომ დამოკიდებული ვარ ჩემგან განსხვავებული რაღაც არსისაგან.

¹ Me conserve.

² La conservation.

³ La création.

⁴ Évidement.

| მაგრამ შეიძლება ის არსი, რომლისაგანაც ვარ მე და-
 მოკიდებული, არ იყოს ღმერთი, და მე შექმნილი ვიყო ან
 ჩემი მშობლებისაგან, ან რაიმე სხვა მიზეზებისაგან, რომლებ-
 საც ღმერთზე ნაკლები სისრულე აქვთ? მაგრამ ეს შეუძლე-
 ბელია, ვინაიდან, როგორც უწინ ითქვა, ცხადზე უცხადესია,
რომ მიზეზში იმდენი რეალობა მაინც უნდა იყოს, რამდენიც
მის შედეგშია. მაშასადამე, რაკი მე ვარ საგანი, რომელიც
 აზროვნებს და რომელსაც აქვს თავის თავში რაღაც იდე-
 ღმერთისა, როგორიც ბოლოს არ უნდა იყოს ჩემი არსის მი-
 ზეზი, აუცილებლად საჭიროა ვალიაროთ, რომ ეს მიზეზი
 არას აგრეთვე საგანი, რომელიც აზროვნებს და რომელსაც
 აქვს თავის თავში ყველა იმ სისრულის იდეა, რომელსაც მე
 ღმერთს მივაწერ. შემდეგ შესაძლებელია კვლავ გამოვიძიოთ,
 თავისი თავისაგან აქვს ამ მიზეზს თავისი წარმოშობა და
 თავისი არსებობა, თუ რაიმე სხვა საგნისაგან: ვინაიდან, თუ
 მას იგი აქვს თავისი თავისაგან, მაშინ იმ საბუთების გამო,
 რომლებიც ზემოთ იყო მოყვანილი, განომდინარეობს, რომ ეს
 მიზეზი არის ღმერთი, იმიტომ რომ, რამდენადაც მას აქვს
 უნარი თავისით იყოს¹ და იარსებოს², მას უნდა გააჩნდეს
 უქვევლად აგრეთვე ძალა—აქტუალურად ჰქონდეს ყველა ის
 სისრულე, რომლის შესახებაც მას აქვს თავის თავში იდეა,
 ე. ი. ყველა ის სისრულე, რომელიც, ჩემი შემეცნებით, არის
 ღმერთში. თუ კი მას თავისი არსებობა ნიღბული აქვს რაი-
 მე სხვა საგნისაგან და არა თავის თავისაგან, მაშინ კვლავ,
 იმავე საბუთების განო, საკითხავია ამ მეორე მიზეზის შესა-
 ხებაც, არის იგი თავისით თუ სხვისით, და ასე შემდეგ მანამ-
 დე, სანამ ერთი საფეხურიდან მეორე საფეხურზე გადასვლით
 ჩვენ არ მივალწევთ უკანასკნელ მიზეზს, რომელიც იქნება
 ღმერთი. და ფრიად ნათელია, რომ ამ საკითხში შეუძლებე-
 ლია ადგილი ჰქონდეს პროგრესს უსასრულომდე, ვინაიდან
 აქ ლაპარაკია არა იმდენად იმ მიზეზზე, რომელმაც შემქმნა

¹ Être.

² Exister.

მე ოდესღაც, რამდენადაც იმ მიზეზზე, რომელიც მე ამჟამად მიცავს (conserve).

არ შეიძლება აგრეთვე ვიფიქროთ, რომ ჩემი წარმოშობა იყო შედეგი მრავალი მიზეზის შეერთებული თანამოქმედებისა და რომ მე ერთი მიზეზისაგან მივიღე იდეა ერთ-ერთი იმ სისრულისა, რომელსაც ზივანწერ ღმერთს, ხოლო მეორე მიზეზისაგან მივიღე მეორე რომელიმე სისრულის იდეა, ასე რომ ყველა ეს სისრულე მართლაც მოიპოვება როგორმე სამყაროს¹ სხვადასხვა ნაწილში, მაგრამ არ არის თავმოყრილი და შეერთებული მხოლოდ ერთ საგანში, რომელიც უნდა იყოს ღმერთი. პირიქით, ერთობა², სიმარტივე³ და გამოუყოფლობა⁴ ყველა იმისა, რაც ღმერთშია, არის ერთ-ერთი იმ მთავარ სისრულეთა შორის, რომელნიც, ჩემი გაგებით, მოიპოვებიან ღმერთში. და ცხადია, რომ ღმერთის ყველა სისრულეთა ამ ერთობის იდეა არ შეეძლო ჩემში ჩაედვა არც ერთ ისეთ მიზეზს, რომლისაგანაც არ შექნებოდა მე მიღებული აგრეთვე ყველა სხვა სისრულის შესახებ იდეები, ვინაიდან ამ მიზეზს არ შეეძლო ხომ გაეკეთებია ის, რომ მე შემძლებოდა შემეცნო ყველა სისრულის ერთობა და გამოუყოფლობა, და ამავე დროს არ გაეკეთებია ის, რომ მე მცოდნოდა, რანი არიან ეს სისრულენი, და შემეცნო ყველა ესენი რამენაირად.

დაბოლოს, რაც შეეხება ჩემს მშობლებს, რომლებსაგან, როგორც ჩანს, უნდა ვიყო დაბადებული, საჭიროა ითქვას შემდეგი: კიდევაც რომ მართალი იყოს ყველაფერი, რაც მე ამის შესახებ დამიჯერებია, აქედან არ გამომდინარეობს მაინც ის, რომ სწორედ მშობლები მიცავენ მე, და თვით ისიც კი არ გამომდინარეობს, რომ მშობლებმა გამაჩინეს მე, როგორც მოაზროვნე არსება, ვინაიდან არავითარი კავშირი არ არის იმ სხეულებრივ მოქმედებას შორის, რომლის სა-

¹ L'univers.

² L'unité.

³ La simplicité.

⁴ L'inséparabilité.

შუალებითაც, როგორც ეს ჩვეულებისამებრ მჯერა მათ მე დამბადეს, და ამგვარი სუბსტანციის წარმოშობას შორის, არამედ გამომდინარეობს იმაზე არა მეტი, რომ ჩემმა მშობლებმა ხელი შეუწყვეს ჩემს დაბადებას და მათ ერთგვარი განწყობილებები შეიტანეს იმ მატერიაში, რომელშიაც, როგორც მე აქამდე მეგონა, ჩაკეტილია ჩემი მე, ე. ი. ჩემი გონება, ვინაიდან ახლა მე ვფიქრობ, რომ მხოლოდ ჩემი გონება არის ჩემი მე. მაშასადამე, აქ შეუძლებელია მათ შიშართ რაიმე სინინელე, არამედ საჭიროა აუცილებლად იმ დასკვნის გამოყვანა, რომ უკვე მხოლოდ იმით, რომ მე ვარსებობ და რომ ჩემში იმყოფება უაღრესად სრული არსების, ე. ი. ღმერთის, იდეა, სავსებით ცხადად დამტკიცებულია ღმერთის არსებობა.

მრჩება განსახილველად მხოლოდ ერთი საკითხი, თუ როგორ მივიღე მე ეს იდეა, ვინაიდან მე იგი არ მიმიღია გრძნობათა საშუალებით და არასოდეს იგი არ წარმომდგარა ჩემ წინაშე ჩემი მოლოდინის წინააღმდეგ—აი ისე, როგორც ჩვეულებრივ წარმომიდგება ხოლმე გრძნობისეული საგნის იდეა, როდესაც ეს საგანი დგება (ან ჩანს, რომ დგება) გრძნობათა ვარეგანი ორგანოების წინაშე. გარდა ამისა, ღმერთის იდეა არ არის ჩემი გონების წინინდა ნაყოფი ან ფიქცია, ვინაიდან მე არ შემიძლია მას რამე მოვაკლო ან მივუმატო. მაშასადამე, მხოლოდ ისლა უნდა ითქვას, რომ ეს იდეა დაბადებული და წარმოშობილია ჩემთან ერთად იმ დროსვე, როდესაც მე ვიყავი შექმნილი, ისე როგორც ჩემი საკუთარი თავის იდეაც ასეთივეა. და მართლაც, არ უნდა გვეუცხოოს, რომ ღმერთმა, როდესაც იგი მე მქმნიდა, ჩამიღვა მე ეს იდეა, რათა იგი ყოფილიყო ნიშანი, რომელსაც ოსტატი დააკრავს ხოლმე თავის ნაწარმოებს. და არ არის აგრეთვე აუცილებელი, რომ ეს ნიშანი იყოს თვით ამ ნაწარმოებისგან განსხვავებული რაღაც საგანი, არამედ უკვე იმ საბუთის გამო, რომ ღმერთმა მე შემქმნა, ძალიან სარწმუნოა, რომ მან მე შემქმნა რაღაცნაირად თავისი სახის

¹ ე. ი. მშობლების (მთარგმნ. შენ.).

მსგავსად ¹ და რომ მე ვწვდები ამ მსგავსებას, რომელშიაც იმყოფება ღმერთის იდეა, იმავე ნიჭიერების საშუალებით, რომლითაც მე ვწვდები ჩემს საკუთარ თავს, ე. ი., როდესაც მე ვაზროვნებ ჩემს თავზე, მე მხოლოდ ის კი არ ვიცი, რომ მე ვარ ნაკლოვანი, უსრულო და სხვისაგან დამოკიდებული საგანი, რომელიც მუდამ ელტვის რაღაც უფრო კარგს და უფრო დიდს, ვიდრე მე ვარ, არამედ ისიც ვიცი ამავე დროს, რომ იმას, ვისგანაც მე ვარ დამოკიდებული, აქვს თავის თავში ყველა ის დიადი რამ, რასაც მე ველტვი და რის შესახებაც მე ჩემში ვპოულობ იდეებს (აქვს არა გაურკვეველად ² და მხოლოდ შესაძლებლობაში, არამედ ნამდვილად ³, აქტუალურად და უსაზღვროდ ⁴) და რომ ამრიგად ის არის ღმერთი. (მთელი ძალაც იმ საბუთისა, რომელიც მე აქ გამოვიყენე ღმერთის არსებობის დასამტკიცებლად, მდგომარეობს იმის აღიარებაში, რომ შეუძლებელი იქნებოდა ჩემი ბუნება ისეთივე ყოფილიყო, როგორიც არის ის (ე. ი. მე მქონებოდა ჩემში ღმერთის იდეა), რომ ღმერთი ნამდვილად არ არსებულებოდა, აი ის ღმერთი (ვამბობ მე), რომლის იდეაც არის ჩემში (ე. ი. რომელსაც აქვს ყველა ის მაღალი სისრულე, რის შესახებ ჩვენს გონებას შეუძლია ჰქონდეს ზერელე იდეა, თუმცა არ ძალუძს სავსებით მოიცვას ⁵ იგი), რომელიც არავითარ ნაკლოვანებას არ ექვემდებარება და რომელსაც არ აქვს არაფერი, რაც საგანთა რაიმე უსრულობას აღნიშნავს აქედან კი საკმაოდ ცხადია, რომ ღმერთი არ შეიძლება მატყუარა იყოს, ვინაიდან ბუნებრივი სინათლე გვასწავლის რომ მატყუარობა აუცილებლად დამოკიდებულია რაიმე ნაკლოვანებისაგან.

მაგრამ, ვიდრე მე ამას უფრო ბეჯითად გავსინჯავდე და ვიდრე გადავიღოდე ამ ქეშმარიტებისაგან მისაღებ სხვა ქეშ-

¹ A son image et semblance.

² Indéfiniment.

³ En effet.

⁴ Infiniment.

⁵ Comprendre.

მარიტებათა განხილვაზე, მე მიზანშეწონილად მიმაჩნია შეეჩერდე ამ უაღრესად სრული ღმერთის ჰერეტიკაზე (contemplation), ავწონ-დავწონო აუჩქარებლად მისი საკვირველი ატრიბუტები, აღფრთოვანებით ვუცქირო და ვეთაყვანო ამ უზომო სინათლის შეუდარებელ მშვენიერებას—ყოველ შემთხვევაში იმდენად ნაინც, რამდენადაც ამის შესაძლებლობას მომცემს მე ძალა ჩემი გონებისა, რომელიც თითქოს დაბრმავებულია ასეთი საგნით. რამდენადაც სარწმუნოება გვასწავლის, რომ საიქიო ცხოვრების უმაღლესი ნეტარება შედგება ღვთაებრივი დიდების ჰერეტიკაში, ამდენად ჩვენ ახლავე განვიცდით, რომ ამგვარი ფიქრები¹, თუმცა ისინი შეუდარებლად უფრო ნაკლებად არიან სრული, გვაძლევენ უდიდეს კმაყოფილებას, რომელიც კი ჩვენ შეგვიძლია ვიგრძნოთ სააქაო ცხოვრებაში.

¹ Une semblable méditation.

განაჯრება მართხმ

ჰუმანიტარული და ჰალბის შესახებ

მე იმდენად მივეჩვიე ამ დღეებში გრძობებისაგან ჩემი გონების განთავისუფლებას და ისე ზუსტად შევნიშნე, რომ ძალიან ცოტა რამ არის ისეთი, რაც ჩვენ სანდოდ ვიცით ნივთიერ სხეულთა შესახებ, და ბევრად უფრო მეტია ის, რაც ჩვენ ვიცით ადამიანური გონების შესახებ, ხოლო კიდევ უფრო მეტია, რაც ჩვენ თვით ღმერთის შესახებ ვიცით, რომ ახლა ჩემთვის ადვილი იქნება მოვაშორო ჩემი აზრი გრძობისეულ ან წარმოსასახვე საგანთა განხილვას და მივაპყრო იგი ისეთებს, რაც განთავისუფლებულია ყოველგვარი მატერიისაგან და წმინდად გონებისეულია. | ცხადია, იდეა, რომელიც მე მაქვს ადამიანურ გონებაზე (რამდენადაც ეს უკანასკნელი არის საგანი მოაზროვნე და არა განფენილი სიგრძის, განის და სიღრმის მიმართულებით და რამდენადაც მას არ აქვს არაერთი წილი იმაში, რაც სხეულს ეკუთვნის), შეუდარებლად უფრო გარკვეულია, ვიდრე რომელიმე ნივთიერი სხეულის იდეა. როდესაც ვამჩნევ, რომ მე ვეჭვობ, ე. ი. რომ მე ვარ უსრულო და დამოკიდებული საგანი, მაშინ ჩემს გონებას ასეთივე გარკვეულობითა და სინათლით წარმოუდგება სრული და დამოუკიდებელი არსების, ე. ი. ღმერთის, იდეა; და მხოლოდ იმისაგან, რომ ეს იდეა მოიპოვება ჩემში, ან, უკეთ რომ ითქვას, იმისაგან, რომ მე, რომელსაც მაქვს ეს იდეა, ვარ ან ვარსებობ, მე დავასკვენი, რომ ღმერთი არსებობს და ჩემი არსებობა ჩემი ცხოვრების ყოველ მომენტში მთლად მისგან არის დამოკიდებული) და ეს მე დავასკვენი ისეთი სიცხადით, რომ მე არ ვფიქრობ, თითქოს ადამიანის გონებას შეეძლოს რამე იცოდეს მეტი სიცხადით და დარწ-

მუნებულობით¹. და მე უკვე მგონია, რომ აღმომიჩენია ისეთი გზა, რომელიც ამ ჭეშმარიტი ღმერთის ჭკრეტიდან (იმ ღმერთის, რომელიც არის მეცნიერებისა² და სიბრძნის³ საუნჯე) მიგვიყვანს მსოფლიოს სხვა საგანთა შემეცნებად.

ქუწინარეს ყოვლისა, მე ვცნობ, რომ შეუძლებელია ღმერთი მე ოდესმე მატყუებდეს, რადგან ყოველი სიყალბე⁴ და მოტყუება შეიცავს რაღაც უსრულობას; და თუმცა ასე გვეჩვენება, თითქოს მოტყუების უნარი იყოს სიმახვილისა და მოხერხებულობის ნიშანი, მაგრამ მოტყუების სურვილი უეჭველად ამელავნებს სისუსტესა და სიაყეს, და, მაშასადამე, იგი არ შეიძლება მოიპოვებოდეს ღმერთში. შემდეგ, ჩემი საკუთარი გამოცდილებით მე ვიცი, რომ ჩემში არის მსჯელობის ნიჭი, ან ყალბისაგან ჭეშმარიტის გარჩევის ნიჭი, რომელიც მე უეჭველად ღმერთისაგან მაქვს მიღებული, ისე როგორც ყველაფერი სხვა, რაც არის ჩემში და რასაც მე ვფლობ; და რადგანაც შეუძლებელია, რომ ღმერთს სურდეს ჩემი მოტყუება, ცხადია აგრეთვე ისიც, რომ ღმერთს არ მოუცია ჩემთვის ეს ნიჭი იმნაირი სახით, რომ მე, როდესაც ჯეროვანად ვიყენებ ამ ნიჭს, შემეძლოს ოდესმე შეცდომის ჩადენა.

და არავითარი ეჭვი არ დარჩებოდა ამ საკითხში, რომ აქედან არ შეეძლოს ვინმეს ისეთი დასკვნის გამოყვანა, რომ მე, მაშასადამე, არასოდეს არ შემიძლია მოეტყუებდე: ვინაიდან, რაკი ყველაფერი, რაც ჩემშია, ღმერთისაგან მოდის და რაკი ღმერთს არ მოუცია ჩემთვის შეცდომის ჩადენის უნარი, აქედან თითქოს გამოდის, რომ მე არასოდეს არ უნდა შევცდე. და მართლაც, როდესაც მე ჩემს თავს განვიხილავ მხოლოდ იმ მხრივ, რომ მე ღმერთისაგან მოვდივარ, და როდესაც მე მთლად მისკენ ვარ მიქცეული, მე ვერ ვპოულობ ჩემში შეცდომის ან სიყალბის რაიმე მიზეზს. მაგრამ ამის შემდეგ, როდესაც მე ვუბრუნდები ჩემს

¹ Certitude.

² La science.

³ La sagesse.

⁴ Fraude.

თავს, გამოცდილება მეუბნება, რომ მე მაინც მსხვერპლი ვარ უამრავი შეცდომისა, რომელთა მიზეზის გამოძიების დროს მე ვამჩნევ, რომ მარტო ღმერთის ან უალრესად სრული არსების რეალური და პოზიტიური იდეა კი არ წარმოუდგება ჩემს აზრს, არამედ აგრეთვე, ასე ვთქვათ, არარაობის¹ რაღაც ნეგატიური იდეაც, ე. ი. იდეა იმისა, რაც უსაზღვროდ დაშორებულია ყოველგვარი სისრულისაგან, — წარმოუდგება, რომ მე ვარ თითქოს შუა ადგილი ღმერთსა და არარაობას შორის, ე. ი. იმნაირად ვარ მღთავსებულის უზენაეს არსსა და არარსს² შორის, რომ ჩემში ქეშმარიტად არ მოიპოვება ისეთი რამ, რასაც, რამდენადაც მე შემიქნა უზენაესმა არსებამ, შეეძლოს ჩემი შეყვანა შეცდომაში. მაგრამ, თუ მე განვიხილავ ჩემს თავს, როგორც ისეთ რამეს, რასაც რაღაცნაირად წილი აქვს არარაობაში ან არარსში, ე. ი. განვიხილავ იმ თვალსაზრისით, რომ მე თვითონ არ ვარ უზენაესი არსი და რომ მე მაკლია მრავალი რამ, მაშინ მე ვამჩნევ, რომ უამრავი ნაკლოვანება შეიძლება მქონდეს, ასე რომ არ უნდა გამიკვირდეს, თუ შეცდომას ჩავიდენ. ამრიგად მე ვიცი, რომ შეცდომა, როგორც ასეთი, არ არის რეალური რამ, რაც ღმერთისაგან არის დამოკიდებული, არამედ ის არის მხოლოდ დანაკლისი³. მაშასადამე, რათა შეცდომა ჩავიდინო, ამისათვის მე არ მჭირია რაღაც განსაკუთრებული უნარი, რომელიც ღმერთს მოეცა ჩემთვის კერძოდ ამ საქმის⁴ გასაკეთებლად, არამედ ისე ხდება ხოლმე, რომ მე ვცდები იმის გამო, რომ ყალბისაგან ქეშმარიტის გასარჩევად ღმერთის მიერ ჩემთვის მოცემული უნარი არ არის ჩემში უსაზღვრო.⁵

მაგრამ სავსებით ეს მაინც არ მაკმაყოფილებს, ვინაიდან შეცდომა არ არის წმინდა უარყოფა, ე. ი. არ არის უბრალო დანაკლისი ან არქონება⁵ იმ სისრულისა, რომელიც არც

¹ Le néant.

² Le non-être.

³ Défaut.

⁴ ე. ი. შეცდომის (მთარგმნ. შენ.).

⁵ Manquement.

არის სავალდებულო, რომ მქონდეს. აშეცდომა არის მოკლებულობა¹ იმ ცოდნისა, რომელიც მე, როგორც ჩანს, უნდა მქონოდა. მაგრამ, როდესაც ვაკვირდები ღმერთის ბუნებას, მე არ მეჩვენება შესაძლებლად, რომ ღმერთს მოეცა ჩემთვის ისეთი ნიჭი, რომელიც არ იქნებოდა სრული თავისი გვართ², ე. ი. რომელსაც არ ექნებოდა მისთვის ჯერარსი სისრულე³, ვინაიდან, თუ მართალია ის დებულება, რომ, რაც უფრო კარგია ოსტატი, მით უფრო დამთავრებული და სრულია მისი ხელიდან გამოსული ნაწარმოები, მაშინ განა მთელი ქვეყნის ამ უზენაეს შემოქმედს შეეძლო შეექმნა ისეთი საგანი, რომელიც არ იქნებოდა სრული და მთლიანად დამთავრებული ყველა თავის ნაწილში? ცხადია, მაშ, და არავითარი ექვიც რ არის იმაში, თითქოს ღმერთს არ შეეძლო გავეჩინე მე ისეთად, რომ არასოდეს არ შემძლებოდა შეცდომის ჩადენა. მაგრამ ცხადია აგრეთვე, რომ ღმერთს სურს ყოველთვის ის, რაც საუკეთესოა. მერე განა ის, რომ მე შემიძლია შეცდომის ჩადენა, უკეთესია იმაზე, რომ მე ეს არ შემეძლოს?

განვიხილავ რა ამ საკითხს ყურადღებით, მე უწინარეს ყოვლისა მიჩნდება ის აზრი, რომ არ უნდა მიკვირდეს, თუ მე არ შემწვევს ძალა გავიგო, რისთვის აკეთებს ღმერთი იმას, რასაც იგი აკეთებს, და რომ ამის გამო არ უნდა მეექვებოდეს მისი არსებობა, ვინაიდან მე ვხედავ ჩემს გარშემო მრავალ არსებულ საგანს, თუმცა მე არ შემიძლია გავიგო, რისთვის ან როგორ გააკეთა ისინი ღმერთმა. რაკი მე უკვე ვიცი, რომ ჩემი ბუნება უკიდურესად სუსტი და განსაზღვრულია, ხოლო ღმერთის ბუნება, პირიქით, უზომოდ დიდი⁴, მიუწვდომელი⁵ და უსაზღვროა⁶, ამიტომ ჩემთვის არ არის ძნელი იმის გაგება, რომ ღმერთის ძალაშია უამრავი საგანი, რომ-

¹ Privation.

² Parfait en son genre.

³ La perfection qui lui soit due.

⁴ Immense.

⁵ Incompréhensible.

⁶ Infinie.

ლის მიზეზი ჩემი გონების ფარგლებს სცილდება. უკვე მართო ეს საბუთიც საკმარისია, რათა დამაჯეროს, რომ იმ მიზეზთა მთელ გვარს, რომელნიც ჩვეულებრივ გამოყავთ ნიზნისაგან; არავითარი გამოყენება არ მოეპოვება ფიზიკურ ან ბუნებრივ საგანთა წრეში, ვინაიდან არ ვფიქრობ, თითქოს თავხედობის გარეშე შემედლოს გამოძიება და აღმოჩენა ღმერთის შეუღწევი მიზნებისა.

კიდევ მეტი: მე ვფიქრობ, რომ არ შეიძლება მართო ერთი ქმნილების ცალკე განხილვით დაკმაყოფილება, როდესაც გამოსაძიებელია საკითხი ღმერთის ქმნილებათა სისრულის შესახებ, არამედ უნდა განხილულ იქნენ ყველა ქმნილებანი ერთად, ვინაიდან ერთი და იგივე საგანი, რომელიც მეტიცა თუ ნაკლების საბუთით შეიძლება მოგვჩვენებოდა ძალიან უსრულო საგნად იმ შემთხვევაში, რომ მხოლოდ იგი ყოფილიყო მთელ მსოფლიოში, აღმოჩნდება ძალიან სრულ არსებად, როდესაც იგი განხილულია, როგორც ამ მსოფლიოს ერთ-ერთი ნაწილი. და თუმცა იმ დროიდან, რაც მე განვიზრახე დაექვება ყველაფერში, მე სანდოდ შევიცანი მხოლოდ ჩემი და ღმერთის არსებობა; მაგრამ მას შემდეგ, რაც მე ვცანი ღმერთის უსაზღვრო ძლიერება, მე ვერ უარვყოფ, რომ ღმერთს შეუქმნია ან შეუძლია მაინც შექმნას მრავალი სხვა საგანი, ასე რომ მე ვარსებობ და მოთავსებული ვარ მსოფლიოში, როგორც არსთა მთელი სამყაროს ერთი ნაწილი.

✓ ამის შემდეგ, განვიხილავ რა უფრო ახლოს ჩემს თავს და ვსინჯავ რა ჩემს შეცდომებს, რომლებიც მართოკა ადასტურებენ, რომ ჩემში არის უსრულობა, მე ვამჩნევ, რომ ეს შეცდომები დამოკიდებული არიან ორი მიზეზის თანამოქმედებისაგან—სახელდობრ, შემეცნების იმ ნიჭისაგან, რომელიც მაქვს მე, და არჩევანის ნიჭისაგან ან, უკეთ, ჩემი ნების თავისუფლებისაგან¹, ე. ი. ჩემი ვაგების უნარისაგან²

¹ Libre arbitre.

² L'entendement.

და ამასთან ერთად ჩემი ნებისყოფისაგან¹. მხოლოდ გაგების უნარით მე არც ვადასტურებ და არც უარყყოფ რაიმე საგანს, არამედ მხოლოდ ვწვდები² იმ საგანთა იდეებს, რომლებიც მე შემიძლია დავადასტურო ან უარყყო. მაგრამ, როდესაც ასე ზუსტად განვიხილავთ გაგების უნარს, ჩვენ შეგვიძლია ვთქვათ, რომ ამ უნარში არასოდეს არ მოიპოვება რაიმე შეცდომა, თუკი სიტყვა „შეცდომა“ იქნება აღებული მისი ზუსტი მნიშვნელობით. და თუმცა სამყაროში შეიძლება არსებობდეს უსაზღვრო რიცხვი საგნებისა, რომლების შესახებ მე არ მაქვს გაგების უნარში არავითარი იდეა³, მაინც არ შეიძლება ამის გამო ითქვას, თითქოს ჩემს გაგების უნარს წართმეული⁴ ჰქონდეს ეს იდეები როგორც ისეთი რაღაც, რაც მის ბუნებას ეკუთვნოდა, არამედ შეიძლება ითქვას მხოლოდ ის, რომ ჩემს გაგების უნარს არ აქვს ეს იდეები, ვინაიდან არავითარი საბუთი არ არსებობს ისეთი, რომელიც დაამტკიცებდა, რომ ღმერთი ვალდებული იყო მოეცა ჩემთვის შემეცნების უფრო დიდი და უფრო სრული უნარი, ვიდრე ის, რომელიც მან მომცა. და, რაც უნდა მოხერხებული და ბრძენი ოსტატი იყოს ღმერთი ჩემი შეხედულებით, მე ამის გამო მაინც არ უნდა ვიფიქრო, რომ იგი ვალდებული იყო ჩაედვა ყოველს თავის ქმნილებაში ყოველი სისრულე, რომელიც კი მას შეუძლია ჩაედვას ზოგიერთში. მე არ შემიძლია აგრეთვე ვუჩივოდე იმას, რომ ღმერთს არ მოუცია ჩემთვის ნების თავისუფლება ან საკმაოდ სრული⁵ ნებისყოფა, ვინაიდან სინამდვილეში მე ვამჩნევ, რომ იგი იმდენად სრული და იმდენად ფართოა, რომ არ არის არავითარ ფარგლებში მომწყვდეული.

და რასაც მე აქ განსაკუთრებით აღსანიშნავად ვთვლი, არის ის, რომ ყველა დანარჩენ თვისებათა შორის, რომელნიც

¹ Volonté.

² Conçois.

³ ე. ი. სამყაროში შეიძლება არსებობდეს ბევრი ისეთი საგანი, რომლების შესახებ მე არაფერი გამიგია (მთარგმნ. შენ.).

⁴ Privé.

⁵ Assez ample et assez parfaite.

იმყოფებიან ჩემში, არც ერთი არ არის იმდენად სრული და დიდი, რომ მე არ შემეძლოს ვთქვა; რომ შეიძლებოდა იგი კიდევ უფრო დიდი და სრული ყოფილიყო. მართლაცდა, თუ მაგალითად განვიხილავ გაგების იმ ნიქს¹, რომელიც არის ჩემში, მე ვამჩნევ, რომ იგი ძალიან მცირე მოცულობისაა და ფრიალ განსაზღვრულია; ამასთან ერთად კი მე წარმოვიდგენ იდეას მეორე ნიქისას, რომელიც ბევრად უფრო ფართოა და უსაზღვროც კი არის, და მხოლოდ იქიდან, რომ მე შემიძლია მისი იდეა წარმოვიდგინო, მე ვიცი დაუბრკოლებლად, რომ იგი ეკუთვნის ღმერთის ბუნებას. ამავე წესით, თუ ვსინჯავ მეხსიერებას ან წარმოსახვას, ან სხვა რომელიმე ნიჭიერებას, რომელიც კი არის ჩემში, მე ვერ ვპოულობ მათ შორის ისეთს, რომელიც არ იყოს ძალიან მცირე და განსაზღვრული და რომელიც ღმერთში არ იყოს უზომოდ დიდი და უსაზღვრო. მხოლოდ ნებისყოფა² ან თავისუფალი არჩევანის უნარი³ არის ის, რაც ჩემი განცდით იმდენად დიდია, რომ მე ვერ მომიაზრებია ამაზე უფრო სრული და ფართო თავისუფალი არჩევანის უნარი: ასე რომ უმთავრესად ეს უნარია ის, რაც მე მაძლევს იმის ცოდნას, რომ მე ვატარებ ღმერთის სახესა და მის მსგავსებას.

კიდევაც რომ შეუდარებლად უფრო დიდი იყოს თავისუფალი არჩევანის უნარი ღმერთში, ვიდრე ჩემშია (გინდ იმ ცოდნისა და ძლიერების გამო, რომლებთანაც ის დაკავშირებულია და რომლებიც აძლევენ მას მეტ სიმტკიცესა და მეტ ნაყოფიერებას, გინდ მისი საგნის გამო, რამდენადაც ღმერთის თავისუფლება ვრცელდება უსაზღვროდ უფრო მეტ საგნებზე), იგი, ჩემი შეხედულებით, მაინც არ არის უფრო დიდი, თუ მე მას განვიხილავ გაფორმებულად და ზუსტად თავისთავად. მართლაცდა, ეს თავისუფალი არჩევანი იმაში შედგება, რომ ჩვენ შეგვიძლია ერთი და იგივე საქმე ან გა-

¹ La faculté de concevoir.

² Volonté.

³ Liberté du franc arbitre.

ვაკეთოთ, ან არ გავაკეთოთ, ე. ი. ან დავადასტუროთ, ან უარვყოთ¹; ან დავეწაფოთ მას, ან გავექცეთ. უკეთ რომ ითქვას, თავისუფალი არჩევანი მხოლოდ იმაში შედგება, რომ ჩვენ, რათა დავადასტუროთ ან უარვყოთ, დავეწაფოთ ან გავექცეთ საგნებს, რომლებსაც გაგების უნარი გვაწვდის, ისე ვმოქმედებთ, რომ არ ვგრძნობთ თითქოს რაიმე გარეშე ძალა იძულებას გვაყენებდეს. ვინაიდან იმისათვის, რათა მე ვიყო თავისუფალი, არ არის აუცილებელი, რომ ჩემთვის სულ ერთი იყოს, თუ რომელს ავირჩევ ორ მოპირდაპირე საგანს შორის. პირიქით, რაც უფრო მეტად ვარ მე გადახრილი ერთი საგნისაკენ (გინდ იმის გამო, რომ მე აშკარად ვიცი, რომ ამ საგანში სიკეთე და ქეშმარიტება ხვდება ერთ-მანეთს, გინდ იმის გამო, რომ ღმერთი ამნაირად აწყობს ჩემი აზრების შინაგანს), მით უფრო თავისუფლად ვახდენ მე არჩევანს მათ შორის. და მართლაც, ღვთაებრივი მაღლი და ბუნებრივი ცოდნა კი არ ამცირებენ ჩემს თავისუფლებას, არამედ უმაღლ ამდიდრებენ და აძლიერებენ მას. ასე რომ ის ინდიფერენტობა, რომელსაც ვგრძნობ მე მაშინ, როდესაც რაიმე საბუთის ძალით მე არ ვარ ერთ რომელიმე მხარეზე უფრო გადახრილი, ვიდრე მეორე მხარეზე, არის თავისუფლების უმდაბლესი საფეხური და იგი უმაღლ ამქლავნებს ცოდნის ნაკლებობას, ვიდრე ნებისყოფის სისრულეს: ვინაიდან, მე რომ ყოველთვის ნათლად მცოდნოდა ის, რაც ქეშმარიტია, და ის, რაც კეთილია, მე არასოდეს არ გამიჭირდებოდა იმის მოსაზრება², თუ რომელი მსჯელობა და რომელი არჩევანი უნდა გამეკეთებია, და ამრიგად მე ვიქნებოდი სრულიად თავისუფალი და არასოდეს არ ვიქნებოდი ინდიფერენტული.

აქედან მე იმ ცოდნას ვღებულობ, რომ ჩემი შეცდომების მიზეზი არ არის თავისთავად არც ნებელობის ძალა³, რომელიც მე ღმერთისაგან მივიღე, ვინაიდან იგი არის ფრიალ

¹ Affirmer ou nier.

² Délibérer.

³ La puissance de vouloir.

სრული თავის გვარში, და არც აგრეთვე გაგებისა ან მიწვდომის ძალა¹, ვინაიდან ყველაფერს მე ვწვდები მხოლოდ იმ უნარის საშუალებით, რომელიც მიწვდომისათვის მომცა მე ღმერთმა, და ამიტომ უეჭველია, რომ ყველაფერს, რასაც კი მე ვწვდები, მე სწორედ ისე ვწვდები, როგორც საჭიროა, და შეუძლებელია, რომ მე ამაში ვცდებოდე.

მაშ, საიდან ჩნდებიან ჩემი შეცდომები? მხოლოდ იქიდან, რომ მე (რამდენადაც ნებისყოფა ბევრად უფრო სრული და ფართოა, ვიდრე გაგება) არ ვაკავებ ამ ნებისყოფას ცოდნის ფარგლებში და ვაერცელებ მას ისეთ საგნებზედაც, რომლებიც მე არ გამეგება და რომლების მიმართ იგი თავისთავად ინდიფერენტულია. ამის გამო ნებისყოფა ადვილად ცდება, ირჩევს ყალბს ქეშმარიტის მაგიერ და სიავეს სიკეთის მაგიერ. აქედან კი ჩნდება ის, რომ მე ვცდები² და ვცოდებ³.

მაგალითად, ამ დღეებში მე ვარჩევდი საკითხს იმის შესახებ, არსებობს თუ არა ნამდვილად რაიმე საგანი ქვეყანაზე, და რაკი შევიცანი, რომ უკვე იქიდან, რომ მე ამ საკითხს ვარჩევდი, ძალიან ცხადად გამომდინარეობდა, რომ მე თვითონ ვარსებობ, მე არ შემეძლო თავი შემეკავებია იმ მსჯელობისაგან, რომ ის, რასაც მე ასე ნატლად ვწვდებოდი, იყო ქეშმარიტი. არავითარი გარეგნული მიზეზი არ მაძალეებდა მე ამას, არამედ იმ დიდ სინათლეს, რომელიც იყო ჩემს გაგებაში⁴, მოჰყვა დიდი მიდრეკილება ჩემს ნებისყოფაში და მე მით უფრო მეტი თავისუფლებით შევიქენ დაჯერებული, რაც უფრო ნაკლებად ვიყავ ინდიფერენტული. პირიქით, ამჟამად მე მხოლოდ ის კი არ ვიცი, რომ მე ვარსებობ, რამდენადაც ვარ ისეთი რალაც საგანი, რომელიც აზროვნებს, არამედ ჩემს გონებას წარმოუდგება აგრეთვე ნივთიერი ბუნების იდეა: ეს კი იწვევს ეჭვს, ნუთუ ის მოაზ-

¹ La puissance d'entendre ou de concevoir.

² Je me trompe.

³ Je pêche.

⁴ Entendement.

როვნე ბუნება, რომელიც არის ჩემში (უკეთ რომ ითქვას, რომელიც ვარ მე თვითონ), განსხვავდება ამ ნივთიერი ბუნებისაგან, ან, ეგებ, ორივე ერთი და იგივეა. ნე ვგულისხმობ აქ, რომ ჯერ მე არ ვიცნობ არც ერთ საბუთს, რომელიც უფრო მეტად დამაჯერებდა ერთში, ვიდრე მეორეში, საიდანაც გამომდინარეობს, რომ მე ინდიფერენტული ვარ ვადასტურო ან უარვეყო იგი, ანდა სრულიად თავი შევიკავო ამის შესახებ რაიმე მსჯელობისაგან.

და ეს ინდიფერენტობა ვრცელდება არა მხოლოდ ისეთ საგნებზე, რომელთა შესახებ გაგებას¹ არ აქვს არავითარი ცოდნა, არამედ აგრეთვე ყველა იმ საგნებზე საზოგადოდ, რომლებსაც იგი სრული სინათლით ვერ ცხადყოფს იმ მომენტში, როდესაც ნებისყოფა მათ შესახებ გადაწყვეტილების მიღებას აპირებს². ვინაიდან, რაც უნდა დასაჯერებელი იყოს ის მოსაზრება, რომელიც იწვევს ჩემში მიდრეკილებას ვიმსჯელო საგანზე, უკვე მხოლოდ იმის ცოდნა, რომ ეს არის მარტო მოსაზრება³ და არა გარკვეული და უეჭველი საბუთი⁴, კბარა იმისათვის, რათა მე რომცეს საბაბი საწინააღმდეგო მსჯელობისათვის. მე თვითონ განვიცადე საკმაოდ ეს გარემოება ამ დღეებში, როდესაც ყველაფერი, რაც მანამდე მიმაჩნდა ძალიან ქეშმარიტად, მე შეცდომად გამოვაცხადე მხოლოდ იმიტომ, რომ შევამჩნიე მათში რალაციონირი დაეკვების შესაძლებლობა. მაგრამ, თუ ნე თავს ვიკავებ ისეთი საგნის შესახებ მსჯელობისაგან, რომელსაც აღარ შევიცნობ საკმაო სინათლითა და გარკვეულობით, ცხადია, რომ მე მაშინ კარგად ვიქცევი და სრულიად არ ვარ შემცდარი; მაგრამ, თუ მე ასეთ საგანს უარვეყოფ ან ვადასტურებ, მაშინ მე ჯეროვანად არ ვიყენებ თავისუფალი არჩევანის ჩემს უნარს. და თუ მე ვადასტურებ იმას, რაც არ არის ქეშმარიტი, ცხადია, რომ მაშინ მე ვცდები: იმ შემთხვევაშიც კი, რო-

¹ Entendement.

² Au moment quo la volonté en délibère.

³ Pour conjectures.

⁴ Raisons.

დესაც ჩემი მაჯელობა ემთხვევა ქეშმარიტებას, ეს ხდება შემთხვევით, და მე მაინც არ დამიღწევია თავი ნაკლოვანებისაგან და ჩემი თავისუფლების ცუდად გამოყენებისაგან, ვინაიდან ბუნებრივი სინათლე გვასწავლის, რომ გაგების ცოდნა¹ ყოველთვის უნდა უსწრებდეს წინ ნებისყოფის გადაწყვეტილებას.

სწორედ თავისუფალი არჩევანის უნარის ამ ცუდად გამოყენებაში იმყოფება ის დანაკლისი, რომელიც შეადგენს შეცდომის ფორმას. ეს დანაკლისი, ვამბობ მე, იმყოფება (არჩევანის) ოპერაციაში იმდენად, რამდენადაც იგი ჩემგან იწარმოება, მაგრამ დანაკლისი არ იმყოფება იმ უნარში, რომელიც მე ღმერთისაგან მიმიღია, და არც ამ ოპერაციაში, რამდენადაც ეს უკანასკნელი ღმერთისაგან არის დამოკიდებული. მე ხომ არ მაქვს, ცხადია, არაავითარი საფუძველი ვემდურებოდე იმას, რომ ღმერთს არ მოუცია ჩემთვის უფრო ფართო კეჟა² ან უფრო სრული ბუნებრივი სინათლე, ვიდრე ნოცემული მაქვს მისგან, რადგან შეზღუდული გაგების ბუნებას ის შეადგენს, რომ მას არ ესმის მრავალი რამ, ხოლო შექმნილი გაგების ბუნებას ის შეადგენს, რომ იგი შეზღუდულია. პირიქით, მე მაქვს ყველა საფუძველი ვუმაღლოდე ღმერთს იმისათვის, რომ მან, მიუხედავად იმისა, რომ არაავითარი ვალდებულება არ ჰქონდა არასოდეს ჩემს მიმართ, მომცა მაინც ის ცოტაოდენი სისრულე, რომელიც არის ჩემში; და მე უნდა შორს ვიყო ისეთი არამართებული შეზღუდულებიდან, თითქოს ღმერთს ჩემთვის წაერთვას ან უსამართლოდ დაეკავებინოს სხვა სისრულე, რომელიც მას ჩემთვის არ მოუცია.

არ მაქვს აგრეთვე საფუძველი ვუჩივოდე იმას, რომ ღმერთს მოუცია ჩემთვის გაგების უნარზე უფრო სრული ნებისყოფა, რადგან ნებისყოფა მხოლოდ ერთი და თითქოს განუყოფელი რაობაა, და მისი ბუნება, როგორც ჩანს, ისეთია, რომ მას არ შეიძლება რაიმე წაერთვას ისე, რომ იგი

¹ La connaissance de l'entendement.

² Intelligence.

მთლად არ განადგურდეს. ამიტომ რაც უფრო ფართოა ჩემი ნებისყოფა, მით უფრო მეტად უნდა ვუმადლოდე მე იმის გულკეთილობას, ვინც მე იგი მომცა.

და ბოლოს, მე აგრეთვე არ უნდა ვუჩივოდე იმას, რომ ღმერთი მეხმარება მე¹, რათა წარმოიშვას ამ ნებისყოფის აქტები, ე. ი. მსჯელობები, რომლებშიაც ვტყუდები. ვინაიდან ეს აქტები, რამდენადაც ისინი ღმერთისაგან არიან დამოკიდებული, მთლად ქვეშარტი და აბსოლუტურად კეთილი არიან და ჩემს ბუნებაში ერთგვარად მეტი სისრულეა იმის გამო, რომ ზე შემძლია მსჯელობა ვაწარმოო, ვიდრე იქნებოდა იმ შემთხვევაში, რომ მე ეს არ შემძლებოდა.

რაც შეეხება დანაკლისს, რომელიც მარტოკა შეადგენს შეცდომისა და შეცოდების ფორმალურ საბუთს, ის არ საჭიროებს ღმერთის არავითარ დახმარებას, რადგან იგი არ არის რაიმე საგანი ან არსება, და, თუ მის მიზეზად ჩავთვლით ღმერთს, მას უნდა მაშინ ეწოდოს არა დანაკლისი², არამედ მხოლოდ უარყოფა³, თანახმად იმ მნიშვნელობისა, რომელსაც სკოლაში⁴ ამ სიტყვებს აძლევენ. მართლაც, არ არის ღმერთის უსრულობა ის, რომ მან მომცა თავისუფლება დაცე მსჯელობა ან არ დავცე იგი ამა თუ იმ საგანზე, რომლის ნათელი და გარკვეული ცოდნა ღმერთს არ ჩაუდვია ჩემი გაგების უნარში, არამედ ეს არის უეჭველად ჩემი უსრულობა, რადგან მე არ ვიყენებ კარგად ამ თავისუფლებას და კადნიერად ვაკეთებ მსჯელობას ისეთ საგნებზე, რომლებსაც მე ვწვდები მხოლოდ ბნელად და ბუნდოვანად.

— მე ვხედავ მაინც, რომ ღმერთს ადვილად შეეძლო გაეკეთებია ისე, რომ თავისუფლების და შეზღუდული ცოდნის ქონების პირობებშიც მე არასოდეს არ ჩამედინა შეცდომა, თუკი იგი მისცემდა ჩემს კეჟას⁵ ნათელსა და გარკვეულ

¹ Concourt avec moi.

² Privation.

³ Négation.

⁴ სკოლას დეკარტი ეძახის სკოლასტიკას (მთარგმნ. შენ.).

⁵ Entendement.

გაგებას¹ ყველა იმ საგნისას, რომლის განხილვა² მე ოდეს-მე მომიხდებოდა, ანდა თუ იგი გადაწყვეტილებას, არასოდეს არ შემსჯელა საგნებზე ნათელი და გარკვეული ცოდნის უქონლად, ისე ღრმად აღბეჭდავდა ჩემს მეხსიერებაში, რომ მე ეს გადაწყვეტილება არასოდეს არ დამვიწყებოდა. და მე კარგად ვამჩნევ, რომ მე, რამდენადაც ჩემს თავს განმარტოებულად განვიხილავ, თითქოს მხოლოდ მე ვარსებობდე ქვეყანაზე, ბევრად უფრო სრული ვიქნებოდი, ვიდრე ვარ, რომ ღმერთს შევექმენი იმნაირად, რომ არასოდეს არ ჩამედინა შეცდომა. მაგრამ ამით მე არ შემიძლია უარვეყო, რომ მსოფლიოში ერთგვარად უფრო დიდი სისრულეა იმ შემთხვევაში, როდესაც ზოგიერთი მისი ნაწილი არ არის ნაკლოვანებისაგან თავისუფალი, სხვები კი თავისუფალია, ვიდრე იქნებოდა იმ შემთხვევაში, რომ მსოფლიოს ყველა ნაწილი ერთმანეთის შესავსი ყოფილიყო.

და მე არაერთარი უფლება არ მაქვს უკმაყოფილო ვიყო იმით, რომ ღმერთმა, გამაჩინა რა მან ამ ქვეყნად, არ მოისურვა მოვეთავსებინე ყველაზე უფრო კეთილშობილ და ყველაზე უფრო სრულ არსებათა რიგში. პირიქით, მე მაქვს საფუძველი კმაყოფილი ვიყო იმით, რომ, თუ ღმერთმა არ მომცა შეუცდომლობის სისრულის ის სახე, რომელიც ზევით აღწერილია და რომელიც დამოკიდებულია ყველა განსახილველი საგნის შესახებ ნათელი და ცხადი ცოდნისაგან, მან მაინც დატოვა ჩემს განკარგულებაში ამის მეორე საშუალება, რომელიც იმაში შედგება, რომ მაგრად მეჭიროს გადაწყვეტილება, არასოდეს არ დავცე მსჯელობა ისეთ საგნებზე, რომელთა ქეშმარიტება ნათლად არ მაქვს შეცნობილი. ვინაიდან, თუმცა მე ვამჩნევ ჩემში იმ სისუსტეს, რომ არ შემიძლია განუწყვეტლივ მიკრული მქონდეს გონება ერთსა და იმავე აზრზე, მე შემიძლია მაინც გულისყურიანი და ხშირად განმეორებული გააზრების საშუალებით ისე მაგრად აღბეჭ-

¹ Intelligence.

² Délibérer.

დო იგი¹ ჩემს მეხსიერებაში, რომ იგი მაგონდება მე ყოველ-
თვის, როდესაც კი დამჭირდება, და ამ ხერხით მე შემძლია
შევიძინო ის ჩვეულება, რომ სრულიად არ ვცდებოდე. და
რამდენადაც სწორედ ამაში შედგება ადამიანის უდიდესი და
უმთავრესი სისრულე, მე ვფიქრობ, რომ დღეს ცოტა რამ
როდი შემიძენია ამ განაზრებით, რომელმაც აღმომაჩენია
შეცდომისა და სიყალბის მიზეზი.

ცხადია, შეუძლებელია, რომ იყოს ამის სხვა მიზეზი,
გარდა იმისა, რომელიც მე ახლა ავხსენი. ვინაიდან ყოველ-
თვის, როცა მე ჩემი ნებისყოფა შეკავებული მაქვს ჩემი
ცოდნის ფარგლებში და იგი მსჯელობას სცემს მხოლოდ იმ
საგანთა შესახებ, რომლებიც ნათლად და გარკვეულად არიან
გაგების მიერ წარმოდგენილი², შეუძლებელია, რომ მე ვცდე-
ბოდე, რადგან ყოველი ნათელი და გარკვეული ცნება³ უეჭ-
ველად არის რაღაც და, მაშასადამე, არ შეიძლება, რომ იგი
იყოს არარაობისაგან წარმოშობილი, არამედ მისი შემქმნე-
ლი აუცილებლად უნდა იყოს ღმერთი. ღმერთი (ვამბობ მე),
რომელიც უაღრესად სრულია, არ შეიძლება იყოს რაიმე შეც-
დომის მიზეზი და, მაშასადამე, უნდა დავასკვნათ, რომ ასეთი
ცნება ან ასეთი მსჯელობა ქეშმარიტია. მაგრამ მე მარტო ის
კი არ ვისწავლე დღეს, თუ რას უნდა ვერიდებოდე, რათა აწ
აღარ შევცდე, არამედ ვისწავლე აგრეთვე ისიც, თუ რა უნდა
გავაკეთო, რათა ქეშმარიტების ცოდნას მივალწიო, ვინაიდან
მე უეჭველად მივალწევ მას, თუ საკმაოდ შევაჩერებ ჩემს
ყურადღებას ყველა იმ საგანზე, რომლებსაც სრულად ვწვდე-
ბი, და თუ მე მათ გამოვყოფ სხვა საგნებისაგან, რომლებსაც
შევიცნობ მხოლოდ ბუნდოვანად და ბნელად. ამას მე აწ ღი-
დი ზრუნვით მოვეკიდები.

¹ ე. ი. გადაწყვეტილება—არ დავცე მსჯელობა ბნელად შეცნობილ
საგანზე (მთარგმნ. შენ.).

² Représentées.

³ Conception.

განაზრება მისხუთე

მატიერიალურ საბანთა და კვლავ ღმერთის შესახებ, რომ
იგი არსებობს

მე მრჩება გამოსაკვლევად ბევრი სხვა საკითხი, რომელიც ეხება ღმერთის ატრიბუტებსა და ჩემს საკუთარ ბუნებას, ე. ი. ჩემი გონების¹ ბუნებას. მაგრამ მე მათ გამოკვლევას ალბათ შევუდგები სხვა დროს, ახლა კი, მას შემდეგ, რაც მე შევნიშნე, თუ რას უნდა ვაკეთებდე ან ვერიდებოდე ჰეგელიანობის შემეცნების მისალწევად, ჩემი უმთავრესი საქმეა ვცადო გამოვიდე და განვთავისუფლდე ყველა იმ ეჭვისაგან, რომლებშიაც მე ჩავვარდი ამ დღეებში, და ვნახო, წნუთუ არაფერი სანდო არ შეიძლება შევიმეცნოთ მატერიალურ საგანთა შესახებ. მაგრამ, სანამ მე გამოვიკვლევდე საკითხს, არსებობენ თუ არა ისეთი საგნები, რომლებიც იმყოფებიან ჩენ გარეშე, მე უნდა განვიხილო მათი იდეები, რამდენადაც ისინი ჩემს აზროვნებაშია, და ვნახო, რომელია გარკვეული და რომელია ბუნდოვანი.”

პირველ რიგში მე გარკვეულად წარმოვიდგენ² იმ ოდენობას, რომელსაც ფილოსოფოსები ჩვეულებრივ უწყვეტ ოდენობას უწოდებენ³, ან, უკეთ, სიგრძის, სიფართოვის და სიღრმის განფენილობას, რომელიც არის ამ ოდენობაში ან უმაღლ იმ საგანში, რომელსაც იგი მიეწერება. კიდევ მეტი: მე შემიძლია ჩამოვთვალო მასში მრავალი სხვადასხვა ნაწილი და მივაკუთვნო თითოეულ ნაწილს ყოველგვარი სიდიდე, აღნაგობა, მდგომარეობა და მოძრაობა; დაბოლოს, მე შემიძლია მივაწერო თითოეულ ამ მოძრაობას ყოველგვარი ხანგრძლი-

¹ Esprit.

² J' imagine distinctement.

³ La quantité continue.

ობა¹, და როდესაც მე ამათ განვიხილავ ასე ზოგადად, მე არა მხოლოდ ამათ შევიცნობ გარკვეულად, არამედ მე (თუკი ოდნავ მაინც მივაპყრობ ყურადღებას) შევიცნობ აგრეთვე უამრავ კერძო რამეს რიცხვის, აღნაგობის, მოძრაობის და ამათ მსგავს სხვა საგანთა შესახებ, რომელთა ქეშმარიტება მეღაენდება ისეთი სიცხადით და ეთანხმება ჩემს ბუნებას ისე კარგად, რომ მე, როცა ვიწყებ მათ აღმოჩენას, არ მეჩვენება, თითქოს რასმე ახალს ვტყობილობდე, არამედ უმალ ისე მეჩვენება, თითქოს მე ვიხსენებდე იმას, რაც უწინ უკვე ვიცოდი, ე. ი. თითქოს მე შევნიშნავდე იმ საგნებს, რომლებიც უკვე იმყოფებოდნენ ჩემს გონებაში, თუმცა მე მათთვის არ მიმიპყრია ჯერ კიდევ ჩემი აზროვნება. და რაც მე აქ უფრო საყურადღებოდ მიმაჩნია, ეს არის ის, რომ ამე ვპოულობ ჩემში უამრავ იდეას ისეთ საგანთა შესახებ, რომელნიც არ შეიძლება ცნობილ იქნენ სრულ არარაობად (თუმცა შესაძლებელია, რომ მათ არ ჰქონდეთ არავეითარი არსებობა ჩემი აზროვნების გარეშე), რომელნიც არ არიან ჩემ მიერ გამოგონებულნი (თუმცა შესაძლებელია ჩემგან იყოს დამოკიდებული, განვითარებ მე მათ თუ არა) და რომელთაც აქვთ თავისი ქეშმარიტი და უცვლელი ბუნება. მაგალითად, როდესაც მე წარმოვიდგენ სამკუთხედს, მაშინ, კიდევაც რომ ასეთი ფიგურა ჩემი აზროვნების გარეშე არსად ქვეყანაზე არ არსებობდეს და არასოდეს არ არსებულყო, ზაინც არის მასში გარკვეული ბუნება² ან ფორმა, ე. ი. ამ ფიგურის განსაზღვრული არსება³, რომელიც უცვლელი და მარადიულია, რომელიც მე კი არ გამომიგონებია და რომელიც არავეითარნაირად არ არის ჩემი გონებისაგან დამოკიდებული, როგორც ეს ჩანს იქიდან, რომ შესაძლებელია დამტკიცდეს ამ სამკუთხედის მრავალი თვისება (სახელდობრ, ის, რომ მისი სამი კუთხე უდრის ორ სწორ კუთხეს, რომ უდიდესი კუთხე დაყრდნობილია უდიდეს გვერდზე და სხვა ასეთები), რომელთაც ამჟამად მე, მინდა

¹ Durée.

² Nature.

³ Essence.

ეს თუ არ მინდა, შევიცნობ სამკუთხედში ძალიან ნათლად და ძალიან ცხადად¹, თუმცა უწინ, როდესაც მე პირველად წარმოვიდგინე სამკუთხედი, არც კი მიფიქრია მათზე, და, მაშასადამე, არ შეიძლება ითქვას, თითქოს ეს თვისებები მე შევთხზე და გამოვიგონე. მე აქ მხოლოდ ის შენიშვნა უნდა გაუუკეთო ჩემს თავს, რომ - შესაძლებელია სამკუთხედის ეს იდეა შემოვიდა ჩემს გონებაში გრინობათა საშუალებით—იმის გამო, რომ მე ზოგჯერ შინახავს სამკუთხიანი აღნაგობის მქონე სხეულები. მაგრამ მე ხომ შემიძლია შევქმნა ჩემს გონებაში უამრავი სხვა ფიგურა, რომელთა მიმართ არ არსებობს არავითარი ეჭვი, თითქოს მე ისინი ოდესღაც განმეცადოს გრძნობებით: მიუხედავად ამისა, მე მაინც შემიძლია დავამტკიცო მრავალი თვისება მათი ბუნების შესახებ, ისე როგორც სამკუთხედის შესახებაც. და ეს თვისებები, ცხადია, ქეშმარიტი უნდა იყვნენ, რადგან მე მათ ვწვდები ნათლად, და, მაშასადამე, ისინი არიან რაღაც ნამდვილად არსებული და არა წმინდა არარობა, ვინაიდან სავსებით ნათელია, რომ ყველაფერი, რაც ქეშმარიტია, არის რაღაც ნამდვილად არსებული, რადგან ქეშმარიტება იგივეა, რაც სინამდვილე², ხოლო მე ამაზე უწინ უკვე სრულად დავამტკიცე, რომ ყველაფერი, რაც მე ვიცი ნათლად და გარკვეულად, ქეშმარიტია³. ჩემი გონების ბუნება ისეთია, რომ მე ვერ დაუშული ჩემს თავს ქეშმარიტად მიმაჩნდეს ეს თვისებები, სანამ მე ზათ შევიცნობ ნათლად და გარკვეულად, თუმცა ეს ჯერ არ დამიმტკიცებია. და მე მაგონდება, რომ იმ დროსაც კი, როდესაც გრძნობისეულ საგნებზე ვიყავ ჯერ კიდევ ძლიერ მიკრული, მე ყველაზე უფრო მტკიცე ქეშმარიტებათა შორის ვრაცხდი იმას, რაც მე ნათლად და გარკვეულად შეცნობილი მქონდა ფიგურების, რიცხვების და სხვა ახეთის შესახებ, რაც არითმეტიკასა და გეომეტრიას მიეკუთვნება.

¹ Très-clairement et très-évidement.

² La vérité étaunt une même chose avec l'être.

³ Toutes les choses que je connais clairement et distinctement sont vraies.

ახლა, თუ მხოლოდ იჭიდან, რომ მე შემძლია ჩემი აზრიდან გამოვიყვანო ამა თუ იმ საგნის იდეა, გამომდინარეობს ის, რომ ყველაფერი, რასაც მე ნათლად და გარკვეულად შევიცნობ, რაგორც ამ საგნის კუთვნილებას, ნამდვილად ეკუთვნის ამ საგანს, მაშინ განა არ მაქვს უფლება გამოვიყენო ეს ღმერთის არსებობის დამამტკიცებელ საბუთად? უეჭველია, რომ მე ამა თუ იმ ფიგურისა ან ამა თუ იმ რიცხვის იდეაზე ნაკლებად როდი ვპოულობ ჩემს თავში ღმერთის ან უუსრულესი არსების იდეას; და რომ ღმერთის ბუნებას ეკუთვნის აქტუალური¹ და მარადიული არსებობა, ამას მე უფრო ნაკლები სინათლითა და გარკვეულობით როდი შევიცნობ, ვიდრე იმას, რომ ყველაფერი, რაც მე შემძლია ამა თუ იმ ფიგურის ან რიცხვის შესახებ დაეამტკიცო, ქეშმარიტად ეკუთვნის ამ ფიგურის ან რიცხვის ბუნებას. მაშასადამე, კიდევაც რომ ქეშმარიტი არ აღმოჩნდნენ ის დასკვნები, რომლებიც მე წინამორბედ განაზრებებში გამოვიყვანე, ღმერთის არსებობა მაინც იქნება ჩემთვის იმდენადვე სანდო, რამდენადაც მე აქამდე სანდოდ მიმაჩნდა მათემატიკური ქეშმარიტებანი, რომელნიც მხოლოდ რიცხვებსა და ფიგურებს ეხებიან, მიუხედავად იმისა, რომ ნამდვილად ეს მთლად სანდოდ არ გვეჩვენება, არამედ რალაც სოფიზმს ემსგავსება. ვინაიდან, მივეჩვიე რა სხვა საგნების მიმართ არსებობისა² და არსების³ ურთიერთობის გარჩევას, მე აღვილად ვარწმუნებ ჩემს თავს, რომ არსებობა შეიძლება მოვაცილოთ ღმერთის არსებას და ამრიგად შესაძლებელია ღმერთი ვიაზროთ როგორც აქტუალურად არარსებული რამ. მაგრამ, როდესაც მეტი გულისყურით ვფიქრობ ამ საკითხზე, მე ცხადად ვამჩნევ, რომ არსებობა შეიძლება მოვაცილოთ ღმერთის არსებას არა მეტის უფლებით, ვიდრე სწორხაზიანი სამკუთხედის არსებას შეიძლება მოვაცილოთ ის, რომ მისი კუთხეთა ჯამის სიდიდე უდრის ორ სწორ კუთხეს; ანდა მთის იდეას შეიძლება მოვა-

¹ Actuelle.

² Existence.

³ Essence.

ცილოთ ბარის იღვა. ასე რომ არა ნაკლებ ძნელია ვიაზროთ ღმერთი ან უაღრესად სრული არსება, რომელსაც აკლია არსებობა, ე. ი. აკლია რაღაც სისრულე, ვიდრე ვიაზროთ მთა, რომელსაც თან არ ახლავს ბარი.*

* მაგრამ, კიდევაც რომ მე არ შემეძლოს ღმერთი ვიაზრო არსებობის გარეშე, ისე როგორც არ შემეძლია მე მთა ვიაზრო უბაროდ, მაინც ძალაში რჩება შემდეგი: იქიდან, რომ მე მთას განვიაზრებ ბარიანად, არ გამომდინარეობს ის, თითქოს ქვეყანაზე არსებობდეს რაიმე მთა, სწორედ ამგვარადვე იქიდან, რომ მე ღმერთს განვიაზრებ როგორც არსებულს, არ გამომდინარეობს, რომ ღმერთი არსებობს: ჩემი აზროვნება ხომ ვერ აკისრებს საგნებს რაიმე აუცილებლობას, და მსგავსად იმისა, რომ ზე შემეძლია წარმოვიდგინო ფრთოსანი ცხენი, თუმცა არც ერთ არსებულ ცხენს არ აქვს ფრთა, ამნაირადვე განა არ შემეძლია მე მივაწერო არსებობა ღმერთს, თუმცა შესაძლებელია არ მოიპოვებოდეს არავითარი ღმერთი, რომელიც არსებობდეს? სრულიადაც არა! სწორედ აქ არის სოფიზმი, რომელიც დამალულია ამ შეპასუხების გარეგნულობაში, და აი რატომ: იქიდან, რომ მე არ შემეძლია ვიაზრო მთა-უბაროდ, გამომდინარეობს არა ის, რომ ქვეყანაზე არსებობდეს რაიმე მთა ან რაიმე ბარი, არაჩედ მხოლოდ ის, რომ მთა და-ბარი (მიუხედავად იმისა, არსებობენ ისინი თუ არა) განუყრელი არიან ერთმანეთისაგან; ნაცვლად ამისა კი იქიდან მხოლოდ, რომ მე არ შემეძლია ღმერთი ვიაზრო როგორც არარსებული, გამომდინარეობს, რომ არსებობა განუყრელია ღმერთისაგან და რომ, მაშასადამე, ღმერთი არსებობს ქეშმარიტად. ჩემი აზროვნება კი არ ქმნის იმას, რომ ეს ასე იყოს, ჩემი აზროვნება კი არ აკისრებს საგნებს რაიმე აუცილებლობას, არამედ, პირუკუ, თვით საგანში არსებული აუცილებლობა, ე. ი. ღმერთის არსებობის აუცილებლობა, მაიძულებს მე, რათა მქონდეს ასეთი აზრი, მე არ შემეძლია ვიაზრო ღმერთი არსებობას მოკლებულად (ე. ი. უაღრესად სრული არსება უზენაეს სისრულეს მოკლებულად), აი როგორც შემეძლია წარმოვიდგინო ცხენი თუ მინდა უფრთოდ, თუ მინდა ფრთებიანად.

არ უნდა აგრეთვე ითქვას ასე: მას შემდეგ, რაც მე დავუშვი, რომ ღმერთს აქვს ყოველგვარი სისრულე, მართლაც აუცილებელია ვალიარო, რომ ღმერთი არსებობს (ვინაიდან არსებობა არის ერთ-ერთი სისრულე), მაგრამ პირველი ჩემი დაშვება არ იყო აუცილებელი, ისე როგორც არ არის აუცილებელი ვიფიქროთ, თითქოს ყოველი ოთხგვერდიანი ფიგურა წე-იძლება წრეში იქნეს ჩაწერილი: თუ კი დავუშვებთ ამ უკანასკნელ აზრს, მაშინ იძულებული ვიქნებით ვალიაროთ, რომ რომბი შეიძლება წრეში იქნეს ჩაწერილი, ვინაიდან რომბი არის ოთხგვერდიანი ფიგურა, და ამრიგად იძულებული ვიქნებით გამოვთქვათ მცდარი აზრი. ასეთი თქმა, ვიმეორებ, არ შეიძლება აქ საბუთად იქნეს მოყვანილი, ვინაიდან, აუცილებელიც რომ არ იყოს, რათა მე ოდესმე გამიჩნდეს აზრი ღმერთზე. მაინც ყოველთვის, (როდესაც მე მიხდება ვიფიქრო პირველი და უზენაესი არსის შესახებ და ამოვიღო მისი იდეა, ასე ვთქვათ, ჩემი გონების საუნჯიდან, აუცილებელია, რათა მე მივაწერო მას ყოველგვარი სისრულე, თუმცა მე, შეიძლება, არ მქონდეს ყველა ესენი ჩამოთვლილი და თითოეულ მათგანზე ცალკე ჩემი ყურადღება მიპყრობილი. და ეს აუცილებლობა საკმარისია იმისათვის, რათა მე შემდეგ (როცა შევიცნობ, რომ არსებობა არის სისრულე) მართებულად დავასკვნა, რომ ეს პირველი და უზენაესი არსება არსებობს. სწორედ ამგვარადვე არ არის აუცილებელი, რომ მე ოდესმე წარმოვიდგინო სამკუთხედი, მაგრამ ყოველთვის, როდესაც მე წარმოვიდგენ მხოლოდ სამი კუთხისაგან შედგარ სწორხაზოვან ფიგურას, აბსოლუტურად აუცილებელია, რათა მივაწერო მას ყველაფერი ის, რაც საჭიროა იმ დასკვნის გასაკეთებლად, რომ მისი სამი კუთხე არ აღემატება ორ მართ კუთხეს, თუმცა შესაძლებელია, რომ მე ამაზე მაშინ განსაკუთრებულად არც კი ვფიქრობდე. მაგრამ, როდესაც მე ვიკვლევ, რანაირი ფიგურები შეიძლება ჩაწერილ იქნეს წრეში, სრულიად არ არის აუცილებელი ვიფიქრო, თითქოს ყველა ოთხკუთხედი ამ კატეგორიას ეკუთვნის; პირიქით, ექვდაც კი არ შემიძლია ვიფიქრო, რომ ეს ასეა, სანამ მექნება სურვილი არაფერი და-

ვუშვა ჩემს აზრში ისეთი, რაც მე არ შემეძლება ნათლად და გარკვეულად ვიაზრო. მაშასადამე, არის დიდი განსხვავება ყალბ ნაფარაუდევსა, როგორცა გვაქვს ზემოთ მოყვანილ მაგალითში, და იმ ჭეშმარიტ იდეებს შორის, რომლებიც დაბადებულია ჩემთან ერთად¹ და რომელთა რიცხვში პირველი და უმთავრესი არის ღმერთის იდეა. ვინაიდან მე მართლა მრავალნაირად შევიცნობ, რომ ეს იდეა არ არის მოგონილი და მხოლოდ ჩემი მოაზრებისაგან დამოკიდებული, არამედ იგი არის ჭეშმარიტი და უცვლელი ბუნების სახე²: უწინარეს ყოვლისა იმიტომ, რომ გარდა ღმერთისა მე არ შემიძლია მოვიფიქრო სხვა რომელიმე საგანი, რომლის არსებას აუცილებლად ეკუთვნოდეს არსებობა; შემდეგ ამისა აგრეთვე იმიტომ, რომ მე არ შემიძლია მოვიაზრო ორი ან რამდენიმე ისეთივე ღმერთი, როგორც არის იგი; და თუ დაშვებულია, რომ ამეამად არსებობს ერთი ასეთი ღმერთი, მაშინ ჩემთვის ნათელია, რომ აუცილებელია, რათა იგი უწინაც არსებულყოფიერ უკუნიითი³ და მომავალშიაც არსებობდეს უკუნისამდე; დაბოლოს კი იმიტომ, რომ მე შევიმეცნებ ღმერთში მრავალ სხვა საგანს, რომლებშიაც მე არაფერი შემიძლია შევამცირო ან შევცვალო.

ესეც რომ არ იყოს, მაინც, რა საბუთიც არ გამოვიყენო, საჭირო ხდება ყოველთვის ისევ იმას დავუბრუნდე, რომ მხოლოდ იმას, რასაც მე შევიმეცნებ ნათლად და გარკვეულად, აქვს ძალა მე საფასებით დამაჯეროს. და თუმცა იმ საგანთა შორის, რომლებსაც მე შევიმეცნებ ამნაირად, მართლაც არის ზოგიერთი, ყველას მიერ აშკარად ცნობილი, და არის აგრეთვე ზოგიერთი, რომელსაც ამჩნევს მხოლოდ ის, ვინც მას უფრო ახლო აკვირდება და უფრო ზუსტად სინჯავს,—მაინც, თუ კი ისინი ერთხელ აღმოჩენილია, მაშინ ერთ-ერთ მათგანს არ თვლიან უფრო ნაკლები ნდობის ღირსად, ვიდრე მეორეს. მაგალითად, ის გარემოება, რომ ყოველ მართკუთხიან სამ-

¹ Les véritables idées qui sont nées avec moi.

² Image.

³ Auparavant de toute éternité.

კუთხედში ფუძის კვადრატი უდრის ორი დანარჩენი გვერდის კვადრატებს, კიდევაც რომ არ იყოს ისევე ცხადად შესამჩნევი, როგორც ცხადია ის, რომ ეს ფუძე მდებარეობს უდიდესი კუთხის პირდაპირ, — მაინც მას შემდეგ, რაც ეს გარემოება ერთხელ შეცნობილ იქნა, ჩვენ ერთის ქვეშარტებაში იმდენადვე დარწმუნებული ვართ, რამდენად მეორისაშიც. ხოლო რაც შეეხება ღმერთს, ცხადია, რომ არ მოიძებნებოდა სხვა საგანი, რომელიც ჩემთვის ამაზე უფრო ადრე და უფრო ადვილად ყოფილიყო შესაცნობი იმ შემთხვევაში, რომ ჩემი გონება არ ყოფილიყო წინასწარ შედგენილი მცდარი შეხედულებებით¹ დაბნელებული და ჩემი აზროვნება არ ყოფილიყო გრძნობისეულ საგანთა წარმოდგენებით გაფანტული. განა თავისთავად არის რაიმე უფრო ნათელი და უფრო აშკარა, ვიდრე ის აზრი, რომ არის ღმერთი, ე. ი. უზენაესი და უსრულესი არსება, რომლის იდეა უკვე შეიცავს აუცილებელს ან მარადიულ არსებობას და რომელიც, მაშასადამე, არსებობს? და თუმცა მე, რათა კარგად შევიმეცნო ეს ქვეშარტება, დამპირდა გონების დიდი სიბეჯითე, ახლა მე ამაში არამცთუ ისევე დარწმუნებული ვარ, როგორც ყველაფერში, რაც მე ძალიან სანდოდ მიმაჩნია, არამედ, გარდა ამისა, მე ვამჩნევ, რომ ყველა დანარჩენი საგნის სიცხადე დამოკიდებულია ამ ქვეშარტების ცოდნაზე ისე აბსოლუტურად, რომ ამ ცოდნის გარეშე შეუძლებელია ოდესმე სხვა რაიმეს სრული ცოდნა.

თუმცა მე იმნაირი ბუნებისა ვარ, რომ, შევიცნობ თუ არა რაიმე საგანს ნათლად და გარკვეულად, მე არ შემიძლია არ მწამდეს მისი ქვეშარტება — მაგრამ ზაინც, რამდენადაც მე ამავე დროს ისეთი ბუნებისა ვარ, რომ არ შემიძლია აზრი განუწყვეტლივ ერთსა და იმავე საგანს მქონდეს მიპყრობილი და, როგორც მაგონდება, ხშირად ჩამითვლია რაიმე ქვეშარტად, იმ დროს როდესაც მე უკვე აღარ ვფიქრობდი იმ საბუთებზე, რომლებმაც მაიძულეს ასეთად ჩამეთვალა იგი, — ამდენად შესაძლებელია, რომ ამ ხნის განმავლობაში მე წარმო-

¹ Préjugés.

მიდგებიან სხვა საბუთები, რომლებიც ადვილად შემაცვლევინებდნენ შეხედულებას, თუ კი არ მეცოდინებოდა, რომ არის ღმერთი. ამრიგად, მე არასოდეს არ მექნებოდა არც ერთ საგანზე ჭეშმარიტი და სანდო მეცნიერება¹, არამედ მექნებოდა მხოლოდ ბუნდოვანი და მერყევი შეხედულებები². აი მაგალითად, როდესაც მე განვიხილავ სწორხაზიან სამკუთხედის ბუნებას, მე, რომელსაც ცოტაოდენ უმეცადინია გეომეტრიაში, ცხადად ვიცი³, რომ მისი სამი კუთხე უდრის ორ მართ კუთხეს, და შეუძლებელია, რომ მე ეს არ მწამდეს იმ დროს, როდესაც მე ჩემი აზრი მიპყრობილი მაქვს მისი დამტკიცებისაკენ. მაგრამ, მოვაშორებ თუ არა ჩემს აზრს ამ დამტკიცებას, მაშინ, კიდევაც რომ კარგად მახსოვდეს მე ის, რომ მე ეს⁴ ნათლად მქონდა გაგებული, ადვილად შესაძლებელია დავექვდე მის ჭეშმარიტებაში, თუ კი მე არ ვიცოქ—რომ არის ღმერთი. ვინაიდან მე შემიძლია დავარწმუნო ჩემი თავი, რომ იმნაირად ვარ ბუნების მიერ შექმნილი, რომ ადვილად ვცდები თვით ისეთ საგანშიც კი, რომელიც, ჩემი რწმენით, მე მესმის უდიდესი სიცხადითა და დამაჯერებლობით⁵; განსაკუთრებით კი, როდესაც მივიღებ მხედველობაში, რომ მე მაგონდება, თუ როგორ ხშირად ჩამითვლია ჭეშმარიტ და ცხად საგნად ბევრი რამ ისეთი, რაც შემდეგ სხვა საბუთების გამო ზე ჩამითვლია აბსოლუტურ შეცდომად.

მაგრამ, რაც მე შევიცანი, რომ არის ღმერთი (რამდენადაც ამავე დროს ვცანი აგრეთვე ისიც, რომ ყველა საგანი დამოკიდებულია მისგან და იგი არ არის მატყუარა), და ამის საფუძველზე გადავწყვიტე, რომ ყველაფერი, რასაც კი შევიცნობ ნათლად და გარკვეულად, არ შეიძლება არ იყოს ჭეშმარიტი,—აი ამის შემდეგ, კიდევაც რომ არ ვფიქრობდე იმ

¹ Science.

² Opinions.

³ Je connois évidemment.

⁴ ე. ი. ის, რომ სამკუთხედის კუთხეთა ჯამი უდრის 2 მართ კუთხეს (მთარგმნ. შენ.).

⁵ Avec le plus d'évidence et de certitude.

საბუთებზე, რომლების გამო მე გადავწყვიტე, რომ ეს დებულება¹ ქეშმარიტია (ოღონდ კი მახსოვდეს, რომ მე იგი ნათლად და გარკვეულად გავიგე), ვერავინ ვერ მომიყვანს მე საწინააღმდეგო საბუთს, რომელიც მაიძულებდა ეჭვი შემეტანა მასში¹, და, მაშასადამე, მე მაქვს მის¹ შესახებ ქეშმარიტი და სარწმუნო მეცნიერება², და იგივე მეცნიერება ვრცელდება აგრეთვე ყოველ საგანზე, რომელიც, მე როგორც მახსოვს, დამიმტკიცებია ოდესმე: ასეთებია გეომეტრიის ქეშმარიტებანი და სხვანი მათი მსგავსნი. მართლაც, რა შეუძლიათ თქვან მათ წინააღმდეგ ისეთი, რაც მე მაიძულებდა ეჭვი შემეტანა მათში? ნუთუ ის, რომ ჩემი ბუნების გამო მე შემიძლია აღვილად შევეცდე? მაგრამ მე ხომ ვიცი უკვე, რომ არ შეიძლება შეცდომა მქონდეს ისეთ მსჯელობაში, რომლის საბუთები ნათლად შეცნობილი მაქვს. ნუთუ იმას იტყვიან, რომ მე ქეშმარიტ და სანდო საგნად ჩამითვლია ბევრი რამ ისეთი, რაც შენდევ მიცვნი, როგორც ყალბი? მაგრამ არც ერთი ასეთი საგანი მე არ შემიცვნი ნათლად და გარკვეულად; და რამდენადაც მე ჯერ კიდევ არ ვიცოდი ის წესი, რომლის საშუალებითაც ვრწმუნდები (აზრის) ქეშმარიტებაში, მე ისინი ისეთი საბუთების გამო მწამდა, რომლებიც შემდეგ ჩემთვის უფრო ნაკლებ სანდოდ აღმოჩენილან, ვიდრე ისინი უწინ მეჩვენებოდნენ. მეტი რა შეიძლება კიდევ თქვან ჩემს საწინააღმდეგოდ? ნუთუ ის, რომ შესაძლებელია მე მეძინოს (როგორც ეს მე თვითონ ვივარაუდე ამაზე წინ), ანდა, რომ ყველა აზრი, რომლებიც მაქვს მე ამჟამად, იმ სიზმრებზე უფრო ქეშმარიტი აღარ იყვნენ, რომლებიც წარმოგვიდგებიან ხოლმე ძილის დროს? მაგრამ კიდევაც რომ მეძინოს, მაინც ის, რაც ჩემს გონებას სიცხადით³ წარმოუდგება, აბსოლუტურად ქეშმარიტია.

¹ იგულისხმება დებულება, რომ სამკუთხედის სამი კუთხე უდრის ორ მართკუთხეს (მთარგმნ. შენ.).

² Une vraie et certaine science.

³ Evidence.

ამრიგად, სავსებით ნათელია ჩემთვის, რომ ყოველი მეცნიერების სიცხადე და ქეშმარიტება¹ დამოკიდებულია მხოლოდ ქეშმარიტი ღმერთის შესახებ ცოდნაზე; ასე რომ, სანამ მე არ მყავდა ღმერთი შეცნობილი, მე არ შემეძლო რაიმე სხვა საგანი სრულად მცოდნოდა. ახლა კი, როდესაც მე იგი ვიცი, მე მაქვს საშუალება შევიძინო სრული ცოდნა უამრავ საგანთა შესახებ,—არა მხოლოდ იმათ შესახებ, რომელნიც ღმერთში არიან, არამედ აგრეთვე იმათ შესახებ, რომელნიც ეკუთვნიან ნივთიერ ბუნებას, რამდენადაც ეს უკანასკნელი შეიძლება იყოს გეომეტრების მტკიცებათა ობიექტად,—გეომეტრების, რომლებიც ყურადღების გარეშე ტოვებენ მის არსებობას.

¹ La certitude et la vérité de toute science.

ბანაზრება მემძვსა

შესახებ ნივთიერ საბანთა არსებობისა და
იმ არსებითი ბანსხვაობისა, როგორც არის კაცის სულსა და
სხეულს შორის

• ახლა მე უკვე ისლა მრჩება გამოსაკვლევად, არსებობენ თუ არა ნივთიერი საგნები. უეჭველია, ის მაინც უკვე ვიცი მე, რომ ნივთიერი საგნები შეიძლება არსებობდნენ, რანდენადაც მათ განიხილავენ, როგორც გეომეტრიის მტკიცებათა ობიექტს, ვინაიდან ამ თვალსაზრისით მე მათ შევიცნობ ძალიან ნათლად და ძალიან გარკვეულად. უეჭველია, ღმერთს შეუძლია შექმნას ყველაფერი, რასაც კი მე შევიცნობ გარკვეულად; და რომ ღმერთს არ შეუძლია რაიმე საგანი შექმნას, მე ეს არასოდეს არ მიფიქრია, თუ არა იმ მოსაზრებით, რომ მე წინააღმდეგობას ვპოულობდი ასეთი საგნის ცნებაში. კიდევ მეტი წარმოდგენის ნიქს, რომელიც არის ჩემში და რომლითაც, როგორც ამას გამოცდილება¹ მატყობინებს, ვსარგებლობ იმ შემთხვევაში, როდესაც განვიხილავ ნივთიერ საგნებს, შეუძლია დამარწმუნოს მე ამ უკანასკნელთა არსებობაში: ვინაიდან, როდესაც მე ყურადღებით განვიხილავ, თუ რა არის წარმოდგენა², ვამჩნევ, რომ იგი სხვა არაფერია, თუ არა შემეცნების ნიქის ერთგვარი მიყენება სხეულისადმი, რომელიც მის წინაშე ინტიმურად დგას და რომელიც, მასადადამე, არსებობს.

რათა ეს ნათლად ვაქციო, მე უწინარესად აღვნიშნავ განსხვავებას წარმოდგენასა და წმინდა გაგებას ან მიწვდომას შორის³. მაგალითად, როდესაც მე წარმოვიდგენ სამკუთხედს,

¹ Expérience.

² Imagination (ამავე სიტყვით აღინიშნება წარმოსახვა).

³ Intellection ou conception.

მე მხოლოდ იმას კი არ შევიცნობ, რომ ის არის სამი ხანისაგან შედგენილი ფიგურა, არამედ ამასთან ერთად მე ჩემი გონების ძალისა და შინაგანი მიმართვის¹ საშუალებით განვკვრეტ ამ სამ ხაზს, თითქოს ჩემ წინაშე მდგომთ². სწორედ აქ ამას ვეძახი მე წარმოდგენას. როდესაც კი მე მსურს ვიფიქრო ხილიოგონზე³, მე ქეშმარიტად ვწვდები, რომ ის არის ათასი გვერდისაგან შემდგარი ფიგურა --- ვწვდები ისევე ადვილად, როგორც იმას, რომ სამკუთხედი არის მხოლოდ სამი გვერდისაგან შედგენილი ფიგურა, — მაგრამ მე არ შემიძლია წარმოვიდგინო ხილიოგონის ათასი გვერდი ისე, როგორც წარმოვიდგენ ხოლმე სამკუთხედის სამ გვერდს, და არც, ასე ვთქვათ, ჩემი გონების თვალებით შემიძლია ვუცქირო მათ, თითქოს ჩემ წინაშე მდგომთ. და თუმცა იმ ჩვეულების გამო, რომ მე ნივთიერ საგნებზე ფიქრის დროს ყოველთვის ვსარგებლობ წარმოსახვის ნიჭით, ზოგჯერ ხილიოგონის გააზრებისას მე ბუნდოვანად წარმოვიდგენ რაღაც ფიგურას, მაგრამ ცხადია, რომ ეს ფიგურა არ არის ხილიოგონი, რადგანაც იგი არაფრით არ განირჩევა იმ ფიგურისაგან, რომელსაც მე წარმოვიდგენდი იმ შემთხვევაში, რომ მეფიქრა მირიოგონზე ან სხვა რომელიმე მრავალი გვერდის მქონე ფიგურაზე, და არაფრით არ მეხმარება იმ თვისებათა აღმოჩენაში, რომელნიც ხილიოგონს სხვა პოლიგონებისაგან განასხვავებენ. როდესაც კი საკითხი ეხება პენტაგონის განხილვას, მაშინ, მართალია, მე შემიძლია შევიცნო მისი ფიგურა (ისე როგორც ხილიოგონის ფიგურაც) წარმოდგენის დაუხმარებლად, მაგრამ მე იგი შემიძლია აგრეთვე წარმოვიდგინო, თუ ჩემი გონების ყურადღებას მივაპყრობ თითოეულ მის გვერდს და მთელ იმ სივრცეს, რომელსაც ეს გვერდები მოიცავენ. ამრიგად მე ნათლად ვიცი; რომ, *რათა რამე წარმოვიდგინო, მჭირია გონების განსაკუთ-

¹ L'application intérieure de mon esprit.

² Comme présentes.

³ ხილიოგონი ეწოდება 1000 გვერდისაგან შედგენილ პლანიმეტრიულ ფიგურას (მთარგმნ. შენ.).

რებული დაძაბვა, რომლითაც მე სრულიად არ ვსარგებლობ იმისათვის, რათა რამე გავიგო¹, და გონების ეს განსაკუთრებული დაძაბვა ცხადად აჩვენებს განსხვავებას წარმოდგენასა და წმინდა გააზრებას ა გავებას შორის². გარდა ამისა, მე ვამჩნევ, რომ ეს წარმოდგენის უნარი, რომელიც მე მაქვს, რამდენადაც იგი განსხვავდება გავების უნარისაგან³, სრულიადაც არ არის აუცილებელი ჩემი ბუნებისათვის ან ჩემი არსებისათვის, ე. ი. ჩემი გონების არსებისათვის. ვინაიდან, კიდევაც რომ არ მქონებოდა მე წარმოდგენის უნარი, მე მაინც უეჭველად იგივე დავრჩებოდი, რაც ამჟამად ვარ. აქედან კი, როგორც ჩანს, შეიძლება იმ დასკვნის გამოყვანა, რომ წარმოდგენის უნარი დამოკიდებულია რაღაც ისეთი რამისაგან, რაც ჩემი გონებისაგან განსხვავდება. და ჩემთვის ადვილად გასაგებია ის, რომ, თუ არსებობს რაიმე სხეული, რომელთანაც ჩემი გონება ისე არის დაკავშირებული და შეერთებული, რომ მას, როდესაც კი მოესურვება, შეუძლია მიიქცეს მის საჭკრეტად, მაშინ შესაძლებელია, რომ იგი წარმოიდგენს ნივთიერ საგნებს ამ საშუალებით. ანრიგად აზროვნების ეს სახე⁴ განსხვავდება წმინდა გააზრებისაგან⁵ მხოლოდ იმით, რომ გონება, როდესაც იგი გააზრებას აწარმოებს, მაშინ თავის თავისაგან არის მიქცეული და განიხილავს ერთ-ერთს იმ იდეათა შორის, რომელნიც მას თავის თავში აქვს; ხოლო, როდესაც გონება წარმოიდგენს, მაშინ იგი მიქცეულაა სხეულისაგან და განიხილავს მასში იმ იდეის შეცატყვის რაიმე საგანს, რომელიც მასვე თვითონ შეუქმნია ანდა მიუღია გრძნობების საშუალებით. • რომ წარმოდგენა შეიძლება ამნაირად გაჩნდეს, თუ მართალია, რომ სხეულები არსებობენ, ეს ჩემთვის, ვამბობ მე, ადვილად გასაგებია. და ვინაიდან მე ვერ ვპოულობ ვერავითარ სხვა გზას, რომელიც

¹ Concevoir ou entendre.

² L'intellection ou conception.

³ La puissance de concevoir.

⁴ Cette façon de penser.

⁵ La pure intellection.

ამიხსნიდა მის გაჩენას, ამიტომ—მე აქედან საეგებისოდ დავასკენი, რომ სხეულები ალბათ არსებობენ, მაგრამ მხოლოდ საეგებისოდ. და თუმცა მე ბეჯითად ვსინჯავ ყველაფერს, მე მაინც ვერ ვამჩნევ, რომ შემეძლოს ნივთიერი ბუნების იმ გარკვეული იდეისაგან, რომელიც მაქვს ჩემს წარმოდგენაში, გამოვიტანო საბუთი, რომელიც აუცილებლობის ძალით დადასტურებდა რაიმე სხეულის არსებობას.*

მაგრამ, გარდა ამ ნივთიერი ბუნებისა, რომელიც არის გეომეტრიის საგანი, მე ნივეჩვიე (მართალია, ნაკლები გარკვეულობით) წარმოვიდგინო სხვა რამ მრავალი, სახელდობრ, ფერი, ბგერა, გემო, ტკივილი და სხვა ამათი მსგავსი. და რამდენადაც მე მათ ბევრად უკეთესად ვამჩნევ გრძობებით (ამ გრძობებისა და მეხსიერების საშუალებით აღწევენ ისინი, როგორც ჩანს, ჩემი წარმოდგენის უნარამდე), ამდენად მე დარწმუნებული ვარ, რომ მათი გასინჯვა უფრო მოხერხებული იქნება, თუ მე გავსინჯავ ამავე დროს, რას ნიშნავს გრძობა, და გავარკვევ, ხომ არ შეიძლება რომ აზროვნების იმ სახისაგან მიღებულმა იდეებმა, რომლებსაც მე „გრძობას“ ვეძახი, მომაწოდონ ნივთიერ საგანთა არსებობის რაიმე საბუთი.

უწინარეს ყოვლისა მე გავიხსენებ, რა იყვნენ გრძობათა საშუალებით მიღებული ის საგნები, რომლებიც ამაზე წინ მიმაჩნდა ნამდვილ საგნებად, და რა საფუძველზე იყო დამყარებული ჩემი რწმენა მათდანი. შემდეგ მე გავსინჯავ იმ საბუთებს, რომლებმაც მერე მაიძულეს ექვით მოვკიდებოდი მათ. დაბოლოს კი გავსინჯავ, თუ რა უნდა მწამდეს მათ შესახებ ამჟამად.

მაშ ასე: უწინარეს ყოვლისა მე ვგრძნობდი, რომ მქონდა თავი, ხელები, ფეხები და ყველა დანარჩენი ასო, რისგანაც შედგება ის სხეული, რომელიც მიმაჩნდა მე ჩემი საკუთარი თავის ნაწილად ანდა, შესაძლებელია, მთელ ჩემ არსებად; კიდევ მეტი—მე ვგრძნობდი, რომ ეს სხეული მოთავსებული იყო მრავალ სხვა სხეულთა შორის, რომელთაგანაც მას შეეძლო მიეღო სხვადასხვა შევიწროება ან შეება. ამ შეე-

ბას მე ვამჩნევდი სიამოვნების ან განცხრომის რაღაც გრძნობით, ხოლო შევიწროებას ვამჩნევდი ტკივილის გრძნობით. გარდა ამ სიამოვნებისა და ამ ტკივილისა, მე ვგრძნობდი ჩემს თავში კიდევ შიმშილს, წყურვილს და სხვა ამათ მაგვარ წადილს¹, ისე როგორც სხვადასხვა სხეულებრივ მიღრეკილებებს² სიხარულის, მწუხარების, რისხვის და სხვა ამგვარ ვნებათა მიმართ. ჩემ გარეშე კი ვამჩნევდი სხეულებში—განფენილობის, ფიგურის, სხეულთა მოძრაობის გარდა—სიმაგრეს, სითბოს და ყველა იმ თვისებას, რომლებიც შეხებას ექვემდებარებიან; კიდევ მეტი—მე ვამჩნევდი იქ სინათლეს, ფერებს, გემოს, ბგერებს, რომელთა სხვადასხვაობა მაძლევდა საშუალებას გამერჩია ერთმანეთისაგან ცა, მიწა, ზღვა და საზოგადოდ ყველა სხვა სხეული. და ყველა იმ თვისების იდეათა მიხედვით, რომლებიც ჩემს აზრს წარმოუდგებოდნენ ხოლმე და რომლებსაც საკუთრივ და უშუალოდ ვგრძნობდი მე მხოლოდ, არ იყო უსაფუძვლო ის ჩემი რწმენა, რომ მე ვგრძნობდი ჩემი აზროვნებისაგან სრულიად განსხვავებულ საგნებს, სახელდობრ, სხეულებს, რომლებსაგანაც მომდინარეობდნენ იდეები. მართლაც, მე გამოცდილებით ვიცოდი³, რომ ეს იდეები წარმოუდგებოდნენ ჩემს აზრს ჩემი თანხმობის საჭიროების გარეშე, ასე რომ, ძალიანაც რომ მდომებოდა, მე არ შემეძლო მეგრძნო რაიმე საგანი, თუ ეს უკანასკნელი არ იდგა ერთ-ერთი ჩემი გრძნობის ორგანოს წინაშე. არც ის იყო ჩემს ძალაში, რომ მე არ მეგრძნო საგანი, თუ იგი იდგა ჩემი გრძნობის ორგანოს წინაშე. და რადგანაც გრძნობათა საშუალებით მიღებული იდეები ბევრად უფრო ცოცხალი, უფრო მეტად ნათელი და თავისებურად უფრო მეტად გარკვეულიც იყვნენ, ვიდრე რომელიმე თვითონ ჩემ მიერ მოგონილი ან ჩემს მეხსიერებაში აღბეჭდილი იდეა, ამიტომ მეგონა, რომ იმ იდეებს არ შეეძლოთ ჩემი გონებიდან ყოფილიყვნენ წარმოშობილი, და ამრიგად აუცილებელი იყო, რომ

¹ Appétits.

² Inclinations.

³ J'expérimentais.

ისინი ჩემში გამოწვეული ყოფილიყვნენ რაიმე სხვა საგნების მიერ. ხოლო, რაკი ამ საგნების შესახებ მე არ მქონდა სხვა ცოდნა, გარდა იმისა, რომელსაც მაწვდიდნენ იგივე იდეები, ამიტომ მე აღარ შემეძლო მეფიქრა სხვა რაზე, თუ არა ის, რომ ეს საგნები ემსგავსებიან იმ იდეებს, რომლებიც მათვე გამოიწვიეს. ვინაიდან მე მაგონდებოდა აგრეთვე, რომ გრძნობებს უფრო ადრე ვხმარობდი, ვიდრე გონებას, და შენიშნული მქონდა, რომ ჩემ მიერ შექმნილი იდეები ისევე ნათელი არ იყვნენ, როგორც გრძნობათა მიერ მოწოდებული იდეები, და ძალიან ხშირად ამ უქანასკნელთა ნაწილებისაგანაც კი იყვნენ ისინი შედგენილი. ამიტომ მე ადვილად დავარწმუნე ჩემი თავი, რომ აღარ მქონდა ჩემს გონებაში არც ერთი ისეთი იდეა, რომელსაც წინასწარ არ გაველოს ჩემი გრძნობები¹. უსაფუძვლო არ იყო აგრეთვე ჩემი რწმენაც, რომ ის სხეული, რომელსაც მე რაღაც განსაკუთრებული უფლებით ვთვლიდი ჩემად, მეკუთვნოდა მე უფრო საკუთრად და უფრო დაახლოებულად, ვიდრე რომელიმე სხვა სხეული. მართლაც, მე არასოდეს არ შემეძლო მისგან განშორება, როგორც შემეძლო ეს სხვა სხეულისაგან; მასში და მისთვის ვგრძნობდი ზე ყველა ჩემს ნდომას² და ვნებას³; დაბოლოს, მე მიჩნდებოდა სიამოვნებისა და ტკივილის გრძნობები მის ნაწილებში და არა მისგან განცალკევებულ სხვა სხეულთა ნაწილებში. მაგრამ, როდესაც მე ვსინჯავდი, თუ რატომ მოსდევდა ტკივილის რაღაც გრძნობას მწუხარება⁴ გონებაში და რატომ ჩნდებოდა სიამოვნების გრძნობისაგან სიხარული⁵, ანდა რატომ აჩენდა ჭამის სურვილს სტომაქის ის რაღაცნაირი აგზნება⁶, რომელსაც მე შიმშილს ვეძახი, ხოლო დაღვევის სურვილს—ხახის

¹ აქ მოცემულია არისტოტელის ცნობილი სენტენციის რემინისცენცია: *Nihil est in intellectu, quod non antea fuerit in sensu.*

² Appétits.

³ Affections.

⁴ La tristesse.

⁵ La joie.

⁶ Émotion.

სიმშრალე და ა. შ., მე არ შემედლო მომეყვანა ამის რაიმე სხვა საბუთი გარდა იმისა, რომ ბუნებამ მასწავლა მე ეს ამნაირად. მართლაც, არავითარი ნათესაობა¹ და არავითარი ისეთი მიმართება, რომლის გაგებაც მე შემედლოს, არ არსებობს კუქის აგზნებასა და ქამის სურვილს შორის, ისე როგორც იმ საგნის გრძნობასა, რომელიც იწვევს ტკივილს, და მწუხარების იმ განცდას² შორის, რომელსაც აწინს ეს გრძნობა. ამნაირადვე მეგონა მე, რომ ყველაფერი ის, რასაც მე ვფიქრობდი ჩემი გრძნობების საგანთა შესახებ, ბუნებისაგან მქონდა ნასწავლი, ვინაიდან ვამჩნევდი, რომ გრძნობისეულ საგანთა შესახებ ჩემი ჩვეულებრივი მსჯელობები მე უფრო ადრე მიჩნდებოდნენ, ვიდრე მექნებოდა მოცალეობა ამეწონ-დამეწონა და განმეხილა ის საბუთები, რომლებსაც შეეძლოთ ამ მსჯელობათა გაკეთება მოეთხოვათ ჩემგან.

მაგრამ შემდეგ მრავალმა დაკვირვებამ ნელ-ნელა დაანგრია მთელი ჩემი ნდობა გრძნობათა მიმართ, ვინაიდან მე ბევრჯერ შემიმჩნევია, რომ კოშკები, რომლებიც შორიდან მრგვალი მეჩვენებოდნენ, ახლოს მისვლისას ოთხკუთხიანი აღმოჩნდებოდნენ, ხოლო ვეება ქანდაკებები, რომლებიც ამ კოშკების მწვერვალებზე იყვნენ აღმართული, ქვევიდან პატარა ძეგლებად მეჩვენებოდნენ. უამრავ სხვა შემთხვევებშიც ამნაირადვე მე აღმომიჩინია შეცდომა გარეგან გრძნობებზე დამყარებულ მსჯელობებში. და არა მხოლოდ გარეგან, არამედ შინაგან გრძნობებშიაც: მართლაც, არის განა უფრო ინტიმური და უფრო მეტად შინაგანი გრძნობა, ვიდრე ტკივილი? მაგრამ, მე გამიგონია ზოგიერთი პირებისაგან, რომლებსაც ხელი ან ფეხი ჰქონდათ მოკრილი, რომ მათ მოჩვენებით, თითქოს ტკივილს გრძნობდნენ თავისი სხეულის იმ ნაწილში, რომელიც უკვე აღარ ჰქონდათ, და ეს მაძლედა საბაბს მეფიქრა, რომ მეც, მიუხედავად იმისა, რომ ვგრძნობდი ტკივილს ამა თუ

¹ Affinité.

² დედანშია: la pensée de tristesse, რაც ზუსტად ნიშნავს „მწუხარების აზოს“: დეკარტისათვის, როგორც ინტელექტუალისტიკისათვის, მწუხარების განცდა არის აზროვნების მოვლენა (მთარგმნ. შენ.).

იმასოში, არ შემეძლო მაინც სრულიად დარწმუნებული ვყოფილიყავი იმაში, რომ ეს ასო მართლა მტკივოდა. ცოტა ხნის შემდეგ დაექვების ამ საბუთებს მე მივუმატე კიდევ ორი ფრიალ ზოგადი ხასიათის საბუთი: პირველი საბუთი ის არის, რომ მღვიძარედ ყოფნის დროს მე არავითარი ასეთი გრძობის განცდა არ მომჩვენებია, რომელიც არ შეიძლებოდა განცდილად მომჩვენებოდა აგრეთვე ძილში ყოფნისას; ხოლო, ვინაიდან მე არ მწამს, რომ ის, რის შეგარძნებაც მე ძილში მეჩვენება, მომდინარეობდეს ჩემ გარეშე არსებული საგნისაგან, ამიტომ მე არ ვიცოდი, რატომ უნდა მქონოდა ასეთი რწმენა მეტის უფლებით იმის მიმართ, რის შეგარძნებაც მე მღვიძარედ ყოფნისას მეჩვენება. მეორე საბუთი კი ის არის, რომ მე, რამდენადაც ჯერ კიდევ არ ვიცნობდი (ან, უკეთ რომ ითქვას, ვიგონებდი, თითქოს აღარ ვიცნობდი) ჩემი არსების შემოქმედს, ამდენად აღარ ვამჩნევდი არაფერს ისეთს, რასაც შეეძლო წინააღმდეგობა გაეწია იმისათვის, რათა მე ბუნებით იმნაირად ვყოფილიყავ შექმნილი, რომ ვტყუვდებოდე თვით ისეთ საგნებში, რომლებიც მე ყველაზე უფრო ჭეშმარიტად მეჩვენებიან. და ჩემთვის ძნელი არ იყო პასუხი გამეცა იმ საბუთებზე, რომლებიც ამაზე წინ მაჯერებდნენ გრძობისეულ საგანთა ჭეშმარიტებაში. მართლაც, რაკი ბუნება თითქოს მიზიდავდა მე მრავალი ისეთი საგნისაკენ, რომლისაგანაც მე გონება მაფრთხილებდა, ამიტომ მე არ ვფიქრობდი, რომ ვალდებული ვიყავი ძალიან მივინდობოდი ამ ბუნების დარიგებებს. და თუმცა ის იდეები, რომლებსაც მე ვიღებ გრძობათა საშუალებით, სრულიად არაა ჩემი ნებისაგან დამოკიდებული, მაგრამ მე არ ვფიქრობდი, რომ ამის გამო ვალდებული ვყოფილიყავი ის დასკვნა გამეკეთებია, რომ ეს იდეები მომდინარეობენ უცხო საგნებისაგან, ვინაიდან შესაძლებელია ჩემში მოიპოვებოდეს ისეთი (ჩემთვის ჯერ კიდევ უცნობი) უნარი, რომელიც შეიძლება იყოს ამ იდეების მიზეზი და ჰქმნიდეს მათ.

მაგრამ ახლა, როდესაც მე ვიწყებ ჩემი თავის უკეთესად შეგნებას და ჩემი შემოქმედი მიზეზის უფრო ნათელ შემეც-

ნებას, მე უკვე, სიმართლე რომ ითქვას, აღარ ვფიქრობ, რომ ვალდებული ვარ თამამად დაეუშვა ყველაფერი, რასაც გრძნობა გვიჩვენებს; მაგრამ მე არც იმას ვფიქრობ, რომ ვალდებული ვარ საზოგადოდ ყველაფერი ეს ექვის ქვეშ დავაყენო.

უწინარეს ყოვლისა, რადგანაც მე ვიცი, რომ ყველაფერი, რასაც შევიცნობ ნათლად და გარკვეულად, შეიძლება შექმნილი იყოს ღმერთის მიერ ისეთად, როგორც მე მას შევიცნობ, ამიტომ საკმარისია, რომ მე შემეძლოს ნათლად და გარკვეულად შევიცნო ერთი რომელიმე საგანი უმეორისოდ, რათა ამით ცხადი შეიქნეს ჩემთვის, რომ ერთი განსხვავებულია მეორისაგან, ვინაიდან ისინი შეიძლება განცალკევებულნი იყვნენ ერთმანეთისაგან, სხვა რომ არ იყოს რა, ყოვლისშემძლე ღმერთის მიერ. და რა ძალისაგანაც არ მოხდეს ეს განცალკევება, ამას არ აქვს მნიშვნელობა იმისათვის, რათა ვალდებული ვიყოთ ვაღიაროთ ამ საგანთა განსხვავება. მაშასადამე, უკვე იქიდან, რომ სანდოდ ვიცი, რომ მე ვარსებობ, და ამავე დროს სრულიად არ ვამჩნევ, რომ ჩემს ბუნებას ან ჩემს არსებას აუცილებლად ეკუთვნოდეს რაიმე სხვა, გარდა იმისა, რომ მე ვარ მოაზროვნე საგანი, მე სრული უფლებით დავასკვნი, რომ ჩემი არსება¹ შედგება მხოლოდ იმაში, რომ მე ვარ მოაზროვნე საგანი ან ისეთი სუბსტანცია, რომლის მთელი არსება ან ბუნება² არის მხოლოდ აზროვნება. და თუმცა შესაძლებელია, ან უკეთ, *ცხადია (როგორც მე ამას ვიტყვი შემდეგ), რომ მე მაქვს სხეული, რომელთანაც ძალიან ვიწროდ ვარ დაკავშირებული, მაგრამ, რამდენადაც ერთი მხრით მე მაქვს ნათელი და გარკვეული იდეა ჩემს თავზე, რომ მე ვარ მხოლოდ ისეთი საგანი, რომელიც აზროვნებს და განუფენელია, ხოლო, მეორე მხრით, მაქვს გარკვეული იდეა სხეულზე, რომ ის არის მხოლოდ განუფენილი და არა მოაზროვნე საგანი, ამდენად ცხადია, რომ ჩემი მე, ე. ი. ჩემი სული, რომლის გამო ვარ მე ის, რაც ვარ, მთლად და ქვეშაირითად

¹ Mon essence.

² L'essence ou la nature.

განსხვავებულია ჩემი სხეულისაგან, და მას შეუძლია უმისოდ¹ იყოს ან იარსებოს². -

კიდევ მეტი: მე ვპოულობ ჩემს თავში აზროვნების სხვადასხვა უნართ, რომელთაგან თითოეულს თავისი საკუთარი თვისება აქვს: მაგალითად, მე ვპოულობ ჩემს თავში წარმოდგენისა და შეგრძნების უნარებს, ურომლებსოდაც მე შემიძლია ნათლად და გარკვეულად შევიმეცნო ჩემი თავი სულ მთლად, მაგრამ მე არ შემიძლია პირუკუ შევიმეცნო ისინი უჩემოდ, ე. ი. გაგების მქონე იმ სუბსტანციის გარეშე, რომელსაც ისინი უკავშირდებიან ან ეკუთვნიან. ვინაიდან იმ ცნებაში, რომელიც ჩვენ გვაქვს ამ უნართა შესახებ ან (სკოლის ტერმინი რომ გამოვიყენოთ) თავის გაფორმებულ კონცეპტში³, ისინი შეიცავენ გაგების რალაც სახეობას—აი აქედან მე მესმის, რომ ისინი იმნაირადვე განსხვავდებიან ჩემგან, რანაირადაც საგნის სახეცვლილებანი⁴ განსხვავდებიან საგნისაგან. მე ვიცი რომ აგრეთვე სხვა უნართ, როგორცაა უნარი ადგილის გამოცვლისა, უნარი სხვადასხვა მდგომარეობის მიღებისა და მათი მსგავსნი. ეს უნარებიც (არა ნაკლებ, ვიდრე უწინ ხსენებულნი) არ შეიძლება წარმოდგენილ იქნენ გარეშე რაიმე სუბსტანციისა, რომელთანაც ისინი დაკავშირებული უნდა იყვნენ, და არც. მაშასადამე, შეიძლება არსებობდნენ ამ სუბსტანციის გარეშე. პირიქით, ცხადია, რომ ეს უნარები (თუ ისინი მართლა არსებობენ) უნდა ეკუთვნოდნენ რომელიმე ნივთიერ ან განფენილ სუბსტანციას და არა გაგების მქონე სუბსტანციას, ვინაიდან მათ ნათელსა და გარკვეულ ცნებაში მოცემულია რალაცნაირი განფენილობა, მაგრამ სრულიადაც მოცემული არ არის გაგება.

გარდა ამისა, მე არ შემიძლია არ მიჯეროდეს, რომ მაქვს რალაც პასიუური უნარი შეგრძნებისა, ე. ი. გრძობისეულ საგანთა იღებების მიღებისა და ცნობისა. მაგრამ ეს უნარი ჩემთვის უსარგებლო იქნებოდა და მე მას ვერაფრად ვერ

¹ ე. ი. ჩემს „მე“-ს ან სულს შეუძლია იყოს უსხეულოდ.

² Être ou exister sans lui.

³ Concept formel.

⁴ Modes.

გამოვიყენებდი, თუ ჩემში ან სხვა რომელიმე არსებაში არ იქნებოდა, გარდა ამისა, სხვა აქტიური უნარი, რომელსაც შეიძლება ამ იდეების შექმნა და გამოწვევა. მაგრამ ეს აქტიური უნარი არ შეიძლება მოიპოვებოდეს ჩემში, რამდენადაც მე ვარ მხოლოდ მოაზროვნე საგანი, ვინაიდან ეს უნარი არ გულისხმობს ჩემს აზროვნებას და, გარდა ამისა, ეს იდეები წარმომიდგებიან, ხშირად ყოველგვარი ჩემი დახმარების გარეშე, ზოგჯერ კი ჩემი ნების წინააღმდეგ. მაშასადამე, აუცილებელია, რომ ეს აქტიური უნარი იმყოფებოდეს ჩემგან განსხვავებულ სუბსტანციაში, სადაც, როგორც მე ეს ზევით აღვნიშნე, მთელი რეალობა, რომელიც ამ უნარით შექმნილ იდეებში ობიექტურად მოიპოვება, მოთავსებული უნდა იყოს გაფორმებულად ანდა ემინენტურად¹, და ეს სუბსტანცია ან არის სხეული, ე. ი. ნივთიერი არსება, რომელიც გაფორმებულად და ნამდვილად შეიცავს ყველაფერს, რაც ობიექტურად და წარმოდგენით იმყოფება ამ იდეებში, ან არის თვით ღმერთი ან სხვა, სხეულზე უფრო კეთილშობილი რაღაც ქმნილება, რომელიც ამასვე ემინენტურად შეიცავს. მაგრამ, რაკი ღმერთი არ არის მატყუარა, ამიტომ საესეებით ცხადია, რომ იგი მიგზავნის მე ამ იდეებს არა თავის თავიდან უშუალოდ და არც სხვა ისეთი ქმნილების მეშვეობით, რომელშიაც მათი რეალობა შეცნობილი იქნებოდა მხოლოდ ემინენტურად და არა გაფორმებულად. მართლაც, რაკი ღმერთს ჩემთვის აღარ მოუცია არავითარი საშუალება იმის გასაგებად, რომ ეს ასეა, არამედ, პირიქით, მომცა დიდი მიდრეკილება ვიფიქრო, რომ ეს იდეები ნივთიერი საგნებისაგან მოდიან, ამიტომ მე არ ვიცი, როგორ შეიძლებოდა ღმერთს არ დასდებოდა ბრალად მოტყუება, თუ კი ეს იდეები მართლაც სხვა წყაროდან იქნებოდნენ მოსული ან სხვა მიზეზის მიერ იქნებოდნენ წარმოშობილი და არა ნივთიერი საგნების მიერ. მაშასადამე, უნდა დავასკვნათ, რომ არიან ნივთიერი საგნები, რომლებიც არსებობენ. მაგრამ შესაძლებელია, რომ

¹ Formellement ou éminement.

ისინი არ არიან მთლად ისეთები, როგორც ჩვენ აღვიქვამთ მათ გრძნობათა საშუალებით, ვინაიდან ბევრი რამ არის ისეთი, რაც ამ გრძნობისეულ აღქმას ძალიან აბნელებს და აბუნდოვანებს, მიუხედავად ამისა, ჩვენ ის მაინც უნდა ვაღიაროთ, რომ ყველაფერი, რასაც მე იქ შევიმეცნებ ნათლად და გარკვეულად, ე. ი., ზოგადად რომ ითქვას, ყველაფერი, რაც მოცემულია წმინდა გეომეტრიის¹ ობიექტში, კეშმარითად მოიპოვება იქ.

მაგრამ რაც შეეხება სხვა საგნებს, რომელნიც ან მხოლოდ კერძონი არიან (მაგალითად იმას, რომ მზეს ესა და ეს სიდიდე და ესა და ეს აღნაგობა უნდა ჰქონდეს და ს. ა.), ან ნაკლები სინათლითა და გარკვეულობით არიან შეცნობილნი (როგორც, მაგალითად, სინათლე, ბგერა, ტკივილი და სხვა ამათ მსგავსი), ცხადია შემდეგი: ძალიან საეჭვო და არა სანდოც რომ იყვნენ ეს საგნები, მაინც მხოლოდ იმის გამო, რომ ღმერთი არ არის მატყუარა და რომ, მაშასადამე, მას არ დაუშვია, რათა ჩემს შეხედულებებში შესაძლებელი იყოს ისეთი შეცდომა, რომლის გასწორებისათვის საჭირო ძალაც მას ჩემთვის არ მოეცეს, მე დარწმუნებულად შემიძლია დავასკვნა, რომ მე მაქვს საშუალება სრული სიცხადით შევიცნო ისინი. მართლაც, ექვს გარეშეა, რომ ყველაფერი, რასაც კი მე ბუნება მასწავლის, შეიცავს რაღაც კეშმარიტებას, ვინაიდან ბუნების ქვეშ, ზოგადად თუ იქნება იგი განხილული, მე ახლა სხვას არაფერს ვგულისხმობ, თუ არა თვითონ ღმერთს ან, უკეთ რომ ითქვას, იმ წესს და განრიგებას, რომელიც ღმერთმა დაამყარა შექმნილ საგანთა შორის²; ხოლო ჩემი ბუნების ქვეშ, კერძოდ, მე სხვას არას ვგულისხმობ, თუ არა ყველა იმის ნაერთსა და ჯამს, რაც მე ღმერთმა მომანიჭა. |

¹ La géométrie spéculative.

² Par la nature, considérée en général, je n'entends maintenant autre chose que Dieu même, ou bien l'ordre et la disposition que Dieu a établie dans les choses créés.

მაგრამ ეს ბუნება არათფერს არ მასწავლის უფრო მაგ-
რად და უფრო საგრძნობლად, ვიდრე იმას, რომ მე მაქვს
სხეული, რომელიც ცუდ მდგომარეობაშია, როდესაც მე ტკი-
ვილს ვგრძნობ, და რომელსაც საქმელი და სასმელი სჭირია,
როდესაც მე განვიცდი შიმშილს და წყურვილს, და ა. შ.
მაშასადამე, მე არავითარი ექვი არ უნდა მქონდეს, რომ ამაში
რალაც ქეშმარიტება მოიპოვება.

ტკივილის, შიმშილის, წყურვილის და სხვა ასეთი
გრძნობის საშუალებით ბუნება აგრეთვე მასწავლის, რომ მე
მხოლოდ იმნაირად როდი ვარ მოთავსებული ჩემს სხეულში,
როგორც მენავეა მოთავსებული ნავში, არამედ, გარდა ამისა,
მე ძალიან ვიწროდ ვარ დაკავშირებული სხეულთან და იმნა-
ირად ვარ მასთან შერწყმული და შერეული¹, რომ ამ სხეულ-
თან ერთად თითქოს ერთ მთელს შევადგენ. მართლაც, ასე
რომ არ ყოფილიყო, მაშინ მე, რომელიც მხოლოდ მოაზროვნე
არსება ვარ, არ ვიგრძნობდი ტკივილს იმის გამო, რომ ჩემი
სხეული კრილობას იღებს, არამედ შევნიშნავდი ამ კრილო-
ბას მხოლოდ გაგების საშუალებით, აი როგორც მენავე შე-
ნიშნავს ხოლმე ხედვის საშუალებით, თუ მის ნავში რაიმე
გატყდება. და როცა ჩემს სხეულს ესაჭიროება სმა ან ქამა,
მე ეს მეცოდინებოდა უბრალოდ, შიმშილისა და წყურვილის
ბუნდოვან გრძნობათაგან წინასწარ მიღებული გაფრთხილების
გარეშე. მართლაც, შიმშილის, წყურვილის, ტკივილის და
ამათ მსგავსი ყველა გრძნობა სხვა არათფერია, თუ არა აზროვ-
ნების ბუნდოვანი ფორმები, რომლებიც გამომდინარეობენ და
დამოკიდებული არიან გონებისა და სხეულის შეერთებისაგან
და თითქოს შერევისაგან².

გარდა ამისა, ბუნება მასწავლას, რომ ჩემ გარეშე არსე-
ბობს მრავალი საგანი, რომელთაგანაც ზოგიერთს მე უნდა
გაეუბროდე, ზოგიერთს კი ველტვოდე. იქიდან, რომ მე
ვგრძნობ ფერების, სუნის, გემოს, ბგერების, სითბოს, სიმაგ-

¹ Confondu et mêlé.

² Proviennent et dépendent de l'union et comme du mélange de
l'esprit avec le corps.

რის სხვადასხვაობას, მე ძალიან კარგად დავასკენი, რომ იმ საგნებში, რომლებიდანაც მომდინარეობენ გრძობათა ეს ნაირ-ნაირი პერცეპციები, არის ამის შესაფერისი რაღაც სხვადასხვაობა, თუმცა შესაძლებელია, რომ უკანასკნელი სხვადასხვაობა ნამდვილად არ ენსგავსებოდეს პირველს. და ვინაიდან გრძობათა ამ ნაირ-ნაირ პერცეპციებისაგან ზოგიერთი სასიამოვნოა ჩემთვის, ზოგიერთი არასასიამოვნოა, ამიტომ ექვი არ არის, რომ ჩემს სხეულს ან უმალ მთელ ჩემს მეს, რამდენადაც მე შედგენილი ვარ სხეულისა და სულისაგან, შეუძლია მიიღოს სხვადასხვანაირი შეება ან შევიწროება გარშემო არსებული სხეულებისაგან. ✕

მაგრამ არის მრავალი სხვა რამ, რაც, ისე ჩანს, თითქოს მე იგი მასწავლა ბუნებამ, თუმცა ნამდვილად მას ეს არ უსწავლებია, და იგი შემოსულია ჩემს გონებაში იმ ჩვეულების გამო, რომ მე ხშირად ვმსჯელობ საგნებისაგან მოწყვეტილად, რის შედეგად აღვილად შესაძლებელია, რომ შევცდეთ. ასეთი შეცდომაა, მაგალითად, იმ ჩემს შეხედულებაში, თითქოს მთელი ის სივრცე, რომელშიც არაფერია ისეთი, რაც მოძრაობს და შთაბეჭდილებას ახდენს ჩემს გრძობებზე, ცარიელი იყოს; ასეთივე შეცდომაა იმ შეხედულებაში, თითქოს ცხელ სხეულში იმყოფებოდეს რაღაც ისეთი, რაც ემსგავსება სიცხის იმ იდეას, რომელიც არის ჩემში; თითქოს თეთრსა ან შავ სხეულში იმყოფებოდეს იგივე სითეთრე ან სიშავე, რომელსაც მე ვგრძობ; თითქოს მწარესა ან ტკბილ სხეულში იმყოფებოდეს იგივე გემო და ა. შ.; თითქოს ვარსკვლავებს, კოშკებს და სხვა დაშორებულ სხეულებს იგივე აღნაგობა და სიდიდე ჰქონდეთ, როგორც ეს შორიდან ეჩვენება ჩვენს თვალებს და ა. შ. მაგრამ, რათა ამაში არაფერი იყოს ისეთი, რასაც გარკვეულად არ შევიცნობ, მე უნდა ზუსტად განვსაზღვრო, თუ საკუთრივ რას ვგულისხმობ, როდესაც ვამბობ, რომ ბუნება რაღაცას მასწავლის. აქ ბუნება მესმის მე უფრო ვიწრო მნიშვნელობით, ვიდრე იმ შემთხვევაში, როდესაც ვამბობ, რომ ბუნება არის ყველა იმ საგანის კრებული ან ჯაპი, რომელნიც მე ღმერთმა მომცა; ეს კრებული ხომ

ბევრს ისეთ რამეს შეიცავს, რაც მხოლოდ გონებას ეკუთვნის და რასაც მე აქ ვგულისხმობ სრულიად, როდესაც ვლაპარაკობ ბუნებაზე; ასეთია, მაგალითად, ცნება, რომელიც მე მაქვს იმ ქეშმარიტების შესახებ, რომ არ შეიძლება ის, რაც ერთხელ იყო გაკეთებული, სრულიად არ იყოს გაკეთებული, და ამის მსგავსი სხვა კიდევ უამრავი ცნება, რომლებიც მე ვიცი ბუნებრივი სინათლის საშუალებით და სხეულის დაუხმარებლად. ეს კრებული ან ჯამი შეიცავს ბევრ სხვა რამესაც, რაც მხოლოდ სხეულს ეკუთვნის და რაც აგრეთვე არ არის. აქ „ბუნება“ სიტყვის ქვეშ ნაგულისხმევი. ასეთია, მაგალითად, ის თვისება, რომ სხეული მძიმეა, და ბევრი კიდევ სხვა, რის შესახებაც მე აგრეთვე არ ვლაპარაკობ; მე ვლაპარაკობ მხოლოდ იმაზე, რაც ღმერთმა მომანიჭა მე, როგორც გონებისა და სხეულისაგან შედგენილს. ეს ბუნება კი მასწავლის მე გავუბრუნდე ისეთ საგნებს, რომლებიც იწვევენ ჩემში ტკივილის გრძნობას, და ველტვოდე ისეთებს, რომლებიც მაძლევენ სიამოვნების გრძნობას. მაგრამ მე არ ვხედავ, რომ ბუნება ამის გარდა მასწავლიდეს მე, რომ ჩვენ ვალდებული ვიყოთ გრძნობის ამ სხვადასხვა განცდებისაგან ოდესმე რაიმე დასკვნა გამოვიყვანოთ ჩვენ გარეშე არსებულ საგანთა შესახებ, თუ კი გონებას ისინი წინასწარ ბეჯითად და დინჯად არ გაუსინჯავს. ვინაიდან, როგორც მე ვფიქრობ, მარტო გონებას, და არა გონებისა და სხეულის ნაერთს, ეკუთვნის საგანთა შესახებ ქეშმარიტების ცოდნა.

ამრიგად, თუმცა ვარსკვლავი არ ახდენს ჩემს თვალზე მეტ შთაბეჭდილებას, ვიდრე შანდლის სინათლე, ჩემში მაინც არ მოიპოვება არავითარი ისეთი რეალური ან ბუნებრივი უნარი, რომელიც მაიძულებდა მეფიქრა, რომ პირველი არ არის მეორეზე მეტი: პირიქით, ასე ვფიქრობდი მე ჩემი ბავშვობის წლებიდან ყოველივე გონიერი საფუძვლის გარეშე. და თუმცა მე, როდესაც ცეცხლს ვუახლოვდები, ვგრძნობ სითბოს, ხოლო თუ ძალიან ახლოს მივედი მასთან, ვგრძნობ ტკივილს, მაინც არ არსებობს არავითარი საბუთი, რომელიც დამაჯერებდა-

რომ ცეცხლში იმყოფება რაღაც ისეთი, რაც ამ სიტბოს ანდა ამ ტკივილს ემსგავსებოდეს: მე მაქვს მხოლოდ იმის საბუთი, რომ იმ ცეცხლში უნდა იყოს რაღაც ისეთი, რაც, როგორც არ იყოს იგი, იწვევს ჩემში სიტბოს ან ტკივილის გრძნობას. ამნაირადვე, თუმცა არის ისეთი სივრცეები, სადაც მე ვერ ვპოულობ ვერაფერს, რაც აღიზიანებს ან ალაგზნებს ჩემს გრძნობებს, მე მაინც არ უნდა დავსკვნა აქედან, რომ ეს სივრცეები არ შეიცავენ არავითარ სხეულს, ვინაიდან ვხედავ, რომ მე, როგორც ამ შემთხვევაში, ისე სხვებშიაც, მიჩვეული ვარ ბუნების წესრიგის შერყვნას და არევ-დარევას¹. მართლაც, გრძნობის ეს განცდები მოცემული მაქვს მე მხოლოდ იმისათვის, რათა ანიშნონ² ჩემს გონებას, რომელი საგანია სასარგებლო და რომელი მავნებელია იმ ნაერთისათვის, რომლის ნაწილსაც იგი³ შეადგენს, და ამ მხრივ ეს განცდები საკმაოდ ნათელი და საკმაოდ გარკვეულია. მაგრამ მე ამ განცდებით ვსარგებლობ ისე, თითქოს ისინი ფრიად სანდო წესებია, რომლებითაც მე შემიძლია უშუალოდ შევიცნო ჩემ გარეშე არსებულ სხეულთა არსება და ბუნება, თუმცა ნამდვილად ისინი ამის შესახებ მხოლოდ ძლიერ ბნელსა და ბუნდოვან ცოდნას მაწვდიან.

მაგრამ მე უკვე ამაზე წინ საკმაოდ გავსინჯე, თუ რანაირად, მიუხედავად ღმერთის უზენაესი სიკეთისა, ხდება მაინც შეცდომა იმ მსჯელობებში, რომლებსაც მე ასე ვამყარებ. აქ ჩნდება კიდევ მხოლოდ ერთი სიძნელე იმ საგნების შესახებ, რომლებსაც მე, როგორც ბუნება მასწავლის, უნდა ვეწაფებოდე ან გავუბოდე, აგრეთვე იმ შინაგანი გრძნობების შესახებ, რომლებიც ბუნებამ მომანიჭა, ვინაიდან, როგორც მგონია, მე ხანდახან იქ შეცდომა შემიმჩნევია და ამრიგად მე პირდაპირ მოტყუებული ვყოფილვარ ჩემი ბუნების მიერ. მაგალითად, მოშხამული ხორცის სასიამოვნო

¹ Pervertir et confondre.

² Signifier.

³ ე. ი. გონება.

გემოს შეუძლია შხამი შემაჭამოს და ამრიგად შემაცდინოს. მართალია, ბუნება აქ მაინც შეიძლება გამართლებულ იქნეს, ვინაიდან იგი მე მხოლოდ იმას მაიძულებს, რომ მე მსურდეს. სასიამოვნო გემოს მქონე ხორცი, და არა იმას, რომ მე მსურდეს შხამი, რომელიც მისთვის უცნობია. ასე რომ მე აქედან სხვა დასკვნის გამოყვანა არ შემიძლია, თუ არა იმისა, რომ ჩემმა ბუნებამ არ იცის მთლად და საყოველთაოდ ყველაფერი. ეს კი არ უნდა გვიკვირდეს, ვინაიდან კაცს, რამდენადაც მისი ბუნება სასრულია, შეუძლია ჰქონდეს მხოლოდ შეზღუდული სისრულის მქონე ცოდნა.

მაგრამ ჩვენ საკმაოდ ხშირად ვცდებით ისეთ საგნებშიც, რომლებსაც ვაქცევთ ჩვენ თვითონ ბუნება გვერეკება პირდაპირ. ასე ემართება, მაგალითად, ავადმყოფებს, როდესაც მათ სურთ ისეთი რისმე ჭამა ან სმა, რაც მათთვის მავნებელია. შეიძლება თქვან აქ, რომ მათი შეცდომის მიზეზია ის, რომ მათი ბუნება შერყენილია; მაგრამ ეს არ გვაცილებს სიძნელეს, ვინაიდან ავადმყოფი კაცი არა ნაკლებ ქეშმარიტად არის. ღვთის ქმნილება, ვიდრე სრულიად ჯანსაღი კაცი, და, მაშასადამე, ღვთის სიკეთეს არა ნაკლებ ეწინააღმდეგება ის, რომ პირველს ჰქონდეს მატყუარა და ცთომილი ბუნება, ვიდრე ეწინააღმდეგება ამას ის, რომ მეორეს ჰქონდეს ამგვარი ბუნება. კედლის საათი, რომელიც ბორბლებისა და საპირწონეებისაგან არის შედგენილი, იმ შემთხვევაში, როდესაც იგი ცუდად არის გაკეთებული და სწორად არ უჩვენებს დროს, არანაკლები სიზუსტით ექვემდებარება ბუნების ყველა კანონს, ვიდრე იმ შემთხვევაში, როდესაც იგი სავსებით აკმაყოფილებს ოსტატის სურვილს. სწორედ ამნაირად შემიძლია მე ადამიანის სხეულს შევხედო ისე, თითქოს იგი იყოს მანქანა, რომელიც შედგენილია ძვლებისაგან, ნერვებისაგან, კუნთებისაგან, ძარღვებისაგან, სისხლისაგან და ტყავისაგან და რომელიც აშენებულია იმნაირად, რომ მას უსულოდაც შეეძლო შეესრულებია ყველა ის მოძრაობა, რომლებიც ახლა სრულდება ჩვენი ნების გარეშე, მაშასადამე, ჩვენი გონების გარეშეც. ამ შემთხვევაში ადვილად გასაგებია, რომ

ეს სხეული, როდესაც იგი, მაგალითად, დაავადებულია წყალ მანკით, თავისი ბუნების გამო სრულიად იმნაირად განიცდის ხახის სიმშრალეს (რაც გონებას ჩვეულებრივ წარმოუდგება, როგორც წყურვილის გრძნობა) და მისი ნერვები და სხეულის სხვა ნაწილები იმნაირადვე ერეკებიან მას წყლის დაღვევისაკენ (რაც მხოლოდ აღიღებს ავადმყოფობას), როგორც ამ ავადმყოფობისაგან თავისუფალ სხეულს ხახის ასეთივე სიმშრალე აიძულებს დალიოს წყალი თავის სასარგებლოდ. მართალია, იმ გამოყენების მიხედვით, რომლისთვისაც კედლის საათი დანიშნული იყო მისი გამკეთებლის მიერ, მე შემედლო მეთქვა, რომ ეს საათი სცდება თავის ბუნებას, როდესაც იგი კარგად არ უჩვენებს დროს; ამნაირადვე, თუ ადამიანის სხეულის მანქანას შევხედავ, როგორც ღმერთის მიერ იმისათვის გაკეთებულს, რათა მას ჰქონდეს თავის თავში ყველა ის მოძრაობა, რომელიც ჩვეულებრივ არის იქ, მე მაქვს საბუთი ვიფიქრო, რომ იგი არ ემორჩილება თავისი ბუნების წესრიგს, როდესაც მისი ხახა მშრალია, დაღვევა კი მისი არსებობის შენარჩუნებისათვის მავნებელია. მაგრამ მე ვამჩნევ, რომ ეს უკანასკნელი ხერხი ბუნების ახსნისა ძალიან განსხვავდება მეორისაგან, ვინაიდან იგი სხვა არაფერია თუ არა ერთგვარი გარეგნული სახელწოდება¹, რაც სავსებით დამოკიდებულია ჩემი აზროვნებისაგან (რომელიც ავადმყოფ კაცს და ცუდად გაკეთებულ საათს აღარებს იმ იდეას, რომელიც მაქვს მე ჯანმთელ კაცზე და კარგად გაკეთებულ საათზე) და რაც არ აღნიშნავს არაფერს, ნამდვილად არსებულს იმ საგანში, რომლის შესახებ იგი ნათქვამია. ამის აღვიღებ ბუნების ახსნის მეორე ხერხის საშუალებით მე შევიმეცნებ რალაც ისეთს, რაც ღართლა არის საგნებში, და, მასასადამე, იგი არ არის ქეშმარიტებას მოკლებული.

ამრიგად, თუმცა წყალმანკიან სხეულის მიმართ სრულიად გარეგნული სახელწოდებაა, როდესაც იტყვიან, რომ მისი

¹ Une certaine dénomination extérieure.

ბუნება შერყვნილია, რაკი მას ხახა მშრალი აქვს, წყლის დაღევა კი არ ესაქიროება, მაგრამ მთელი ადამიანის მიმართ (ე. ი. სხეულთან შეერთებული გონების ან სულის მიმართ) ეს არის არა უბრალო სახელწოდება, არამედ ბუნების ნამდვილი შეცდომა, რადგან მას იმ დროს აქვს წყურვილი, როდესაც მისთვის წყლის დაღევა მანებელია. მაშასადამე, გამოსაკვლევეია კიდევ, თუ როგორ არ ეწინააღმდეგება ღმერთის სიკეთე იწას, რომ ადამიანის ბუნება, ამ აზრით აღებუ-ლი, ცთომილი და მატყუარა იყოს.

რათა დავიწყო ეს გამოკვლევა, მე უწინარესად აღე-ნიშნავ, რომ არის დიდი განსხვავება გონებასა და სხეულს შორის¹ იმ მხრივ, რომ სხეული თავისი ბუნებით ყოველთვის განყოფადია, ხოლო გონება სრულიად განუყოფელია. მართლაც, როდესაც მე მას ვაკვირდები, ე. ი. როდესაც მე ვაკვირდები ჩემს საკუთარ თავს, რამდენადაც მე ვარ მხოლოდ მოაზროვნე საგანი, ნე არ შემძლია გავარჩიო ჩემს თავში რაიმე ნაწილები, არამედ მე ვიცი და მესმის ძალიან ნათლად, რომ მე ვარ რაღაც აბსოლუტურად ერთი და მთელი². და თუმცა მთელი გონება³, როგორც ჩანს, შეერთებულია მთელ სხეულთან, მაგრამ როდესაც სხეულს ეკარგება ან ხელი, ან ფეხი, ან სხვა რაიმე ნაწილი, ამის გამო, როგორც მე კარგად ვიცი, არაფერი არ აკლდება ჩემს გონებას. ნებე-ლობის, გრძნობის, შემეცნების და ს. ა. ნიჭიერებანი⁴ არ შეიძლება მივიჩნიოთ გონების ნაწილებად, ამ სიტყვის ზუსტი მნიშვნელობით, ვინაიდან ერთი და იგივე მთლიანი გონება ნებელობს, მთლიანი გონება გრძნობს და შეიმეცნებს და ა. შ.⁵ მაგრამ სრულიად საწინააღმდეგო მდგომარეობაა

¹ Il y a une grande différence entre l'esprit et le corps.

² Je suis une chose absolument une et entière.

³ Tout l'esprit.

⁴ Les facultés de vouloir, de sentir, de concevoir etc.

⁵ ე. ი. ერთი და იგივე მთლიანი გონებაა ის გონება, რომელიც გრძნობს, შეიმეცნებს, გადაწყვეტილებებს იღებს, და არ შეიძლება ითქვას, თითქოს შეიმეცნებას აწარმოებდეს გონების ერთი ნაწილი, ხოლო გადაწყვეტილებებს იღებდეს გონების სხვა ნაწილი (მთარგმნ. შენ.).

ნივთიერ ან განუფენილ საგნებში, ვინაიდან მე ვერ წარმო-
მიდგენია ისეთი სხეული. (რაც უნდა მცირე იყოს იგი), რო-
მელიც არ შეეძლოს ადვილად გავანაწილო ჩემს აზროვნე-
ბაში და რომელსაც მე, მაშასადამე, არ ვცნობდე განყოფად
საგნად. ეს კი საკმარისი იქნებოდა, რათა ესწავლებია ჩემთვის,
რომ გონება ან სული ადამიანისა სრულიად განსხვავდება
სხეულისაგან, კიდევაც რომ არ მქონებოდა ეს მე სხვა წყა-
როებიდან უკვე საკმაოდ შეცნობილი.

მე ვამჩნევ აგრეთვე, რომ გონება სხეულის ყველა ნა-
წილისაგან როდი იღებს შთაბეჭდილებებს უშუალოდ, არამედ
მხოლოდ ტვინისაგან, ან შესაძლებელია თვით ამ ტვინის
ერთ-ერთი უმცირესი ნაწილისაგან, სახელდობრ, იმ ნაწილი-
საგან, სადაც წარმოებს ნიკი, რომელსაც საზოგადო
გარძნობა¹ ეწოდება. ყოველთვის, როცა ეს ნაწილი ერთ-
სა და იმავე მდგომარეობაში იმყოფება, იგი ერთსა და
იმავეს აგარძნობინებს გონებას, თუმცა შესაძლებელია ამ
დროს სხეულის სხვა ნაწილები სხვა მდგომარეობაში იმყო-
ფებოდნენ. ამას ადასტურებენ უამრავი ცდები, რომელთა მო-
ტანა აქ არ არის საჭირო.

მე ვამჩნევ, გარდა ამისა, რომ სხეულის ბუნება ისეთია,
რომ არც ერთი მისი ნაწილი არ შეიძლება ცოტათი მისგან
დაშორებული ნაწილის მიერ იმნაირად იქნეს ამოძრავებული,
რანაირადაც იგი არ შეეძლო ამოძრავებია ყოველ ნაწილს,
რომელიც მათ შორის იმყოფება, თუნდაც ის უფრო დაშო-
რებული ნაწილი სრულიადაც არ მოქმედებდეს. ავილოთ, მაგა-
ლითად, სავსებით დაკიმული ბაწარი ABCD: თუ ჩვენ მოვ-
წიეთ და ავაშორავთ უკანასკნელი ნაწილი D, მაშინ პირ-
ველი ნაწილი A არ შეიძლება იმნაირადვე არ ამოძრავდეს,
რანაირადაც ამოძრავდებოდა იგი აგრეთვე იმ შემთხვევაში,
რომ ჩვენ მოგვეწია შუაში მდებარე რომელიმე ნაწილი B
ან C, ხოლო უკანასკნელი ნაწილი D ამ დროს დარჩენილიყო
უძრავად. სწორედ ამრიგად, როცა მე ვგარძნობ ტკივილს

¹ Le sens commun.

ფეხში, ფიზიკა მასწავლის, რომ ეს გრძნობა გადმომეცემა ფეხში გაბნეული ნერვების საშუალებით, ვინაიდან ეს ნერვები ბაწრების მსგავსად გაბმული არიან ფეხსა და ტვინს შორის. ამიტომ, როცა მათ მოსწევენ ფეხში, ისინი იმავე დროს მოსწევენ ტვინის იმ ადგილს, საიდანაც ისინი გამოდებიან და სადაც ბოლო აქვთ, და იწვევენ იმ გარკვეულ მოძრაობას, რომელიც იმისათვის დაუწესებია ბუნებას, რათა გონებას აგრძნობინოს ტკივილი, როგორც ფეხში არსებული. მაგრამ, რადგანაც ამ ნერვებმა უნდა გაიარონ კანკი, ბარძაყი წელი, ზურგი და კისერი, რათა ფეხიდან ტვინამდე მიაღწიონ, ამიტომ შეაძლებელია მოხდეს ისე, რომ ამ ნერვების ბოლო ნაწილი, რომელიც ფეხში იმყოფება, არ იყოს სრულიად მოძრაობაში, ხოლო ამოძრავებული იყოს მათი ის ნაწილი, რომელიც იმყოფება წელში ან კისერში: ასეთი მოძრაობა მაინც გამოიწვევდა ტვინში სწორედ იმ მოძრაობას, რომელიც შეეძლო გამოეწვია ფეხში მიღებულ კრილობას, რის გამო აუცილებელი იქნებოდა, რომ გონებას ეგრძნო ფეხში ისეთივე ტკივილი, თითქოს ეს ფეხი დაკრილი ყოფილიყო. ამნაირადვე უნდა ვიმსჯელოთ ჩვენი გრძნობის ყველა სხვა განცდის¹ შესახებაც.

დაბოლოს, მე ვამჩნევ შემდეგ გარემოებასაც: რაკი თითოეული მოძრაობა, რომელიც ხდება ტვინის იმ ნაწილში, საიდანაც გონება უშუალოდ იღებს შთაბეჭდილებას, იწვევს გონებაში მხოლოდ ერთს გრძნობას, ამიტომ ჩვენ ვერაფერს ვისურვებდით და ვერც წარმოვიდგენდით იმაზე უკეთესს, რომ ამ მოძრაობას (ყველა იმ გრძნობას შორის, რომელთა გამოწვევაც კი მას შეუძლია) გამოეწვია გონებაში სწორედ ის გრძნობა, რომელიც ყველაზე უფრო შესაფერისია და ჩვეულებრივ ყველაზე უფრო სასარგებლოა ადამიანის სხეულის შენარჩუნებისათვის იმ დროს, როდესაც ეს სხეული სავსებით სალია. მაგრამ გამოცდილება გვეუბნება, რომ ბუნების მიერ მოცემული ყოველი გრძნობა ისეთია, როგორც წელან

¹ Perceptions.

ეთქვი; მაშასადამე, არაფერია მასში ისეთი, რაც არ ამჟღავნებს ღმერთის ძლიერებას და სიკეთეს. მაგალითად, როდესაც ნერვები, რომლებიც ფეხში იმყოფებიან, ჩვეულებრივზე უფრო ძლიერ არიან ამოძრავებული, მაშინ მათი მოძრაობა, გაივლის რა ხერხემლის ტვინის გზით თავის ტვინამდე, ახდენა იქ გონებაზე ისეთ შთაბეჭდილებას, რომელიც აგრძნობინებს მას რალაცას, სახელდობრ, ტკივილს ფეხში, რის მეოხებით გონებას გაფრთხილება ეძლევა, რომ მან გააკეთოს რაც შეუძლია, რათა მოსპოს ტკივილის მიზეზი, როგორც ფრიად საშიში რამ და ფეხისათვის მავნებელი. მართალია, ღმერთს შეეძლო ადამიანის ბუნება ისე მოეწყო, რომ იმავე მოძრაობას ტვინში სულ სხვა გრძნობა გამოეწვია გონებაში: მაგალითად, რომ მას¹ ეგრძნობინებია თავისი თავი ისე, თითქოს იგი იმყოფება ან ტვინში, ან ფეხში, ან ტვინსა და ფეხს შორის მდებარე რომელიმე ადგილში, ანდა გამოეწვია სულ სხვა რაიმე შესაძლებელი გრძნობა. მაგრამ ამათგან არც ერთი ისე კარგად არ შეუწყობდა ხელს სხეულის შენარჩუნებას, როგორც ის გრძნობა, რომელსაც იგი ნამდვილად იწვევს. ამის მსგავსად, როდესაც ჩვენ გვჭირია წყლის დაღვევა, მაშინ ხახაში გვიჩნდება ამის გამო ერთგვარი სიმშრალე, რომელსაც მოძრაობაში მოჰყავს ხახის ნერვები, ხოლო ამათ საშუალებით ტვინის შინაგანი ნაწილები; და აი ეს მოძრაობა აგრძნობინებს გონებას წყურვილის გრძნობას, ეინაიდან ამ შემთხვევაში არაფერია ჩვენთვის იმ ცოდნაზე უფრო სასარგებლო, რომ ჯანმთელობის შესანარჩუნებლად ჩვენ გვჭირია წყლის დაღვევა, და ააე სხვა შემთხვევებშიც.

აქედან საესებით ცხადია, რომ, მიუხედავად ღმერთის უზენაესი სიკეთისა, ადამიანის ბუნება, რამდენადაც იგი შედგენილია გონებისა და სხეულისაგან, არ შეიძლება ზოგჯერ არ იყოს ცთომილი და მატყუარა. მართლაც, თუ არსებობს რაიმე მიზეზი, რომელიც არა ფეხში, არამედ ფეხიდან ტვინამდე მიმავალ ნერვის ამა თუ იმ ნაწილში, ანდა თვით ტვინ-

¹ ე. ი. მოძრაობას (მთარგმნ. შენ.).

ში იწვევს იმავე მოძრაობას, რომელიც ჩვეულებრივ ჩნდება, როდესაც ფეხი ცუდს მდგომარეობაში იმყოფება, მაშინ ჩვენ ისე ვიგრძნობთ ტკივილს, თითქოს იგი ფეხში იმყოფებოდეს, და ეს გრძნობა ბუნებრივად მოტყუებული იქნება. რაკი ერთსა და იმავე მოძრაობას ტვინში შეუძლია გონებაში გამოიწვიოს მხოლოდ ერთი და იგივე გრძნობა და რაკი ეს გრძნობა ბევრად უფრო ხშირად გამოწვეულია იმ მიზეზით, რომელიც აზიანებს ფეხს, ვიდრე სხვა ადგილში მყოფი მიზეზით, ამიტომ ბევრად უფრო გონიერია, რომ ეს მოძრაობა ყოველთვის აძლევდეს გონებას ფეხის ტკივილის, ვიდრე სხვა რომელიმე ნაწილის ტკივილის გრძნობას. და თუ ზოგ შემთხვევაში ხახის სიმშრალე, ჩვეულებრივი წესისაგან განსხვავებით, ჩნდება არა იმის გამო, რომ წყლის დაღვევა საჭიროა სხეულის ჯანმთელობისათვის, არამედ სრულიად ამის საწინააღმდეგო მიზეზისაგან (როგორც ეს ემართებათ წყალმანკიანებს), მაგრამ მაინც ბევრად უკეთესია, რომ ხახის სიმშრალემ ასეთ შემთხვევაში შეცდომაში შეგვიყვანოს, ვიდრე ის, რომ მას, წინააღმდეგ ამისა, შეცდომაში შევყავდეთ ყოველთვის, როდესაც სხეული ჯანმთელად იმყოფება. ასე ითქმის სხვა მაგალითებშიც.

ეს მოსაზრებანი ძალიან მეხმარებიან არა მხოლოდ იმისათვის, რომ შევიცნო ყველა შეცდომა, რომლებიც ემართებიან ჩემს ბუნებას, არამედ იმისათვისაც, რომ თავი ავაჩილო მათ, ანდა უფრო ადვილად გავასწორო ისინი. მართლაც, რაკი მე ვიცი, რომ ჩემი გრძნობები უფრო ხშირად სიშართლეს, ვიდრე სიცრუეს მაუწყებენ იმის შესახებ, რაც სხეულის შვებას თუ ვნებას შეეხება, რაკი მე ერთისა და იმავე საგნის გასასინჯავად თითქმის ყოველთვის შემიძლია ვისარგებლო რამდენიმე გრძნობით და რაკი, გარდა ამისა. მე შემიძლია გამოვიყენო ჩემი მეხსიერება (რათა აწინდელი ცოდნა დაეუკავშირო უწინდელს) და აგრეთვე ჩემი განსჯაც, რომელმაც უკვე გამოამტკიცა ჩემი შეცდომების ყველა მიზეზი, ამიტომ მე აწ არ უნდა მეშინოდეს, რომ ის საგნები, რომლებსაც ჩემი გრძნობები მე ყველაზე უფრო ჩვეულებრივ მიჩვენებენ,

ნამდვილი არ იყვნენ. მე უნდა უკუვაგდო ამ განვლილი დღეების ყველა ექვი, როგორც გადაქარბებული და სასაცილო რამ, განსაკუთრებით კი უნდა უკუვაგდო ფრიად ზოგადი ექვიანობა სიზმრის შესახებ, რომელსაც მე სიფხიზლისაგან ვერ ვარჩევდი: ამჟამად მე იქ ვამჩნევ დიდ განსხვავებას იმ მირივ, რომ ჩვენს ნიხსიერებას არასოდეს არ შეუძლია ჩვენი სიზმრები შეკრას და დააკავშიროს ერთიმეორესთან და აგრეთვე ჩვენი ცხოვრების მთელა მსვლელობასთან, აი ისე, როგორც აკავშირებს იგი ჩვეულებრივ იმას, რაც ჩვენ სიფხიზლეში შეგვეჩვევა ხოლმე. და მართლაც, თუ სიფხიზლეში ყოფნის ქამს ვინმე უცბად მომეჩვენებოდა და იმნაირადვე გაქრებოდა (აი როგორც ამას აკეთებენ სახეები, რომლებსაც მე ძილში ვხედავ), ასე რომ, მე არ მქონებოდა საშუალება შემემჩნია, საიდან მოვიდა იგი ან საით წავიდა, ასეთ შემთხვევაში მე არაუსაფუძვლოდ ჩავთვლიდი მას უმაღლეს ჩემს ტვინში შექმნილ აჩრდილად ან მოჩვენებად, როგორიც მიჩნდება ხოლმე მე ძილის დროს, ვიდრე ნამდვილ ადამიანად. მაგრამ, თუ მე ვამჩნევ საგნებს, რომლების შესახებ მე გარკვეულად ვიცი ის ადგილი, საიდანაც ისინი მოდიან, ის ადგილიც, სადაც ისინი იმყოფებიან, და ის დრო, როდესაც ისინი მე მეჩვენებიან, და თუ მე შემიძლია მათგან მიღებული გრძნობა ყოველი ხარვეზის გარეშე დავაკავშირო ჩემი დანარჩენი ცხოვრების მსვლელობასთან, მაშინ მე სრულიად დარწმუნებული ვარ, რომ ამ საგნებს მე ვხედავ სიფხიზლეში და არა ძილში. და მე არასგზით არ უნდა შეეჭვებოდეს საგნის სინამდვილე, თუკი მე ყველა ჩემი გრძნობის, ჩემი მეხსიერების და ჩემი განსჯის საშუალებით ამ საგნის გასინჯვის შემდეგ აღმოვაჩენ, რომ არც ერთი ნათვანი არ მაწვდის ისეთ ცნობას, რომელიც მეორის მიერ მოწოდებულ ცნობას ეწინააღმდეგებოდეს. ვინაიდან ღმერთის უტყუარობიდან აუცილებლად გამომდინარეობს, რომ მე სრულიად არ ვარ ამაში მოტყუებული. (მაგრამ, რამდენადაც საქმეთა აუცილებლობა გვავალებს ჩვენ ხშირად მივიღოთ ესა თუ ის გადაწყვეტილება იმაზე უფრო ადრე, ვიდრე ჩვენ მოკლილი ვიქნებით ამ საქმეთა ბეჯითი გასინჯვისათვის, ამდენად ჩვენ უნდა ვალიაროთ, რომ ადამიანის ცხოვრება ძალიან ხშირად შეცდომის მსხვერპლი ხდება კერძო საკითხებში, ბოლოს კი უნდა ვცნოთ ჩვენი ბუნების უძლეობა და სისუსტე.

წინასიტყვაობა	III
პირველი ფილოსოფიის შესახებ განაზრებანი, სადაც ნათლად მტკიცდება ღმერთის არსებობა და რეა- ლური განსხვავება ადამიანის სულსა და ტანს შორის	1
გ ა ნ ა ზ რ ე ბ ა პ ი რ ვ ე ლ ი ი მ საგანთა შესახებ, რომელნიც შეიძ- ლება ეკვის ქვეშ იქნენ დაყენებულნი	1
გ ა ნ ა ზ რ ე ბ ა მ ე ო რ ე ადამიანური გონების ბუნებისათვის და იმის შესახებ, რომ მისი შეცნობა უფრო ადვილია, ვიდრე სხეულისა	10
გ ა ნ ა ზ რ ე ბ ა მ ე ს ა მ ე ღმერთის შესახებ, რომ იგი არსებობს	26
გ ა ნ ა ზ რ ე ბ ა მ ე ო თ ხ ე კეშმარიტისა და ყალბის შესახებ	52
გ ა ნ ა ზ რ ე ბ ა მ ე ხ უ თ ე მატერიალურ საგანთა და კვლავ ღმერ- თის შესახებ, რომ იგი არსებობს	66
გ ა ნ ა ზ რ ე ბ ა მ ე ე ქ ვ ს ე შესახებ ნივთიერ საგანთა არსებობისა და იმ არსებითი განსხვავებისა, რომელიც არის კაცის სულსა და სხეულს შორის	77

დაიბეჭდა საქართველოს სსრ მეცნიერებათა აკადემიის
სარედ.-საგამომც. საბჭოს დადგენილებით

*

რედაქტორი ე. მაჭავარიანი
გამომც. რედაქტორი გ. ლლონტი
ტექნიკური ნ. ჯაფარიძე
კორექტორი დ. სონდულაშვილი

გადაეცა წარმოებას 24.5.1955; ანაწყოების ზომა $5\frac{1}{2} \times 9$; ხელმოწ.

დასაბეჭდად 21.10.1955; ქალაქის ზომა $84 \times 108/10$;

ქალაქის ფურცელი 1,62; საბეჭდი ფურცელი 5,33; საავტორო
ფურცელი 4,67; სააღრიცხვო-საგამომცემლო ფურცელი 4,76;

შეკვეთა 977; უე 05196 ტირაჟი 2000

ფასი 3 მან.

ყდა 1 მან.

4 მან.

შემჩნეული შეცდომების გასწორება

3.	სტრიქონი		დაბეჭდილია	უნდა იყოს	
	ზევიდან	ქვევიდან			
17	3		გრძნობს,	გრძნობს.	
24		1	Aperçoit	Aperçoit	
30		1	Connoître	Connoître	
31		4	J'imagine	J'imagine	
31		1	J'expérimente	J'expérimente	
33		8	იდეა	იდეები	
35		13	საგნად,	საგნად.	
		1	Genze	Genre	
39		5	Evident	Evident	
		2	Faussetè	Fausseté	
41		2	connoissano	connoissance	
48		3	L'unitè	L'unité	
49		1		მჯერა	მჯერა.
50			4	Indéfiniment	Indéfiniment
54	3		Défaut	Défaut	
55	2		Lucompréhenssible	L'incompréhensible	
59	2		Délibérer	Délibérer	
60	4		concevoir	concevoir	
64	1		Délibérer	Délibérer	
68	3		étaut	étant	
72	3		veritablés	véritables	
74	4		évidement	évidement	
79	2	facon	façon		
88	5	entendre	entendre		
	1	crées	créées		
94	1	extérieure	extérieure		
95	7	entière	entière		